



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien


Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.



170-172. Günzberg, g.E.v. - Sämtliche Jahre
Bd. 2

-15-3 830.8

A21 B825

Neudrucke

Flugschriften aus der Reformationszeit. XV.

Johann Eberlin von Günzburg,

Sämtliche Schriften

Bd. 2.

Herausgegeben

von

Ludwig Enders.

170-172.

Halle a. S.
Max Niemeyer.
1900.

**LIBRARY OF THE
LELAND STANFORD JR. UNIVERSITY.**

Q. 46512

OCT 30 1900

**Neudrucke deutscher Litteraturwerke des XVI. und XVII. Jahrhunderts
No. 170—172.**

Vorwort.

Das erste Bändchen von Eberlin, die „15 Bundesgenossen“ enthaltend, ist in beteiligten Kreisen einem so lebhaften Interesse begegnet, daß mehrfach, sowohl brieflich als auch öffentlich, das Ansuchen an mich erging, den Plan zu erweitern und statt bloß „ausgewählter“ Schriften alle Schriften Eberlins in den Neudrucken zu veröffentlichen. Ich habe diesem Wunsche, welcher mir die Richtigkeit meines Urteils in der Einleitung zu Bd. 1, S. III zu bestätigen schien, daß Eberlin neben Luther der sprachgewandteste und sprachgewaltigste Pamphletist der beginnenden Reformationszeit gewesen, gern Folge geleistet. Es wird demnach unsere Sammlung jetzt alle gedruckten Schriften Eberlins, einschließlic einer von ihm herrührenden Uebersetzung aus dem Lateinischen und einer zwar nicht mit voller Sicherheit, aber doch mit großer Wahrscheinlichkeit ihm zuzuschreibende Schrift enthalten. Das Material ist dadurch so gewachsen, daß es nach den maßgebenden Grundsätzen für die Neudrucke nicht in Einem Bändchen vereinigt werden konnte, sondern der Rest für ein weiteres Bändchen zurückgelegt werden mußte. Diesem Schlußbändchen, für welches der Text bereits fertig gestellt ist, werden dann auch die litterarhistorische Einleitung sowie die sachlichen und sprachlichen Erläuterungen für die im gegenwärtigen Bändchen erscheinenden Schriften beigefügt werden.

Oberrad bei Frankfurt a. M.

L. Enders.

Inhalt.

I. Wider die Schänder der Creaturen Gottes . . .	1
II. Wie gar gefährlich, so ein Priester kein Ehe- weib hat	21
III. Vom Mißbrauch christlicher Freiheit	39
IV. Klage der sieben frommen Pfaffen	57
V. Trost der sieben frommen Pfaffen	79
VI. Schöne und klägliche Historie Bruder Jacobs Probst in Antwerpen	95
VII. Wider den unvorsichtigen Ausgang vieler Kloster- leute	119
VIII. Eine freundliche Vermahnung an die Christen zu Augsburg	137
IX. Ein Büchlein, worin auf drei Fragen geantwortet wird	153
X. Ein kurzer schriftlicher Bericht (Erster Brief) an die Ulmer	171

Berichtigung.

S. 138 Z. 7 von unten lies vnderainander.

Wider die schender der Creatu
ren gottes, durch Weyhē, oder
segnen, des Salzs, Wasser,
Palmen, fraut, wachß, fewr
ayer, fladen ꝛ: nit züuerach=
tung der Creatur, allain mel=
dung d'gotslesterlichē betrug
lichen falsch glaubigen
yrrsalen. Johan
nes Eberlin ꝛ:
1525:
Jar

[Mij]

Vorrede:

VDr etlicher zehet hat ain grawer Franciscaner münch von sant Annaberg sich ganz Frankeiscanisch (das ist gleyßnerisch vnd vngeleret) herfür gethan wider etliche lerer der gottes gnaden, im euangelio bezahgt, vnd ain groß Minoritisch argument vnd geplärr geführt, Do wider mit geweychten Wasser vnd Saltz sich lassen beducken, damit wöllen allem vnfüg ain hütlein auffsetzen vnd beschirmen, das etwas anders mehr zehalten (als hayßsam vnd nütz zu menschlichem hah) Dann was in biblischen büchern geschriben ist, Dawider sich gestellt hatt do malen Doctor Andreas Bodenstein von Carlstat, in etlichen seinen geschribten, in teütscher sprach beschriben, darinnen vmbgestoffen geschribtlich vnd beschaydennlich obgemelte einwürff des grossen Minoritischen Helden, Aber do malen so leins, das mich verdrüß, das ein stolzer Franciscaner so ain verschonte antwort soll haim geschickt werden, als in solcher beschaydener weyß vnd form. Ich wölt auch, Carlstat hette des Räthjegers namen nit inn sein Büchlein gesetzt, dann er nit werdt ist, das sein name sol inn gedächtnus sein bey den nachkommen. Nygne hoffart hat in dar zu getrunken gleich jhenem, der in Brunnen schiß, das man auch vnn im etwas sagte im volck. Die heydnischen geschichtschreyber sagen von ainem solchen, der den Tempel Diane zu Epheso verbrandt, in hoffnung man würde dauon sagen ferr vnd lang, Die Ephesier aber verboten, man solt nicht dauon schreyben noch sagen, das nit solch eergehzig herz erfolgte sein böß fürnemen. Vnd ich wolte auch, des grawen Guglers namen were geschwigenn, Aber so es geschehen ist, muß man das lassen gon wie es gat.

Das aber mer kundlich werd seydt her von newem, wie der gots lesterer mit gotslesterung wyder die götlich warheit fächte, will ich in diser geschribt schlecht vnd ainseltig [Mij^b] anzaigen, das die weyhung der creaturen, wie hetz im gebrauch lang gewest, nit allain vngegründt in hayliger geschribt sey, wie Carlstat anfangs wol bewert hat, sonder auch wider gottes geschribt vnd eere zc. Ich

will es nit lassen bleyben bey ainer güten bedeytunng, Als weren sie darzü auffgesetzt.

Wann also möcht mann bey allem mißgebrauch verston wöllen etwas güts, wie wol frembd vnd gezwungen, dabey mag man abnemen als ainen lewen bey aim klawlein herauß wachsende, was in künfftig zeitt darmit fürgenommen werde, wann nun die senfften Christlich leerer Luther . Philip. Melancton vnd ander zc. Auch nit mer auf erden seind, als man vermainet, weren heßgemelte thewre männer erwürgt, die Sophistischen Papisten hätten rüh, nain nain, diße männer hindern mer der widerChristen vnglück mit senfftmüthigkeit, dann das sie es fürderten, so sie mündtlich vnd gschriftlich leren vnd gebietten, man sol kain anndern rumor fürnemen wider sie, dann allain was das rain fewrig gottes wort erwecke. O wie ernstlich, begyrig vnnnd scharpff würde gehandelt mit feder, zungen vnd schwert, wo obgemelte milte leerer nit so größlich widerstünden, aber man würdt wol erfahren ayn mal, das man heß nit glaubt. Es würdt ain zejt kommen, das man wünschen wirdt obgemelter lerer vnnnd herren zeitliches leben, vnd wirdt doch alles vmbsonst sein, Aber davon ain andermal, vernement heß, was ich von der weyhe sagen wil.

Alle Creatur gottes seind güt:

So ich von den Creaturen reden will, muß ich vnder-schidlich reden, damit yrrsal verhiet werde.

Es seind gottes creaturen, da von psalm .cxlv. Got hat beschaffen himel vnd erden, das Mör vnd alles das darinn ist zc. Es seind auch creaturen der menschen. Davon 1 Petri .2. Ir sollen vnderworffen sein aller menschlichen Creatur, das ist aller menschlichenn geschafft des [Mij] weltlichen schwerts vnd jr ordnung vmb gots willen, Es sind sonst auch mer creaturen des widerchrists, darunder die falschen propheten auffgestanden, daruor sich menigklich verhüt, vnd von jn geredt, daruon zü melden, wie der creator ist, also ist auch die creatur zc. Hie will ich reden von den ersten creaturen, die allain Gottes seind, douon geschriben stat Genesis 1. cap. Im anfang hat gott geschaffen hymmel vnd erden, vnnnd bald darnach so Moses

erzelt hat die werck der sechs tag, spricht er, Gott hat gesehen alle ding, wölche er gemacht hat, vnnnd sie waren fast güt zc. Vnd Paulus 1. Thim. 4. Alle creaturen gotes seind güt, Der schöpffer ist güt vnnnd das beste güt, vnnnd all seine creaturen seind güt vnnnd fast güt.

Widerpruch.

Möchten etlich sagen, wie mügenn Wölff, Löwen, schlangen, natern, krotten zc. güt sein, so sie grossen schaden dem vihe vnnnd den menschen bringen, Wöllyche vnns auch got fürwürfft zu ainem schrecken. Deutro. xxviij. auch c. xxxij.

Antwort.

Das anzahgen der vernunft hat auch den Plutarchum gelert, wie man auß allen dingen müge ainen nutz schöpfen vnnnd nemen, als auch täglich erfahrung weyßt, das vns zu grossen nutz dieneut auch grawsame ghyffte thier als ire heuten, ire gebain, flaisch zc. Item der krotten statn, der natern zungen zc. vilfältig nutz vnnnd not seind dem menschen, vnnnd wo also ain mensch hatt grosse erkantnuß der nature der vnuernunftigen thieren, bedarff man dyßen spruch nit beweren lang vnnnd vil, Auch ist darumb ain ding nit böß, so es dir nit heß oder on mittel nuget, hew ist ayn gütte speyß dem ochsen, aber dir nit, das Schweyn hhet menschen vnfauberkeit, das wider menschen lust ist, Ain stork hhet schlangen, aber wider menschlich natur, Got regiert dye welt, wölche er auch beschaffen hat zc. alle creatur seynd güt, wiewol nit alle ding ein hetlichen zu aller zeyt nutzen oder not seind.

[Aij^b] Das aber etliche thier dem menschen schädlich seind, ist nit der boßhait schuld ann den thyeren, aber der sünden schuld im menschen, Got hat beschaffen den menschen ain herren aller creaturen, im wasser, lufft, vnnnd erden. Genesis .1. capitel. Aber durch die sünd hat der mensch verloren söllliche herschafft, vnnnd an stat der herschafft ist forcht vnnnd schaden kommen, vnser sünde haben das verdient, das got vnser vngehorsame straffe durch der thyer vngeßtüme gegen vns, ia im menschen selbst ist der aygen leyb wider aigne seel, sinlichkeit wider vernunft, ain ver-

nunfftiger anschlag wider den andern. Rom. ij. cap. vnnnd der mensch ist sein selbst größter feynd worden, vnnnd ob kayn Creatur dem menschen schaden thätte, müste er sich selbst schädigen, an ain glyd mit messer, holz, stah, ainer stoß im selbst ain aug auß, hawet im selbst ain finger ab, erschießet oder erwürgt sich selbst. Gott hat es also geordnet, Also ist kundtlich, das man so wenig sol achten dye thier für böß, Darumb das dem menschen schaden von jnen erwachset, als wennig ahner sich selbst böser achtet, wann er im selbst schaden thut, wie wol on gfar, gott gebraucht alle creatur zu dienst, wann vnd wie er will, vnd sy müssen im gehorsam sein.

Alle ding seind nutz oder schedlich, wie der ist, wölcher ain ding gebraucht.

Vor vns haben auch die Philosophy glagt, wie du byst, also seind dir alle ding, Aber wir wöllen meer bawen auff die wort gottes dann auff ahgne erkandtnus oder erfahrung, Christus leeret, das speiß vnnnd tranck an im selbst nit böß sey, wo das hertz nit böß ist. Mathey am funffgehenden Capitel. Auch nicht güt machen aufferliche dinng, noch auff got laytten, wa das hertz nit güt ist, Mathei drehundzwainzigsten. Auch [M⁴] Thito .1. Den raynen seind alle ding rayn, aber den besleckten vnnnd vnglaubigen ist nichts rayn, aber jr gemüt vnd gewissen seind besleckt. Das ist, bist du güt, so sind dir alle ding güt, bist du böß, seind dir alle ding böß zc.

Bist du güt, so geschicht dir, wie Romanos am achten geschriben stat, wir wissen aber, das denen, die Got lieben, alle dinng zu dem besten dienen, die nach dem fürsatz berüfft seind, vnnnd bald darnach, ich bins gewiß, das weder tod noch leben, noch engel, noch Fürstenthum, noch gewalt, noch gegenwertigs noch zukünfftiges, noch hohes, noch theffes, noch kain ander creatur mag vns scheyden von der liebe gottes, die in Christo Ihesu ist vnserm herren, Bist du böß, so fürcht in allen dinngen den fluch gottes, dauon geschriben ist. Deutromij xxviij. cap. Als auch Sapientie geschriben ist, Alle Creatur sächten wider die vnweyßen vngotsfälligen menschen.

Außlegung aines spruchs Pauli ad Thiton .1.

Den rainen ist's alles rain, spricht Paulus, den vnglaubigen aber vund vnrainen ist nichts rain, sonder vnrayn ist baide jr sinn vnd gewissen zc.

Mercke, geweyhet vnd rain deütten gleich, widerumb auch ungeweyhet vnd vnrayn, Ain rayn ding ist, das gehayliget ist, das von got zů menschlichem gebrauch verordnet ist. Act. x. vnd xj. cap. Ain rain mensch ist ayn glaubiger mensch. Act. xv. Got rainiget die herzen durch den glauben, Ain vnrayn mensch ist, der vnglawbig ist, als Tito .1. Paulus spricht vnd außlegt das wort vnrain, den vnglaubigen vnd den vnraynen zc.

Wisse nun, das kein vunderschaid ist in denen dingen, so zů menschlichem gebrauch nuß oder not seindt. Der vunderschaid ist in den menschen, wölche rain oder vnrain seyen. Alle leren, wölche fürgeben, ain ort, zeyt, speyß, getrand, klayd, oder ander ding, sol geweyhet werdenn [21^b] oder für geweyhet gehalten werden für andere (ob auch im gsatz Mosi von got dauon gelert, oder geboten ist worden) werden von Paulo genant hie Jüdisch sabeln, thandmer zc. vnd das die abwenden von der warhait, Wye vil mer, wann sollich Wehng allain auß menschen leeren entspringt vnd herkumpt, Als auch allen Sophisten bekandtlich ist im newen Testament, darinn aller eusserlicher gebracht ain end hat, wölche sie Ceremonialia mandata nennen.

Die pfaffen sagen, der tempel sey ain gebet hauß, vnd das gebet, das in dem tempell geschehen, sey auß ain sonderlichen zůsatz meer bey got angemen, Got spricht nahn darzů. Actuum vij. vnd Esaie am l. vj. Der aller höchst wonet nit in tempeln, die mit henden gemacht seyndt, als er spricht durch den propheten, Der hymmel ist meyn stül, vnd die erde der schämel meiner füß, was wolt jr mir denn für ain hauß bawen, spricht der herr zc. oder wölches ist die stat meiner rüwe? hat nit meine handt das alles gemacht. Vnd Johannis iiij. capitel Zerlegt Christus den hader zwischen den Juden vnd den Samaritaner, der stat halb des gebets, vnd sagt. Es kompt die zeyt, das jr weder auff disem bera noch zů Jerusalem im tempel werdet

den vatter anbetten zc. Aber es kumpt die zeyt, vnd ist schon heyt, das die warhafftigen anbetter werdenn den vatter anbetten im gaist vnd in der warhait, denn der vatter will auch haben, die in also anbeten, Got ist ain gaist vnd die in anbetten, die müssen in im gaist vnd in der warhait anbetten.

Die Psaffen sagenn, ann geweychten stetten soll man betten, Christus sagt Mathei am sechsten. Wann aber du bestehest, So gee in dein kämmerlein, vnd schleuß die thür zü vnd bette zü dein vatter verborgen zc. Ja Paulus sagt 1. Thimo. 2. Ich will, das die männer betten an allen orten, vnd aufheben hailige hende on zorn vnnnd wyderwillen zc. [B] Do bey nyme ab, wie Christlich von hayligen Stätten vff den kirchweyhungen gepredigt würdt.

Bey den Christen soll ain Tempel nit annderst gemacht werden, dann als ain gemain hauß, verordnet zü der versamlung Christlichen volcks, zü hören predig, empfangenn die Sacrament, vnd andere Christliche gemayne sachen auffzurichten. Die Tempel (sprich ich) seind darzū verordnet nit von gott vnnnd gebott der schrift, aber von den menschen in hegklicher Pfarr wonenden. So ainer gemain nit mer gefalt ain sollich hauß, mag man es aber wol fürhin gebrauchen zu ainem Kauffhauß, badhauß, brodthaus, flaischhauß zc. on alle scrupel, gott nimpt sich des nitt an, welcher anderst leret, der irret sich selbs vnd andere zc.

Also sage ich auch von allem, das im tempel gebraucht wirdt, das bedarff kainer weyhung, Es sey kelch, Corporal, altar, glocken, meßgewandt zc. Das man inn solchen dingen ain sondere form oder gestalt, oder Figur habe, dann inn andern gefassen, nach gefallen der lewtt, laß ich zue, aber doch on alle notweyhung, In gemainen gefassen, klaydern vnd orten hielt Christus sein Testament, on zweifell auch die Apostel, vnd die ersten Christen.

Darauff volgt, wie doctörlich, wie bischofflich thondt vnser weychbischoff, welche gebatterschaft erwölenn, so man ain glocken wil teuffen. O jr dorffnarren, jr Westhalschen Freyschöpffen, jr wissent nit was taufft ist, auch was tauffen ist, jr wissent nit ain kindt zetauffen vnd wölt ain glocken

tauffen, jr seind narren auff güt teutsch gerett. Aber das jr reich leütt zü geuattern oder todten darzü nemenn, thond jr wehßlich, dann on gelt mag ewer Reych nit bestan, Gelnarren seind böß narren, Jr seindt vermaledeyhet lewt, dauon Paulus sagt Thit. vj. Sie mainen, gotseligkayt sey vmb genieß willen. Thü dich von solchen. Es ist ain grosser genieß, wer gotselig ist, vnd lest im genügenn zc.

Das Paulus sagt, Thü dich von solchen, zaygt er, das [Bj^b] jr warlich im ban seind vnd von gott verflücht. Darumb auch all ewer handlung verflücht vnnnd verbaunt ist zc.

Erschreckung die Ainsältigen.

Wann ain ungewitter ist am himel, sollen sich die Christen fürchten vor gottes zorn, vnd für sein angeßicht fallen in demüt vnnnd andechtigem gebet, das ist nuß vnnnd gütt für ungewitter, sagen sy, darumb leütte man zü dem weter die glockenn, das die lewt betten sollen.

Ich sage, lieber weinbischoff, es gehören andere glocken darzü, Dann die du weyhest, Gott muß sie gießenn Tit. 2. Got muß sy weyhen, wie Ro. 8. Got muß sy leüttenn oder ziehen, Ro. x. Hiere. 1. cap. Dise glocken seind ernstlich warhafftig prediger gottes worts Psal. 10. Durch hören solcher glocken würt man glaubig vnd geschickt zü betten vnnnd allen gottes zorn abzüwenden. Aber nit durch ewer glocken, die so wenig nütz seind das wetter abzüwendenn, das auch etwan thürnn vnnnd glocken vom hagel oder stral verderbt werden. Wee euch schrifftschender, euch seelen verderber, euch gottes feyndt. Kain grösserer abgott, nach dem Endchrist, ist dann die glocken, kain grösser abgötterey dann glocken gebrauch. Sollen jr glocken weyhen? Wee we euch, wöllen jr gotes zorn abwenden, teüffel veriagen mit glocken gethün? Ich glaub wol, der teuffel erwecke etwan ain ungewitter vnnnd lasse dauon ab, so man glocken leütt vnnnd wechwasser sprengt, vnnnd geweycht palmen vnnnd kerzen anprent, damit er solche abgötterey fürdere vnd stercke im volck, darzü gebrauchtt er euch als werck gezeüg, auß haimlicher ordnung gottes, Aber das ist alles teuffels werck zü grösserm schaden.

Einem frommen Christen seinnd gleich geweyhet seine teller, schüssel, kantenn, becher, als der feldh, den der priester praucht, sein tischtüch als hoch geweyhet als das Corporal, sein tisch als der altar, sein Zup oder hosen als die [Bij] Albe vnd casul, das vnstilt, so er zu seyner arbayt gebraucht, als das wachß, das mann weyhet auff Vrechtmeß tag, sein wasser, damit er seyn händ wäscht, als das tauffwasser oder weychwasser, Sein stub vnnnd kamer als der tempel, sein saltz, das er täglich hßt, als das man am sonntag weyhet, Das fraut in seinem garten oder acker als das man auff vnser frauen tag weyhet, Sein öl, damit er den finger salbt, wann er sich geschnitten hat, als das genant hahlig öl im tempel &c.

Paulus sagt, bist du ain Christen, so bist du rayn, Ayn Christen ist, wölcher glaubt, gott sey seyn freunt durch Christum, Christus hab durch sein todt abgetilgt sünd, tod, hell, teuffel, bist du rayn, so bist du geweyhet vnd gebenedeyt, also, was du angrehffest zu deynem oder frembden nutz, trost vnnnd nott, ist alles rain, geweyhet &c. von got, gebrauchest du es in glauben, in hoffnung, in danckbarfait, was, wann, wo, vnd wie dir nutz, not, vnd trostlich ist, das nächst das dir für die hende kompt, onn allen vnderscheid vnnnd außlesen, thüßt also, So thüßt recht, thüßt du anderst, so sündest du in deinem thon, vnd wirst verunrainiget durch deynen vnglauben &c.

Darauß volgt

Alle leere vom weyhen etlicher ding für andere entspringt auß vnglauben, auß vnwissenhait, also, das ayn yeder hyrt mit kainem ding mer anzaigt sein vnchristlichs herz dann mit der weyhung, wann er ain Christ were, gelaubte er disen obgemelten wortten Pauli, den rainen send alle ding rayn, were er geleert in der geschrifft, so wußte er, was rain oder vnrain hie genant würde, Aber so er vngelert vnnnd vnchristenlich ist, fallet er hin auff die weyhe, zaigt dadurch was vnd wie er bey jm selbst sey.

[Bij] Auch schendet das weyhen gottes creaturn, dann sobald man ains weyhet, zaigt man an, das das

ander, so ungeweyhet ist, sey vnrain, vnhayllig, das ist, es sey nit güt, vnd vast güt, Wider gottes wort Gene. am ersten Vnd Actuum x. Welcher aber gottes wort vnd gottes creatur schendett, der würdt vonn gott auch geschenddet vnnnd geschmehet, als man sihet, wie die elenden in vnmenschlichen schanden ligen, mer dann die philosophi, wie zun Ro. am ersten Ca.

Ich frage dich, du vnrayner mensch der krafft gottes zü schenden, warzū gebrauchest du dich der geweychten ding. Du mußt ye sagen, Ich will damit teüfflich gespänst veriagen, oder dadurch sünd ablegenn, oder es machtt mich gott angenemer x.

Ich sage aber, Christus allain hat den teüffel krafftloß gemacht vnnnd veriagt von allen seynen glidern, der vertreybet auch biß an den Jüngsten tag alle seyne gespänst. Christus allain durch sein todt tilgt ab vnser sünd, Ro. 4. Vnd solcher abtilgung wil er, das wir kein ander zaychen haben dann den Tauff vnnnd das Brott, sunnst weder geweyhet wasser, saltz oder ander ding. Christus alain macht vns gott angemem, allain, allaynn, on alle andere mittel oder zaychen. Ro. 3. 5. Col. 1. Cap.

Bistu ain Christen, so glaubest du disen geschriffteyn, gelaubest du dann disen geschriffteyn, so bekennest du, das alles wehhen in gewonlicher maynung, jrrsal sey vnnnd yrrig, sünd vnnnd schand vnd ergernus, vnd des teuffels werckzeug vns züuerfüren, als diser tag anzahgt.

Außlegung aines anndern Texts Pauli. 1. Thi. 4.

Der gaist sagt deutlich, das inn den letzten zeyten werden etliche von dem Glauben abtreten, vnd anhangenn den jrrigen gaystern, vnnnd lerenn der teuffel, durch die so ynn gleyßnerey lügen reder seind, vnnnd brandtmal inn jren gewissen haben, vnnnd verbieten Gelich zü werden, vnnnd zü- [Biii] meyden die speyß, die got geschaffen hat, zü nemen mit danckagung den glaubigen vnd denen, die dy warhaytt erkennt habenn, Denn alle creatur gottes ist güt, vnnnd nichts verwerfflich das mit danckagung empfangen würdt, dann es wirt gehayligt durch das wort gottes vnd das

gebet. Wann du solchs den brüdern fürheltest, so wurdestu ain gutter diener Ihesu Christi sein.

In diesem Text zeigt Paulus an, das der teuffel wider gottes wort sich eindringen solle, etliche dinng für geweyhet, etliche für vngeweyhet halten, vnd der teuffel redett durch alle die die also leren, Solche lerer seind liugenreder, haben brandtmasig gewissen. Also thond alle die da leren, man sol etwas meer halten vff ein geweyhet ding dann auff ain vngeweyhets zc.

Vnd ob etlich wolten sagen, Eya wir wissen wol, das alle Creatur gottes gut sendt, doch so gebrauchen wir den segen vnnnd weihen, damit des teuffels gespänt zuuertreiben in gottes namen, welcher vns an vnd in allen dingen nachstellig ist, Auch hat Moses vnnnd Christus gebenedeyhet vnnnd geweyhet zc.

Antwort

Moses hat auß gehayß gottes geweyhet den tempel gotes vnnnd alles das darinn gebraucht wurde, vnnnd geopffert zu der selbigen zeyt. Aber als Paulus leret, alle ding geschahen bey den Juden zu ainer deüttung, vnnnd das ist aber ietzt die deüttung,

Ein Christen mensch ist gottes tempel 1. Cor. 6. vnnnd 2. Corinth. 6 vnnnd ain Christenmensch ist geweyhet von got dem heyligenn gayst, welcher darinn wonet. Vnnnd alle übung vnnnd leyden ains solchen menschen soll geweyhet vnnnd gott ergeben sein. 1. Cor. 10. vnd Colo. 3. Was jr thon in worten oder werden, das thond alles im namen Ihesu Christi, vnnnd dancken got, vnd dem vatter durch jn, vnd 2. Cor. 5. Christus ist für alle gestorben, darumb das die leben, jetzt nit nyen selbs leben, aber dem der für sy gestorben [Vij^b] ist vnd aufferstanden, Siehest du, wie alles leben ains Cristen menschen in werden oder in leyden sol geweyhet, das ist got ergeben sein, als Paulus sagt, leben wir, so leben wir dem herren, sterben wir, so sterben wir dem herren, vnser sache ist gar auff got gericht, vnd dise deüttung des tempels Mosi hat got auch dem volck Israel geöffnet, da er sagt Veniti. xxvj. Ich würde

wandlen vnder euch vnd ewr got sein, vnd jr werdent mein volck sein ꝛ.

Auch alle opffer aines Christen menschen sollen geweyhet sein, ain Christ soll seynen leyb opffern got durch ayn Christliche kästigung, auch sein hergliche begird oder gebet zu got, damit sich vergleychen vnd sich halten an das angeneh opffer Christum, der sich selbs für vnns geopffert hat got dem vatter.

Das aber alle gotsfürchtige menschen gebenedeyt seyen, vnd alles das sie gebrauchen sollen, zaigt an Moses Deutro. xxviii. vnd Leuit. xxvj. Herwiderumb alle gotlosen menschen verflucht, mit allem das sie gebrauchenn. Das in vnserem Euangelio gemeldet ist von Christo, er hab gesegnet das brot ꝛ. ist mer ain Gratias gseyn dann ain benedicite, das ist, er hat gedandt, nit, er hatt gesegnet ꝛ.

Das aber gott etliche thier rain oder vnrain vrtaylt im gsez, ist auffgehabt durch Paulum 1. Thimo. iiij. vnd Thito am 1.

Alle ding, so zu not dienen dem glaubigen, soll er gebrauchen on vnderscheid. Vnd merckt, das schier alle ding, so geweyhet werden, seind vnnutz oder vnnot ꝛ.

Mit dem weychwasser wäscht man nicht zu menschlicher not, mit dem salt salt man nicht, mit dem geweychten liecht leuchtet man nit, dann allain zu ainer gestalt, das auch ain geweyhet kertz da sey bey annndern liechten, So da gebrant werdenn, also geschicht mit dem krawt, mitt [B.] Sandt Johans seggen, nit den durst zuleschenn, sonnder nüchter empfaßen als ain sonder hailig ding zu ainer hayligung ꝛ.

Das ist alles des teuffels gspänst, so man auch in den creaturen wil nit nutz vnd not sūchen, darumb sie dann geschaffen seind, sonder auch krafft wider den teuffel vnd seynd, vnd hayligung wider die sünd, auch freuntschaft bey got, das ist der teiffel selbs, Got mag das nit leyden, er hat vns ain leyblich ding fürgesetzt, dabey wir gewyßlich got finden, das ist Christus, vnd will nitt, das wir etwas darzu thüend, bey seynen höchsten straff ꝛ.

Wann wir Christum recht erkönten, so wißten wir, das dise ding alle von Christo vnns allain herkommen,

vnnnd außserhalb sein nit solten gesücht werden, als sie auch in der warhait außserhalb sein nit gefunden werden, vnnnd ob etwann ain hilff gemerckt würdt durch sollich geweyhet ding, ist es meër trüglich dann warlich.

Kurz alle solliche leere von der weyhung ist des teuffels leere, vnd alle, so daran glauben, seynd abgefallen vom glauben, vnd volgen het dem teuffel, wölcher durch sollich leerer redet, wie klärlich Paulus sagt.

Aber ayn ware leere ist, das alle Creatur Gottes gütt vnnnd geweyhet ist, vnnnd nicht verwürfflich ist, Aber dem bösen vnd vnglaubigen menschen, seynner böshayt halb, seind sie böß vnd schädlich, Ja jm ist auch sein leben schädlich, Als Christus von Juda sagt, jm were besser, er were nye geboren worden.

Der glaub in Christum macht den menschen gütt vnnnd frumm, vnnnd gibt jm gewalt alle creatur zugebrauchen zu not, nuß vnnnd trost, wann, wo, wie er will. [B₄^b] Der vnglaubig mensch ist gottes feynd, vnd er hat nit gewalt auch ain byssen brots zu essen, nit ain tropffen wasser zu trincken, vnnnd ist gottis fluch ober jn gegeben, vnd ober alles das er gebraucht.

Nun ain Christen mensch erkennet solliche warhait im glauben, das er durch Christum erlöst ist vom fluch, vnnnd das er gewalt hat alle ding zugebrauchen, Darumb empfalet er alle ding mit danksagung, erkent vnnnd lobt got vmb sollichen segen, ober sich vnnnd ober alles das im nuß ist zu seyn gebrauch, Er erzälet vnd spricht auß gottes wort, darinn sollicher segen vnd gnad gepreßet wirt vnnnd tregt sich vnnnd alle creatur widerumb auff in got, durch sein geheet, Also sagt Paulus, alle creatur gottes ist gütt, vnd nichts verwürfflich, das mit danksagung empfangen wirdt, denn es wirdt gehayliget durch das wortt gottes vnd das gebet, vnnnd volgt, wenn du den brüdern sollichs fürheltest, so wurdest du ain gütter diener Jesu Christi sein. Syhest du, wölliche leerer gütt oder böß seindt, ich lasse dir das vrtail auß den wortten Pauli.

Merck auß den worten Pauli, das allain den glaubigen gewalt ist gegeben die creaturen zugebrauchen, wann auch allain die glaubigen erkennen die warhait, Allain die

glaubigen got danckfagen, allain die glaubigen gotes wort annemen, allain die glaubigen warlich zü got bitten vnd schreyen.

Bolgt, das die vnglaubigen deren ding kains thon mügen, jr sinn vnd gewissen ist vnrain, Sye erkennen got vnd sein wort nit, an wölchen got ain grewel hat, kain warer danck oder gebeet ist in jrem munde, wann sie gehorchen nit, vund seind zü allem güttem werck vntüchtig. Titon am ersten capitel.

[C] Von der pfaffen weyhung.

Gott sagt durch den propheten, Ich will verflüchenn was jr segnen oder weyhen, darumb soll ain Cristen kain Creatur gebrauchen fürderlicher durch der weyhung willen, wann solch weyhung ist ain fluch vor got, vund wirt dem teuffel mehr gwalt geben zü schaden ainem menschen, welcher in seinem bösen glauben gebraucht geweyhet ding, dann ob er das nit gebraucht, vund das ist des teuffels liste, das er jm selbst ain wege mach vns zü schaden in gotes namen. Als auch Paulus sagt, er entstelle sich in ain emugel des liechts zc.

Syhe, der teuffel hätt nymmer mehr mögenn vnns inn fluch gotes behalten, wo er nit fürhielte gotes namen, damit man segnet dise ding. Darumb hat er glert, man sol gotes namen mißbrauchen, darzû vns mehr zübetriegen. Aber wir müssen wol bezalen den mißbrauch gotes namen in disem vnd andern stücken.

Sihe aber, ob nit sollich weyhung sey ain haynlich aber mal des teuffels, da mit er alle die zayhnet, so inn gotes fluch seind, Nämlich Munchen, Nunnen, pfaffen, kirtz alles das zü gehört dem valschen reich, da steckt alle vntrew in, vnd ist etwan ein gütter Christ, der mercke fleißigklich, so er würt greyffen den fluch gotes vber alle solche weyhung.

An kainem ort hat man mehr vermaledehet geweychter personen in klaydern, kraut, wasser, saltz, kerzen, stet zc. dann jnn den klöstern, vund ist gotes flüche an kainem ort mehr dann doselbst, nach dem spruch Jheremie, da man offentlich wider got leret vnd thut, vund lestert alle

warhafft gottes, vnnnd seyne bekennenr, Also das man von ihenen sagen möcht, wie vom Achab, sy seind verkaufft darzü, das sy böß thündt, vnnnd als wenig ain mor mag seinn haut enndern, das sy weyß werd, so wenig mögen sie guts thon, was der Clöster gewont hat, sy lassen iren valsch nit biß in das end, hüttet euch vor in vnnnd habt nit gemain mit jnen. [Ci^b] Ich rede hez nit allain von den seelosen Klosterleuten, in angesicht aller menschen, aber von denen, wölche auch erbarn haysen scheyn haimlich vnnnd offentlich tragen,

Syhe die pfaffen an, so arg ist jr weyß vnnnd wesen, das man vber sy möcht außseyhenn, das man freylichenn wol möchtt sagen, so bald ainer in pfaffen standt trette, so sey er verkerter dann ain ander mensch, all seyn sinn vnd wandel zaigens, Syhe werden vnerbittlich, vntrüglich, vnfreundtlich, vntrew, falsch, hübißch, verwegen, geysig zc. Als ob auch gottes fluch befindtlich in jnenn würdt, damit sie verflucht werden in der weyhung vnd got offentlich zaige, das der erdichtenn weychbischoffen seggen vnd weyhung sey nicht dann ain fluch, vnd von got ain maledeyung.

Warüber der pfaffen weyhung gat, es sey person oder ander ding, halte ich, dem teuffel sey sonder gewalt darüber gegeben von got, das der teuffel bey der weyhung erkenne als bey ainem zeichen, über was vnd wie vil jm got gewalt gibt vnd verleyhet.

Wann man die pfaffen weyhung der personen halb achtete als ain herrlichkeit, so man pflegt zü gebrauchenn in ainer erwölung gmainer diener, oder amptleut, möcht man es erleyden vnnnd lassen fürgeen, Als ain hetliche stat ain sonndere weyß hat zü erklärenn, das diser oder ihener Amptman sey erwölt, Also, so man ainen oder vile erwölet zü diener der Christlichenn gemain, zü pfarrern oder pfaffen, erzaigte man ain eusserlichen scheyn vnd geberd oder herrlichkeit, darfür solte man halten die weyhung, vnd sonst für nichts zc.

Aber das Salben vnnnd anders, darinn gezaigt vnd vil wort, die anderstwo hin deüttende, so in der Weyhung gesprochen werden, vnd die leere vom Character, da eingetruckt in die seelen zc. gebenn grosse vrsach der verferung.

[Cij] Kurz, die erwölung ains heden amptmans, vnd die weyhung aines pfaffen, geben gleyche gnad, gleyche hayligkait, werden bayde gleych geweyhet.

Allain der glaub machtt frumm, Es sey Schüfter oder schneyder, vnnnd allayn der vnglaub macht vnfrumm, vnfällig, vngeweyhet, es sey pfarrer oder Abt.

Merck, Christus sagt Marci ultimo, Den glaubigenn menschen schaden auch die schlangen nit, vnd so sy etwas tödtlichs trinden, wirts in nicht schaden zc.

Also vnnnd wie wol gottes fluch gat in der pfaffen Wehchung über jren mißbreüch jres erdichten Weyhens, noch mag es zü nuß vnd not gebrauchen ain glaubiger mensch on schaden, wann mir wasser not ist die hand oder füß zü waschen, mag ich das weyhe wasser oder söllich jr segenn wasser gebrauchen zc. Das geweyhet salz in die suppen, oder den schaffen vnd allem vyh, doch sol ich kain glücksältigkait darinn verhoffen, das geweyhet öl in ain wunden oder zü ainem wagen rad, Den altar stain zü aynem heerd in der kuchen gebrauchen, on sünd, on forchtt, weye ander vngeweyhet ding, doch also das die geweychte ding mein aigen vorhin seyen, dann frembds soll ich nit mit gewalt nemen.

Es ist auch ain subtiler Teuffel, der da leeret, man soll Creißlein von geweychtem wachß machen an die wiegen der kinder vnnnd an die stall thüren, da man das vyhe hat, vnnnd dem vihe ann den halß hendenn. Ain gütter Crist hat ain grewel ab allem, das also mit geweyhet ding versigelt ist, sein gaist befindt des teuffels gegenwürtigkeit dabey, Beflich dich vnd dein vihe got, vnd gebrauch alles, was dir fürkompt, zü nuß vnnnd nott, vnnnd vnderlasse söllich Teuffels gespänst.

[Cij^b] Auch gebraucht sich der teuffel zü versierung nit allainn gottes namen vnnnd wort, auch seyner hayligenn, als sant wendel, valtin, kirin, Florian, ist alles böß, got will angerufft sein, gott wil beschirmen vnd behütten allain, allain, alein zc. Darumb laß alles anders fallen, ist mein trewer radt, was got nit behüt, wirt sant wendel auch nit behütten.

Zu kaynem ding haben die lewtbescheßser betrügerlicher scheinlicher hilff biß her für den teuffel gesucht, dann in der weyhung der kirchoff, Douon in kayner historien vor den Christen meldung ist, Auch alle sachen diser weyhung meer spötlisch dann wörllich ist. Abraham, Isack vund Jacob seind vff jrem aygen ader in ainem höl begrabenn worden, also für vnd für yetlicher, wo er wolt, on weyhung der grabstat.

Die ersten frumen Christenn hättenn kain acht auff die gräbtuß, feuer, wasser, wilbe thier, gestandtheißer zc. waren der hayligen greber.

Mann legt jezt tuch vff die greber mitt creütz gezaychnett, man besprenget wasser darauff, man macht ain rouch darzü, der pfaff blodert vnd maullsayfert darob, sonderlichen wann adamsrippen umbherstond oder knienn, so gassen die blgözen mer den selbigen dorffgensen zü, dann dem todtten auff der bar, richtennd mer vnzucht der ergernuß auff dann bewarung der gots vordcht.

Du sprichst aber, sprengen mit wasser, rouchen zc. hat gütte deütung, Ich sage, erlaß mich diser deutung, dein bedeütten gilt nicht in seelen sachen, alain gottes deütten gilt da. In solcher mahnung kirchoff weyhen ist nitt güt, dein ader, hoff, bomgart, ist gleich geweyhet als der kirchoff. Geweyhet wasser, rouch zc. hilfft den seelen auch gar nichts.

Welcher vil schweyzt von der seelen standt nach disem lebenn, der ist ain schweyer, gat mit alter bettel sablen vmb, dann got hat jm solchs nit anzaygt mer, dann das die glaw[Cii]bigen bey Christo seind, die vnglaubigen seind inn gottes straffe.

Etlich jagen, darumb ist das alles güt, das der teuffel minder gespenst tribe mit den leichnamen.

Antwort, Der teuffel vund seine diener haben jrem mütwillen mit Christo vund seinen hayligen getriebenn, do sy noch hie vff erdtrich lebten, Ist es ain wunnder, ob er es thut mit den leyben, so sie ietzt todt seind, dafür würt nicht helfen rouch noch wasser. Auch ob der teuffel sich zaygt in der bösen körper nach dem todt, ist kain wunnder, so sy im leben vund todt sein seindt, hilffet auch kain weyhung dafür.

Ich laß zu, das man die Körper begrabe, aber doch on weyhung, on weyhwasser, ouch, wie oben zc.

Was der glaubigen gebet allain nit aufricht bey got für die todten, wirt auch kain ander ding aufrichten zc.

Solch thorhait in hilff für die todten sienge auch an zu zeytten der Apostel, da etlich sich für die todten tauffenn lieffen, am ersten Cor. xv. Als auch ain büch der graven münch leret, man soll am ersten tag Augusti in jr kirchen den vollkommen ablaß lassen beten für die todten, das beten vermöge aber niemant dann die graven gugler, vnnnd man erlangt auch gnadbrieff für die todten.

Kurz dohin wil ich alle dise disputation richtenn, Das vns allain durch Christum sey hilff, rath, schirm geben an leib, jeel, eer, güt on allen zusatz anderer ding, welcher an Christum glaubt, ist geweyhet wider den teuffel vnnnd hell. Im seind auch alle ding geweyhet, welcher er bedarff.

So man aber wil die weyhung etlicher ding auffrichtenn für andere, das ist ain teüßlich ding. Auch so man sagt, allain die pfaffen haben gewalt zu weyhen, ist auch falsch, wann Paulus sagt on allen zusatz, alle creatur würt geweihet durch das wort gottes vnnnd gebet zu got, vnd das von allen, welchen not ist der gebrauch zeytlicher ding, nit allain von den pfaffen zc.

[Cij] Kain dinng weyhet dann der glaub inn Christum, nichts ist geweyhet dann ain glawbiger mennsch, vnnnd alles, was er gebraucht, ist geweyhet von gott. Alle andere weyhung seind Laruen, mer dienendt zu verfürung dann zu hyl, mer ain zauberey dann ain segen. Es sey dann ain groffer glaub inn ainem menschenn, mage übel bleyben vnuerfür durch söllich Weyhung, darumb soll man allen ernst ankeren, das man ablege mit gottes wort vnd durch ordenlichen gvalt des schwerts alle söllichen laruen weyhung.

Got gebe hilff darzu, Amen. Dyz merckest du, mit was waffen die Sophisten sächten wider gottes wort, vnnnd wie ain ströin argument der Franciscaner gefürt hat wider das fewrig Euangelium.

wie gar gfarlich sey. So ein Priester kein Ge-
weyb hat. we vnd christlich vnd sched-

lich eym gemeynen nutz Die menschen seynd.

Welche hyndern die Pfaffen am

Gelichen stand. Durch

Johann Eberlin von Gunzburg Anno.

Titelbild: Trauung eines Geistlichen durch einen Bischof,
im Hintergrunde links und rechts zwei Trauungen von
Mönchen, in der Mitte auf einem Katheder zwei Musikanten,
darunter die Jahreszahl:

1523.

Erste Auflage: 1522.

[Uj^b]

Argument.

Bunnsereu zeyten ist der chrißlich umbfreyß so gar zertrent in parteyen der leeren, das sich des die verstandigen vnd gutherzigen nit allein verwundern, ja auch beleydigen, vnd beweynen müssen, sonderlich so man besintlich erkent, das vil nötiger sachen fur zu fallen, vil göttlicher fur irrig, vil heylsamer fur schedlich gehalten vnd gehandelt werden, vnnnd vnder schedlichem scheyn wirdt das nuß verlassen, vnder guttem scheyn das böß angenommen, das ist, vmb gots willen hangen wir dem teufel an, vnd dem teufel zu leyd streyten wir wieder got, ist nit das (Spiritus compunctionis) die größt plag, ober vnns vonn got gesant, so verstand ichs nit baß, das aber etlich gut herzig menschen erkennen mögen, wie schedlich in hohen dingen geirret wurt, vnnnd doch der erbfal mit schwerdt vnnnd harnasch beschrympt, will ich kürzlich in ein groben eusserlichen stuch das furhalten, das ist in der verboten pfaffen Ehe, weil da durch wieder got, seyn gsez, wieder die natur, wieder gemeynen menschlichen verstandt, wieder alle gut pollicey gehandelt wirdt, welches verbot doch heß so hoch gelobt wirt, das man alle eer Christlichs wesens darein sezt, ich beger das der leser also fur sich nem diß mein geschriefft, das er meer erweg die vnbillicheyt der sach, daruonn ich schreybe, dann die kleyne meynur furhaltung, damit befildh ich mich in aller gutherzigen chrißten gebeet, mit ehr erbietung meins selbs zu Christlicher dienstbarheyt.

[Xij] Got hat Gelichen standt geboten . vnd von diesem gebot die Psaffen nit auß genommen.

WIr lesen im buch der schöpfung am ersten . Ca. got hat den ersten man vnd frau beschaffen, vnd sie gesegnet vnd gesprochen, wachsen vnd werden gemeret, vnd erfüllen die erden, solichs gebot hat got erneuert vnnnd meer bestetigt, redent zu dem Noe am .viij. vnd .ix. Ca. dieses buchs, hie ist von got geboten der Gelich standt, also das kein mensch hat sich mügen auß aygnem furnemen, an andere grosse vrsach (die auch möchten in andern gebotten gots dispensiren) des Gelichenn stands entschlagenn, auch keyn menschlich gebot mag nit vnrecht seynn, das an diesem gebot gots hynbert die vnderthann, hatt aber got sollichs gebot gebenn Adam, Heue fur sie vnd hre nachkommen, und die Psaffheit, Müncheit, Nunheyt, nit darin außgenommen, ya alweg habenn sich die Priester, welche wolten got fast wol gefallen, Des gebots furderlich geflissen. Abraham was eyn priester, opffert got angemem opffer, vnd nam in seyn alten tagen die dryt hauffrau. Jacob was ein priester, het .iiij. Gefrauen, also fur vnd fur alle priester biß auff Aaron, habenn got gefallen wollen in flehffiger gehorsam dieses gebots. Got hat auch im gatz Moyfi klerer wollen anzehegenn, das seyn maynung sey, Die priester sollen weyber haben, darumb so eygentlich beschrieben wirt .Leuit. xxi. vnd anders wo, welche frauen dem priester erlaubt seindt, welche verbotten zu frehen, wan dazumal was nahe das teufflich furnemen Der gotlosen vnder den Heyden, welche wolten das hre Priester keuscheyt hielten, auch hre Münch vnd Nunnen, deren Exempel magst lesen in Hieronimo, da er schreybt vom lob der Zundfrawschafft, da er durch vnchristlich Historien treiben wil, die christen zu gewaltigen sich selbs, zu meyden der geberung. Ich wil Hieronimo nicht entziehen da durch an seynher heyligheyt oder kunst, Ich wil auch die keuscheyt dardurch nit nachgiltig machen, aber ich vermeyn keuscheyt in sollichem grad lassen bleyben, darein sie Christus setz .Math. xix. vnd Paulus . 1. Corinthio. vij. Ich glaub auch, das

Hieronimus an keyn ort so fast erzaygt hab, wie er etwan mensch- [Mij^b]liche kleyn verstendigkeyt nit hab mügen gar abwerffen vonn ym, als da er will keuscheyt erhöchen, so doch zcu vil lobß so schendlich ist oft vnd vil, als zu vil schelten vnd verachten, dann beyde bringen mit ynen ein arckwenigen verdacht durch vnmaß, were Hieronimus be- leyben bey sollichem zyl, da er lobt reynigkeyt, als ein leerer vnserer zeyt in ein büchlein vonn Klöster gelübtenn, were villeycht die Christenheit nit so gar vberschwembt mit vnsegllicher vnkeuscheit, darvon sey hez genug.

¶ Also sag ich, kein mensch, Pfaff, Mönich oder Nun, ist loß von dem gebot der Ge he gesehen, das hat wöllen leben nach den gebotten gots, an sonder dispensaz durch götlich offenbarung, oder offne not.

¶ Die Mönch wöllen hre weyß des lebens ziehen auff die kynder der Propheten, von den i. Reg. xix. vnd am iiij. buch im .ij. capi. auch auff die kynder Rechab. Hier. am .xxv. capi. Aber keyn verbott der Ge mügen sie von diesen abmalen, vnd hilfft nit, so man sagt, in der neuen Ge ist ein anders, du magst mir keyn geschriefft bey bringen, da Christus oder seyn iunger leeren, ein priester, der brunst seyns leybs befindet, nit sol zu der Ge raichen, oder das alleyn sollen priester werden, welche sollich brunst nit befinden, du hast die ordnung der alten Ge hez vernommen, geschriefft der neuen.

Gschryfftenn des neuen Testaments von der pfaffen Ge.

¶ Im ganzen Euangelio vonn den .iiij. Euangelisten beschriben, magstu keyn behelff nemen fur das vninnig furnemen zcu werenn pfaffen Ge, das Christus vnd sein mutter seynd Jundfrawen beliben, ist vber menschlich, ha ganz götlich wunderlich, soll von vns nit müßwilligklich zuuorston werden, als möchten wir es erfolgen, Christus sagt Math. xix. Capi. der weyber sich enthalten vermag nit hederman, alleyn die es von oben herab haben, wer sollich gabe befindet bey ym selbs, der erlaß den Selichen standt anzufahen. Inn diesen wortten will Christus meer

abschrecken von freuenlichem furnemen an weyber zu leben, dan darzu rayhen, Christus zehgdt wie schwer sey an Eweyb zu leben, vnser Pfaffen, Mönch vnd Nunnē zeyhen wie leyht sie also leben, zeyhen darauff mit Hieronimo rhyß vnd rapß, stuel vnd bend, ob Christo oder Hieronimo meer zu glauben sey, vrteil ein Christen mensch, du sagst, Eya, du wilt keuscheit abtreyben, ich antwurt, Christus leeret keuscheyt vnnnd herzhliche [Nij] ware keuscheyt, vnnnd so ich sein lere furhalte, treybe ich keuscheyt nit ab, meer richt ichs auff, dan got gefelt meer ein keusches mensch, das von herzen keusch ist, dan tausent vnkeusche keusch geyster, vnd geysterin, ein reyn gewissen bestat bey Gelichen werden, vnd gefelt got, ist auch sicher vnd frölich bey yr selbsts, vnd ist starck zu leyden vmb got, Exemplum zu zeyten der marter, ein keuscher leyb mit brunst vnd vnreynen gewissen mißfeldt got, ist keyn auff enthalt da, dan menschlich lob, vorcht der schmahe, vnnnd vngedult zu allem leyden, het vrteyl ein gut herz, wie der weeg gang zu dem zil aller Christenn, der do ist, wöllen got gefallen durch Christum.

¶ Etlich pflegen zcu sagen, Johannes Euange. sey von Christo beruefft von der hochzeyt, ehe dan er bey geschlaffen hab, das ist Sabel, ia lufft, vnd vnuester dan lufft, liße Eusebium Pamphili in Hystoria Ecclesiastica, da findest auß alten Hystorien, vonn der Apostel zeyt her, wellliche iunger Christi Geweyber gehabt haben, auch S. Paul.

¶ Es ist ein grosse torheyt, so man ein andechtigen geystlichen Christen wil verston oder vorbilden, das man vermaynt, Geliche gehorsam mache yn vngeystlich, das doch wieder alle gemeyne Hystorien des alten vnd neuen Testaments ist, vnd ich mich beschirmen must, da ich vor .ij. wochen bey geleerten gohforchtigen leuten was, vnnnd wolt anzeygen, es wer ein abgang am lob des andechtigen menschen, so er Gelichs standts wer, sagt eyner zu mir diß wordt, eben als wer Gelicher standt widerig der geystlicheyt. Da ich diß wort gehört hab, gedunckt mich, got hat mir zu gesprochen, vnd meyn herlich red gestrafft als die rede Selhe. Job. xxxviij. ein geystlich herz ist, das seyn trawen vnd hoffnung enzeucht von allem, das nit got ist, vnd sezt

es allein in got durch Christum, vnd bricht auß in mögliche dienstbarkeyt des nechsten vmb Christum, ein sollicher mensch ist warlich christlich vnd geistlich, vnd keyn anderer. Ja .i. ein sollicher mensch hat oft daß stat in Geligem standt, dan in enthalter reynigkeit des leybs, als ich beverenn wil, istz gotz wil, in eynem büchleyn vom Klosterstandt, wieder die yre töchterleyn in klöster zwingenn vnd dempffen. Es soll bald außgon.

¶ Man mag auch kein befelch haben auß der ersten Epistel zu den Corint. Cap. vij. wan eben das selbig Cap. ist fur mich, aber der vnmenschlich grauel (von got vber die welt geschickt) Hat hye vnd anders wo allenn geschriefften das hynder herr fur gethonn vnd wiederumb.

[Xij^b] ¶ Paulus spricht, es were gut kein weyb freyen, vnd ich sage, es wer gut nit speiß noch schlaffe bedürffen, so wer ein andechtig mensch vil hyndernus des contemplieren in lesen vnd betrachtung heyliger geschriefft ab kommen, Aber so eyner sollichen abbruch leeret, wirdt er entgegen habenn tausent ehrede der vnmöglichkeit halß, die gott wieder geraten noch gebotten hat, vnd nach vnser art, zeyt, ort &c.

¶ Meer törllich wer sollichß wöllen hefftiglich den leuten einreden, dann christlich, mann sagdt, ob schon Christus gefastet hat, auch Moyses, vnd die seligen nimmer essen noch trincken, vermügen wir doch es hye nit, es wer dan das got an eynem menschen wolt fundere wunder wirken, das sol mann lassen seyner beruffung nach kommen, doch auch acht darauff haben, das er nit meer eyner drengnuß volge, dan gottes geyst, aber darumb sol man nit gemeynlich predigen, vnd geschriefft darauff treyben vor allem volck, es wöllenn auff ganzen abbruch zu treyben, darauß groß schaden entsteen wurde personlich vnd gemeynlich &c. Wil besser ist, mann leer das volck messiglich gebrauchen speiß vnd tranck &c. Ist nun das von speiß vnd tranck zunemen, warumb nicht auch vonn frauwen lieb, vonn werden der geberung? vnd das hat erkent Paulus, darumb sagt er, Es wer wol gut an weyb seyn. Aber vnser boden leydet es nit, darumb soll hetlicher mann seyn eygen Ehe weyb haben, vnd hetliche fram ein Ge man,

hürerey zu meyden, vnd sol eyns dem andern Geliche gehorsam leyten, ich wolt wol das er all möchten erlassen der werck halb ewer Egemahel, aber nit all haben diese gab von got, die gaben seyndt vngleich, eyner hat dieß, der ander henß. Es ist gut an ein weyb seyn, wer gab von got hat, welcher aber grossen brunst seyns leybs befindet, dem ist weger, er nem ein weyb, dann solchen gefarlichen brunst leyden, dardurch er möcht in hürerey fallen.

¶ Das aber Paulus radt gibt, man sol an bandt der Ehe bleyben, sol also verstanden werden: Zu der zeht grosser verfolgung vmb des glaubens willen, das eyner lediger sey zu fliehen, oder sich selbst wagen in gefengnis vnd todt vmb Christum, vnd doch auch befinden in hym selbst die gab der reynigkeyt von got, wa das nit ist, wer auch besser ein weyb mit furen auch in mittel der arbeyt vnd gefelicheyt, als Cephäs vnd ander Aposteln. i. Corint. ix. Item so ein mensch auch ausserhalb der verfolgung befundt sich gleich genehgt zu der Ehe vnd zu reynigkeyt, hat aber grossen anmüt heylge geschriefft zulesen, hören, betrachten, betten, Den armen hilfflich seyn, sollichen were zu [M.] ratten, sie blyben an Egemahel, das sie gemelter vbung möchten freyer anhangen, vnd darauff gabt das ander halb theil des .vij. Capitel oben angehegt.

¶ Das ist da Paulus sagt, welche in die Ehe kommen, zu seyn der verfolgung, werden trübsal des fleyschs haben, vnd sorgfellig, So weyb vnd kind nit leichtlich zu verlassen seynd, Also das sie nit abziehen von grossem leyden vmb Christum, Auch vil hindern an emsigem anhang gemelter vbung. Doch sagt er, solliche seyne rede soll also angenommen werden, Das doch nyemandt da durch vnweßlich gefangen werd. Auch Christus. Matth. xix. Beyget an dreyerley menschen, mit den er Dispensieret, das sie nit verbunden seyndt dem gebot Geliches stands, vnd spricht, es seyndt etlich keusche, dan sie seyndt vnmüglich zu Gelichen werden, von mutter leyb an, Etliche das sie seyndt berawbet durch die menschen sollicher müglicheyt, etlich endthalten sich daruon von wegen des reichs der hymel, das ist vmb sollicher vbung willenn, daruon Paulus sagt, oben i. Corint. vij. vnd sezt Christus hym zu,

wellicher es begreiffen mag, der thu es. Als wolt er sagen, ob schon eyner vermeynt das reich der hymmel, das Euangelisch geschöpfft, ein christlich volstrecken, vnd darumb sich endthalten vom Gelichen standt, der sey nit zu unbedacht, aber er besuch vor bey hm selbst, ob er die gab der keuscheit von got hab oder nit, das besser ist bestendig bleybenn auff dem mittel, dan wellen auff den spyß steygen vnd schedlich wieder ab fallen, als anzeigt auch die Parabol vonn dem vnweyßen man, der ein hauß wolt bauen, vnd hett nit gnug zerung darzu, müßt es vnderlassen mit spot das angefangen werck.

¶ Wir haben gelesen, was got vonn der pfaffen Eheret hat, im gesetz der natur, im gesetz Mosi, herent, was gebeut er durch Paulum im neuen gesetz. i. Thimo. iij. Leret Paulus, wie ein Pfarrer soll erkant werden tugentlich zu dem Ampt, erzelet da vil eygenschafft, er soll eyner frauen Ehe man seyn, wolgezogen kindt haben, vnd eyner erber christlich weyb, also redet er auch von den Diacon, leeret solichs auch Tit. 1. Capi. vnd baldt darnach im .iij. cap. zu Timoth. warnet er yn vor den leeren, darynn die Ge verboten wirt, als vor teufels leere, ich bit dich, lyß das .iij. vnd .iiij. cap. der ersten Epistel zu Thimo. vnd das erst cap. zu Tito, vnnnd bedenk den Text wol, so wirstu dich verwundern, ob der verfürischen blintheit etlicher text im geystlichen rechten, Nemlich Dist. xxviij. xxix. xxx. xxxi.

[24.^b] ¶ Die heyligen Christen haben auch wol er-messen, das pfaffheyt an Gelichen stand schedlich wirt sein, sonderlich, Sinodus Nicena vnd Sinodus sexta, als wir haben Distin. xxxi. cap. Nicena Synodus. cap. Quoniam. darann sich solten nachmal folgende Concilia gehalten habenn, so sie doch obgemelte Concilia approbieren, vnnnd schier den Euangelien gleychen, aber so man so deutlich vnd offentlich ab weycht von Euangelien, ist keyn wunder, ob man Euangelische Concilia fallen laßt, halt zusamen das .iij. cap. Pauli ad Timo. i. vnnnd das capitel Aliter. Distin. xxviij. Ex facto Concilio arelatens. vnnnd schier die ganz Distin. xxviij. vnnnd merck, ob nit das Concilij Endtchristlich sey, was ist aber doller, dann das lezt Capi. Distin. xxxi. da

Stephanus oder Gracianus wöllenn Christum vnnnd den teufel verthedingen zu gleycher warheyth.

Die keuscheyt gemeynes pfaffenn standts ist
freuenlich gefarlich.

¶ Auß kurzer anzeigung ob vernommen, volgt das gar ein freuenlich ding ist, so ein mensch sich des grossenn wonders vnderstat, keuschlich zu leben, an mercklich lang befinden götlicher gabenn, vnnnd an fleissighen rat in schreiffet oder bey gottsamen menschen ersucht, vnnnd ein solch mensch sich selbst in grosser geferligkeyt der vbertretung gots gebot, menschlichs furnemen ist vnstet, das iar ist lang, der tag vnd stund seind vil. Nyemant weys was der spat abent bringt, sonderlich so got vns nit verheyssen hat, an not beystendig seyn, wunder zu stifften. Er hat auch sonderlich auß genommen die wunderbarlich keuscheyt, das sie nicht hederman wirdt geben. Math. xix. als oben gnug gezeigt ist. wunderwerck zu stifften ist vhlen gebenn wordenn, Aber nicht also die keuscheyt. noch freuenlicher thund die Prelaten, welche wöllenn mit yren gesetzen bynden die pfaffheyt zu enthaltung vom Selichen stand, vnnnd stellen dadurch nit alleyn die Pfaffen, sonder auch sich selbst vnd ein ganzen policey in groß gfar vnd schaden.

Fremdbder sund werden sie teylhafftig.

¶ Ich gedenc oft, warumb Doctor Johan Gayler so vil wieder riette den geystlichen Prelaten stand zu vnserer zeyt vnnnd ich mercke wol hez, ob keyn gefarligkeyt darinn wer, dan allein das verbot der Pfaffen Ehe, wer es doch billich ein bodenloser gump der sunden zu nemen.

[B] ¶ Mercken, wirdigenn herren, Bischoff, Probst, Ept, vnnnd andere ewers gleychen, got gebeut das yr verbieten, got erlaubt das yr schedlich vrtheilen, got erkent vnser blödigkeyt, vnd gibt yr nach, als ein barmherziger vater, vnnnd ein gnediger herr. Darauß wir sein gunst erkennen vnd loben sollen, aber menschlicher gewalt, sey Ppft oder Concilia, achten vnser blödigkeyt gar nicht, zwingen vns bey lebendigem leyb in hellischenn kercker, da

ein böse gewissen in brinnendem leyb gefangen lygt, darauß volgt in klarem verstand, das diß verbot von pffaffen Teuflisch ist, wie Paulus nennet, vnnnd da durch der findt, der teuffel seyn mutwillen vbt an dem christen volck.

¶ Habenn yr got lieb, wie mügt dan yr leyden souil vbertretung seyner gebot, dar vor yr wol seyn möchten, wo yr abliest vonn diesem Tirannischen verbot. welcher euch vrteylt, als habt yr ein gefallen ab der götlichenn beleydigung, ya als ob yr ein freudt habt, wie yr mügen got ein trutz oder vneer zufugen, thut euch nit fast vnrecht nach eufferlichem scheynn, dann so yr woltenn, wurd auff einn tag hundert tausent todsund vnderlassen, die furgend an gesicht, geberde vnd gedanc, ich geschweyge der werck, Da vor der Selich stand wer, den yr den pffaffen verbieten. Lieben herren, bedenden euch ehns besseren, ich mag wol gebenden, yr seynd im grund nit so bößwillig, Das yr müdtlich diß vnderstanden wieder got, aber der teuffel, eyn feynd Christi vnd aller christen, raght euch darzu, wil mißbrauchen ewren gewalt zu der beleydigung gottes. Darumb seind gewarnet, vnd segnen euch vor dem teuffel, nit alleyn mit dem zeychen des creutz, sonder mit fleißihgem lesen der heyligen gschrifft, vnd andechtigem gebet zu got, dardurch yr geleert werden, teufflisch listigkeit erkennen, vnd ewr vnderthone wol zu regieren.

¶ Haben ir auch knechtliche forcht gots, warumb furchten yr nitt seyne drawung, da er denen, so ergernuß gebenn, vnmeßliche penen drawet. Matth. xviij. Capi. O wie groß vnd vil ergernuß legt yr an weg durch diß verbot, augen, hend vnd fueß sol man abthon, so sy zu ergernuß dienen, wieuיל mer ewr nerriß schedlich verbot, yr seind beladen, besorg ich, genügsam mit aignen sunden, durfften nit fremde auff euch hauffen.

¶ Es seind etlich bischoff, meyns geduncken, gütberzig vnnnd hnen möcht wol zcu raten seyn, denen beger ich geratten werden. Etliche seind so verstockt vnd hardbannig, das sie mit gewalt wellen got wieder streyten, vnd dem teuffel anhangen, so sy ein freud haben ob dem [Bj^o] bábischen gewyn, den sie von pffaffen hören haben, vnd lieber eynem zehen huren zulieffen, dan das sie eynen

lieffen Gelichen stand annemen, Wirdigen herren. So yr verbieten paffen Ehe, oder das verbot handthalten, oder ein Gelichen paffen verdammen vnnnd vertreiben, was thunt yr anderst, dan das yr wöllen recht vndertruden, böß auffrichten, euch zu schaden an eer, güt, leyb vnd seel, als er ansehen befinden, vnd besorgen ist, ewiglich nit darvon erlöst werden.

¶ Ich hab euch kyndtlich vnd freuntlich vermanet in eynem büchleyn an euch gestelbt, da ich zu Leyppsig vor .iiij. wochenn frant lage, vnd auß begird ewers nuß vnd hahl eylendt ließ außgon solich büchleyn, auch mit ergebung meyn selbs in gespot vnd verachtung der widerspennigen, hilfft es, so helffs, Ich hab das meyn gethon.

¶ Ich sag auff meyn christenlichen ayd, ich wolt lieber theyl habenn an aller huren wirt vnnnd wirtin sund, die in Schwaben, Beyren vnnnd Meynstram seynd, dann eynes Bischoffs, der do freuenlich handthabt das verbot vonn paffen Ge, wee diesen seelenn mörder, natur schender, landtschebern, keren vmb, keren vmb, das euch das vrtail gots nicht begreyff.

Sollich gseß ist auff das hochst schedlich
gemeynem nuß.

¶ Sagen mir yr Prelaten, die sollich verbot handthalten wöllenn, vnd auch yr andere Christen, die ein wol gefallen ob sollicher handtlung haben, wie möcht land vnnnd leuten grösser schad wiederfaren dann durch sollicher verbot. Ir befinden an euch selb, vnd erfahrung gibt es an andernn, das paffenn nicht vermügen keusch seyn an wunderbarliche mit Wirkung gots, die er gar wenigenn gebenn will, so müssen die paffen vnder gemeynem volck wandlen vnnnd handlen, haben auch darzu eer, güt, müß, Ist auch in ein bruch kommen, das sie an sondere steur, groß straff offentlich Huren vnnnd kynd haben. Was volgt darauß in gemeyner policey der stet vnd land? Ich sag, es volge das größt vbel, ob schonn wieder got noch helle werenn. Das bewere ich also.

¶ In eynem wolgeordneten land haben auch Heyden

mer auffsehen gehabt auff gut sytten dann auff reychtumb oder lust, Vnnd allen yren fleiß gericht da hyn, das der Gelig standt eerlich bleyb, [Bij] die kind wol erzogen, vnd das kind in zucht gehalten wurde. So nun die pfaffen am erlichsten ort sizenn, auff die alle andere ein auffsehen haben, so wirt yr Exempel ein richtscheit seyn der andern, ist aber ein pfaff ein Hürer, so ist alle zucht vnd eer loß worden, da mag kein predig, kein gesetz souil auffrichtenn, als ein hurenn pfaff umbwirfft durch teglich bey wonung, wie mag der pfaff einreden dem schlechten volck, sie sollen vnkeuscheit meyden als grossen schaden, So er selbs vmbhendt ist mit hurenn, als ein vesper bild mit liechtleyhn, oder meynestu, das eyn verhurter pfaff mag herßlich wieder vnkeuscheit reden, vnnnd zu reynigheit vermanen? Meyn neyn, auch Tullius sagt, niemandt mag herßlich reden vonn eyner sach, die ym selbs widerig ist. So es dem pfaffen wol gat an leyb, eer vnnnd güt, in seynrer büberey, so achtet das volck, got straffe Hurerrey, Gebruch nit so hart als die geschriefft jagdt, was soll der Schultzhayß vnnnd Pawren sich fürchten oder schamen Gezerbrechen, so der geweycht pfaff es offentlich thut, was lernet dein weyb bey den pfaffen huren, Was dein tochter vnd magt, Ja dein sun, dein knecht, alle zucht felt ab, wo in eym dorff oder stat ein huren pfaff ist, wie mag dir grösserer schad geschehen, dann an deyner haußfraw, kynder vnd gehnd.

¶ Ein pfaff, der ein Conscientz hat, als er haben soll, umbwegen der Hürerey vnd nit an weyber mag seyn, vnd hm kein Gefraw erlaubt wirt zu nemen, lebt also in Hürerey auch offentlich, muß predigenn, die Sacrament reychen zc. Der wirt gar verwegen in hm selbs, entpfelt hm alle zuuersicht zu got, wirt hm darnach kein büberey zu vil. Meynestu, das er sich ann eyner laß benügenn, er sicht ewer weyber, töchter vnd magt teglich vor hm, auch wirt von ynen gesehen. Er hat eer, vnd güt, vnd mag vil außgeben, es ist zu vormuten, er henge jm selb den zome seynem begirde, auch der Teuffel treybt ewer weyb vnnnd kyndt zu liebe der pfaffen, zu merer beleydigung gottes vnd schmach, ist zubeforgen, es hab oft ein pfaff

houil schlaffweyber, als dorff weyber, glaub den erfarnen, bey wonung thut vil. Got behüt aller frauen eer vnnnd selenn. Das beycht hören thut vil hylff darzu, darin erlernet werden die heymliche nehglichteyt frauenlicher herzen 2c. Aller dieser vnrat vnnnd vnfal in eynes gemeynn seynd Bischoff vnnnd Prelaten schuldig, noch findt man klerlich leut, welliche sagen, Pfaffen Ge sey vnrecht, vnnnd man soll sy weren.

[Bij^b] ¶ Höre du nerrischer mensch, were ein Paur im dorff, wellicher offentlich fundet, Ob man yn lyeß im iar .iij. mal zu dem sacrament gon in seynem sundtlichen scheyn, keme ein hagel diß iar vber das dorff, man schry mordt vber den Schulthaiß, er ließ den büben im dorff, ynen allen zu götlicher straff. Nun seind so vil pfaffen in ain flecten, die teglich die hayligen Sacrament handeln, entpfahen vnnnd geben, das gots wort predigen, vnnnd bleyben offentlich in sundtlichem wesen, wie kan geluck vnnnd heyl in dorff, stat, land sein. Es ist ein wunder, das nit das hellisch feur vber vns herab kompt, mir zweyfelt nicht, diese sund vnnnd ergernus sey ein vrsach der größten plagen, die etlich iar vber vns kommen sey, vnnnd nach komme, welcher mensch lobt sollich verbot der pfaffen Ge vnnnd hilfft handthaltten, oder ein gefallen hat, ob dem das es gehandthabt wurde, der thut nit kleyner sund, Dan so er ein Crucifix verspewet, ha alle solich seind seynd gottes vnnnd eyns gemeynen nutz, vnnnd sollen auch fur sollich gehalten werden, vnnnd gestrafft.

¶ Man sagt, wan die pfaffen weyber nemen, so wurde das kirchen gut gemyndert, das ist nit war, eynes hat ein ampt von eym herren, so er stirbt, bleybt den kynden was er des Ampts genossen hat, das ampt beleybt frey, vnnnd ganz dem herren. Also auch ein pfaff hatt ein pfrund, was er dauon geneust, beleybt den kyndenn, so er stirbt, felt die pfrund wieder dem lehen herren haym, du sprichst, ey ia, So wurden alleyn die reychen yr genheffen, sage ich, mustu doch hez leyden, das allein hüren der pfrund genheffen.

¶ Die pfaffen wurden auch nicht also vnmeschyg zerenen, So sie gedechten, Ger gutt, bleybe eelichenn weyb

vnnnd kyndenn. Ire predig wurden auch vil mer frucht bringen, so man ynen nicht auffhübe yre weyber, vnd vil priester seynnd anderer laster ledig, vnnnd weren erlich, nutz, radtlich leudt, wa sie ein weyb mit got vnnnd eeren haben möchten.

¶ Ist nit das ein vnshynnig ding, die natur hat den pfaffen gebenn lieb wie andern mannen, liebe zu den frauen, begird zu geberen, vnd man wil so offentlich der natur widerig seyn vnnnd sie dempffen mit diesem verbot die Ee, was sol anderst volgen, dan außbruch der nehglicheyt zu allen bübereyen, als man heyt leyder sicht, Hürerey, Gebruch, werck mit blüt verwannten, ya Sodomi were nymmer so gemeyn worden, wer das teuflich verbot der Ehe nit aufgelegt worden den Pfaffen, Mönchen vnnnd Nunnen, lise die Epistel S. [Bij] Bdalrici, die er schryb von Augspurg dem Papst, der da wolt sollich verbot aufflegen.

¶ Das sollich verbot in krafft bleybt, ist fast des gemeynenn manß schuld, welcher wil, man sol den pfaffen nit weyber geben, die sollen wissen das ynen besser were, das ertrich verschlinde sie, vnnnd sollen wissen, das sie des teufels rat volgen, der durch ih redt. man acht ehne vnerlich, so eine ein pfaffen zu der Ee nimpt. Ich sag, es ist erlich vnd wolgethon. Es gefelt gott, den heyligen concilien, es ist gemess der natur vnd rechter vernunft, Ja auch verstendig der christenlichen gemeyn, vnnnd ich gelaub, so ehne ein pfaffen zu der Ee nympt, Es sey eyn zeychen, das sie ein Gerlichen christelich maynung der ee hab, so sie sich ergibt in so vil nachrede der narren. Ja auch menschlich zu reden, mag man achten, die ee werd wol geraten, so mit guten vorbedand, in so mangerley reden, vnd on ansehen anderer ding, dan alleyn personliche lieb vnder ein ander, sollich Ee beschlossen wirt.

¶ Darumb lieben freund, schemen euch nicht ewer kynd oder freund den pfaffen zu der Ee geben, vnd ir meyhlein schemen euch nit sie zu der Ee nemen, sollich scham ist vom teufel erregt, achten yr nit, bitten got vmb radt, darnach volgent ewren eltern vnnnd gots forchtigen leutten, lassenn euch nyemandt daran hynderen, achtten nit ob hez etlich

Thyrrannen den pfaffen gut vnd eer nemen wollen, got wirt in sollicher verfolgung mer freud geben in ewr Ge, dan alle Thyrrannen haben in hrem Friden, ich habß heß an vil pfaffenn Ge erfahren, das got mit ynenn ist.

¶ Ich weyß wol, etlich werden sagen, ich mache mir ein vorsechte, das ich auch mit glimpff ein weyb müg nemen, sollich rede acht ich nicht, ich bit got, das er mir geb seynen willen recht zu thun, auß oder in der Ehe, vnangesehen was die narren klapperen, vilencht möcht meyn Ge got vnnnd der christlichen gemeyn so löblich seyn als ewer pfaffen vnd klosterleut keuscheyt, ich byn aber noch frey von allen beyden, got gebe mir meyn freyheyt wol anzulegen.

¶ Nun sage ich, wolt yr geluck vnd heyl haben an leyb, eer, güt, seel, So radten vnnnd helffen, das ewer pfaffen Selich weyber habenn, welcher Bischoff euch sollichß wörenn will, des gebot solt yr nicht achten, ya verachten, ewr nuß am güt, ewr eer an weyb vnd kynn, eur heyl an seel sol euch mer gelten, dann der Bischoffen vnd herren teuffels gebot, welcher pfaff keyn Geweyb wil haben, den vertreiben, sonderlich so er verdacht ist mit huren.

[Bijj^b] ¶ Ich mag wol gedenden, welcher pfaff ein eweyb nem, der werd getryben von got vnd gewissen, Darumb er sich auch gibt in menschlich verfolgung vnnnd vnru, Ge dan er das hinnerlich veruolgen leyden will, dan ein pfaff hat meer lust, eer, nuß vnnnd fryd zu vnnsrer keyt bey .x. huren dann bey eyner Gefrauen, Wa er nit meer achten welt gots dan des lust, vnd wo eyn solliche gewissen in eym pfaffen ist, mag ein Jundfraw wol vermütten sich alles guts zu ym, seynn gewissen werde yn auch treyben, das er seyn weybe freuntlich vnd Christlich halte.

¶ Wir zweyfelt nitt, wo die pfaffen von der Hurerrey in Selichen standt dretten, der vnflat des hüben geschwurms in allenn stenden wurde bald auß stet vnd land getryeben durch hren radt vnd hilff.

¶ Etlich sagen, solt ein pfaff eyn weyb nemen, so müst er alleynn eyne haben, vnnnd nach hrem tod, ob er schon iung were, müst er on andere Gefrauen beleyben, oder durfft keyn wytfrauen zcu der Ge nemen, ob eyne fur

yn were. ich sage, du magst sollichß nit bey bringen durch geschryfft, darumb ist es Fabel werck, die wordt Pauli .i. Thimothe. iij. Werden auch sollichß nitt gebenn, Paulus will, eyn Pfarrer sol nit meer dan ein eeweyß haben, vnnnd verbeut nit, das er nach des weyßs todt müß weyßbloß beleybenn, das gsez Moysi wirt yn auch nit binden, ein Sundßfraw zu nemen, vnd seyn wyßfraw. Er wirt auch nit gehyndert in seynrer pfarr ein pfarr kyndt nemen, Darumb das er getaufft hat &c. Als yetz in anderer leerer geschryfften auß der Byblyen bewert wirt.

Ein bichluß aller obgeschrybner materi.

¶ Welcher verbewt pfaffen ee, oder hilfft vnd radt, das sollich verbot gehalten werde, Sündet wieder gott vnnnd seyn geseß, ist eyynn schädlich mensch ganzer Christenhait, so doch alle götliche, naturliche, vnnnd vernunftig menschen geseß den pfaffen Geweyßer zulaßt, wellicher hylfft vnd radt zu pfaffen ehe, ynn götlicher forcht, Sey gebenedeyet von got, vnd von allen frommen Christen.

Zu dem Leser.

¶ Diß hab ich wol bedacht, aber eylendt geschriben, darumb nymm [B.] es ynn guttem fur. O christlichenn Leser, der hott eylet, vnd wolt ich etlich erber Priester nicht vngetröst lassen, die sich trauwen radt zcu mir versehen.

S. E.
M. W.

Verstand mich recht.

Ein kurze dhemuetig Suplication.

Zu den W. Herren Bischoffen.

¶ Irwirdigen herren, yr befinden an euch selbst, vnd yr lernen in teglichem exempel in aller welt, lesen auch in büchern, die blödigkait menschlicher natur, sonderlich der enthaltung halb eelicher werck, Vnnnd wirt gnügsam erkant, was vnradt entstanden ist, so man wieder das

gebot Pauli, den pfaffen auffgelegt das verbot der Ehe, begere ich ann euch, an aller frommen pfaffen stat, durch gott, durch ewr selen hail, durch alles guts, das er nit alleyn Christlichem wesen, Sonder auch menschlicher Pollicey schuldig seynd, als trew mitburger, yr wöllen ablassen vonn der veruolgung der Priester, so sich in Gelichen standt begeben, darzu sy doch alleyn yr gewissenn, nach heyliger geschriffte reguliert, treybet, Freyen euch, das got der Pfaffheyt sollich liecht vnd eynspruch gibt, Geben doch gots Wirkung stat vnnnd hynderen yn nit, das nit der groß vntreglich zoren vber euch komme, dann warlich ich hab ewr grosse sorg, euch sey vnglück nye so nach gesehn, vnd ob yr etwas entschuldigung möchten furbringen, Darumb yr heß so widerstreben fur lauffenden sachen, so ist doch feyn sache da, die yr mügt den Gelichen pfaffen wieder stellen, dan die erkandtnuß lygt offentlich am tag, fur die pfaffen, ist ein syncklein güttes gaisst in euch, werden yr furohin vnuerfolgt lassen Gelichen pfaffen, vnd ich byt gott, das ich von euch erhert werde, vnd yr gots fraynd werden, vnd bleyben Ewigklich. Amen.

V̄o mißbrauch

Chriſtlicher freyheit durch Johan

Eberlin von Ginzburgk. M.

D. XXij.

i. e.

m. w.

Gala. v. cap.

Ir lieben bruder ſehet berufft zu der freyheit,
allein ſehet zu daß ir die freyheit
nicht laßt dem fleiſch ein
raum werden.

¶ Gedruckt in der Fürſtlichen
Stadt . Gryn. M. D. XXii.

[21^b] ¶ Dem Erbern vnd frommen Mathis Sigl von
Ginzburg burger vnd Stadtschreyber zu Lougingen an
der Donau, meynem liben Uetter, wunsche ich Johann Eber-
lin von Ginzburg gnad vnd frid von Got.



Eyn lieber Uetter, ich gedenc oft an ewer rede,
dar in ir meldung gethan habt, als ich in ver-
gangen Summer bey euch gewesen bin, von vn-
bescheydenheit etlicher, die ynzhund der heyt sich
nennen lassen Ewangeliſche Prediger ader Ewangeliſch leuth,
vnd nicht anders furbringen dan frey mutwillen, ia vn-
geſtraffte hoßheyt vnder dem namen Chriſtlicher freyheyt,
dar aus erwachse ergernus, vngehorſame, vnſryde in landt
vnd ſtetten. Als ich aber gen Wittenburg kommen bin,
hab ich auch ſoliche clag gehort von den furnemſten lerern
Chriſtlicher lere, vnd wie ſy ein groſſen miſſallen haben
ob ſollichem freuel. Aber wie kan man dem thun, die
heyligen Apoſtel mochten ſollichs nit furkommen zu iren
heyt, noch gar abſtellen, ſye dathen iren fleis dargu, in
wortten vnd geſchriſſten, das vberig beſolen ſy got vnſerm
herren. Also auch zu vnſern heyt geſcheen ſoll, ich hab
ein kurze vormanung auffgeſchryben an ſolliche freueler, in
hoffnung etwas do mith zu beſſern, wie vil, weys goth,
Hab ich wollen das vnder ewrem namen laſſenn aus
gehen, vermutte, es ſoll angenehm ſein allen leſern, welche
ewer bekentnus haben, Ir wollet diſ mit gunſt von mir
annemen vnd auch vorleſenn ſrawenn Urſula Siglin ewer,
auch meynen mutter ſchwester, das auch ſie erkenne, das
vnſer ſchul keyner auffrur begere. Wit got fur mich.

¹⁾ [Mij] **D**Er heylig Paulus von goth erleucht in erkentnus gotlicher schrift, hat hochgewegen das gotlich gebot in Mose vnd Propheten oft gemeldet, Man soll des blinden nit spotten, noch sich der andern iamer nit frewen. Derhalb er Roma. ix. cap. mit trawren meldung thut der Jüdischen blindtheit vnd spricht, Ich sage die warheit in Christo vnnnd lge nicht, des mir gezeugnus gibt mein gewissen in dem heiligen geist, das ich grosse trawreikeit vnd schmerzen an vnderlaß in meynem herzen habe. Ich hab gewünscht im bann zu sein von Christo fur meyne bruder, die meine gefreundt seindt nach dem fleisch, die do seindt von Israhel zc. Sollichs ist den Christen fur geschryben, das alle frommen Christen sollen also thun, der andern nit spotten, so ihenen nit mogen sehen das sy sehen, nit mogen thun, guts vnd boß meynen, wie sye, aber meher iehner irsal got clagen, vmb ir erleuchtung bitten, freuntlich (wo man zu horen wil) guts leren, vnd gedenden das wort Pauli Tit. iii. cap. Wir waren auch etwan vnweyse, ungehorsam, yrrige, dynende den gulten vnd manicherley wollusten, vnd wannerten yn boßheit, vnd neyd, waren haßlich vnd heßigk vnter einander. Vnd Roma. xv. Wir, die starck seind, sollen tragen der schwachen gebrechlicheit vnd nit an vnns selbst ein gefallen habenn zc. Der exempel vnd lere ist vns noth zu wissen zu vnsern heyten, wan wyder auff gehet (aus gotz genade) das ewangelisch licht in menschliche gewissen, vnd andere grosse gaben, als wyder sprechen, hohe weisheit vnd wir vns vast hutten sollen vor mißbrauch gotlicher gutter. Uzu den heyten Pauli im anfang Ewangelischer lere erhuben sich sollich vnkranth, do wyder Paulus in Roma. vnd Chorin. auch anderswo vil warnet, leret, drawet vnd inen allen furgibt die regel brüderlicher liebe, vnd das freuntselig sanfft mildt exempel Jesu Christi, der vnser sundt, grobheit der sittenn, dolheit des vorstandts zc. lieblich geduldet hat. Als Roma. xiii. Ephe. v. Coloss. 1. Der furnemst fleis Pauli ist, sein einmütikeyt zu leren vnd furdern in sin vnd gemuth der glaubigen, vnd aber ein-

¹⁾ Die Marginalien, welche nur die im Text bereits angezeigten Bibelstellen geben, lassen wir hier weg.

sinnikeith nit magt bestann an gleyche der lere, ist vor allenn dingen noth, das wir an eyner lere vnd form des lebens bleyben. Wir sollen allein die lere Christi horen, lernen, leren, sein exempel anschawen, keines menschen lere oder leben achten, wie gut scheint es ist, dan so vil es gleych ist dem Christlichem wesen, Also redt Paulus von im selbst .1. Corin. xi. vnd .1. Corin. vlti. vnd Galat. 1. Wir sollen kein ler oder exempel gros achten von wegen [Nij^b] der heiligen, ob sy auch Petrus, Paulus vnd Apollo weren. 1. Corin. 1. vnd .3. cap. Ja sie all in gemein nit hoher achten dan dyner Christi vnd haußhalter vber gottes gehaimnyß. 1. Corin. 4. Kein sect vmb bessers leben willen sol vnder vns auff kommen, noch von gewissers glauben, noch von genadenreichere sacrament wegen. Aber wir sollen bleyben bey einer lere des Euangelii, bey ein exemplar Christi, in einer hoffnung vnser beruffung, do von redt Paulus Ephe. 4. cap. Ich vermane euch, das ir wandert, wie sichs geburdt ewrem beruff, dar in ir beruffenn seht, mit aller demut vnd senfftmüt, mit langmut, vnd vortrage einer den andern in der liebe, vnd seht fleysig zu halten die eynikeit ym geist, durch das handt des frides. Ein leib vnd ein geist, wie ir auch beruffen seht auff einerley hoffnung ewers beruffs, Ein herr, ein glaub, ein tauffe, ein got vnd vater vnser aller, der do ist vber vns alle vnd durch vns allen vnd in vns allen 2c. vnd Philip. 2. cap. Ist vnder euch yrgent ein ermanung in Christo, ist irgent ein trost der libe, ist yrgent ein gemeinschaft des geists, ist yrgent ein herzlich liebe vnd barmherzigkeit zu erfüllen meyne freude, das ir eins muts vnd synnes seht, gleyche lieb habt, nids thut durch hangk oder eytel ere 2c. Aus dyßen vnd vil andern spruchenn Pauli lernen wir, wie not ist den Christen ein heylige lere, daraus gleyche der gemuet entspringet vnd friblicher wandel, vnd wir vns durch kein (auch besten) schein lassen absondern, parteyen in sonder secten der leren oder leben, vnd nit brechen (aus teufflicher furbildung) die grosse einigkeit gottes, glaubens, taufs, liebs, geists, 2c. Du bist ein Christen, darumb danck got, vnd voracht die vnglaubigen nit, Du weist nit, wie lange du bestendig bleybst. Roma. xi. cap. Du stehest

aber durch den glauben, sey nit stolz, sondern forcht dich, du weißt nit, ob du wurst abfallen, vnd andere ligende auffgehoben werden zc. Bist du ein Christ vnd ein starker Christ, nit veracht die schwachen Christen, aber nehge dich zu hnen, trage sye, warte ir, wie dir Christus gethann hat, lehde vnd mehde, auch wircke vil, von irer wegen, so lang bis sye auch stark werden, wie Paulus leret Roma. xiiii. vnnnd wie er lebt .1. Corin. ix. Und wisse ein izlicher, das seyne gaben gottes gaben seindt, vnd den Christen gegeben als den glidern, das ein izlicher seyne gabe brauche zu hilff anderen allen als ein gemehne liebe. Die manigfaltikeit der gaben von eynem heyligen geist außgegossen in die glider Christlicher kirchen. 1. Thori. xii. vnd Roma. 12. vnd Ephe. 4. Aber aller gaben guten gebrauch leret allein die lieb .1. Corin. 13. Wan du erkennest, das du etwas frey lassen oder thun magst, gebrauch dich nith deiner freyheyt [Nij] wyder das gut duncken deines nechsten bloden Christen, vergleych dich im, das er nit dir nach volge wyder sein gewissen, oder dich vrtheyle als ein vbertretter gotes gesetz, vnd verdurbe der schwach in seiner gewissen, fur den Christus gestorben ist .1. Corin. viii.

Lieben freundt, am anfang ewangelischer predig was sollich vermanung not vnder so vilerley glauben, sytten, gewonheytten, dar ab sye vbel zubringen waren, vnd vil stuck warenn, dar an nith gros gelegen was, gehalten oder gelassen, sonderlich die Juden vast hangten an Moses gesetz, von got gegeben. Darumb leret Paulus, man solle Christliche freyheit erkennen vnd got darumb loben, sich deren in herzen freuen. Roma. xiiii. aber nit eufferlich brauchen zu vnfrid oder ergernuß des nechsten. Auch inzunnd zu vnsern heytten ist die welt gefangen in gewissen vnd sittenn ader gewonheytten, mit Babst gesetzten, schuttern so iemmerlich, das kein Judentheit oder Heydnischeyt dysem gleichenn magt, send aber vil dingk darinnen, die an schaden mogen gehalten werden zu besserung der andern, als, so ader anderst beclehbet sein, diß ader ihene speiß essen auff dyssen oder andern tagk, zu dijer oder ander heyt in kirchen kommen, so lang psalliren vnnnd so vil Geygen geben den pfaffen oder clostern. Grebtnuß weyße so oder anderst

halten, beschoren oder harig auff dem haupt seyn, auff dyßen oder andern tag feyeren ꝛc. vnd der gleychen, So farenn eßlich her vnd wollen offentlich vor yder man abwerffenn gewonlich, vnsehßlich ordnung, vnd das wyder spil vben, vor ehe durch lere sollichß angezeigt wurt dem volck frey sein, dar aus lesterung wechß des ewangelii, schwach gemuet (sonst gut) betrubt, erschlagen gemacht. Do von hore ein ernstlichen spruch Pauli Roma. 14. So dein bruder vber deyner speßß betrubt wirt, so wanderstu schon nicht nach der liebe. Lieber, vorderbe den nit mit deiner speßß, vmb welches willen Christus gestorben ist, Darumb schaff, das vnßer schatz (das ist ewangelium) nicht verlestert werde. Es ist zwar alles rein, aber es ist nit gut dem, der es ist mit einem anstoßen seiner gewissen. Es ist vil besser, du essest kein fleisch, vnd trindst kein weyn oder das, dar an sich dein bruder stoß oder ergert oder schwach wirt. Hastu den glauben? so hab in bey dir selbst vor got ꝛc. Item 1. Corin. viii. So ir also wyder ewer brueder thut, vnd schlaget ire schwachen gewissen, sundet ir in Christum. Darumb wan mein speße ergerte meynen bruder, wolte ich ewigklich kein fleisch essen, das ich meynen bruder nit ergerte. Darumb, lieben bruder, leydet euch in allen hymlichenn dingen mit ewern nechsten, vnnnd vergleychet euch ynenn dar inn vmb gotthes willen, doch do bey bekennenth gottes gabe [Aij^b] auch, vnd sagen, zu sollichen dingen sey ewer gewissen nit verbunden, meher frey durch Christum, aber allein aus bruderlicher liebe haltet ir sollichß.

Und wo das widerspil meher sterckte die schwachen, vnd truckte die mutwilligen widersechter, so brich muttlicklich sollichenn menschen geseß, ader so etlich erlost weren in iren gewissen, do von aber andere wolten sye wyder in hoffnung des geseß furen, so wyder sprich mit worten vnd werden, vnd zehge Christliche freyheit, wie Paulus thut Gal. 2. cap. Wan vnd wie vil sollichß zuthun oder lassen sey, wirt dich der geist Christi wol leren.

Ich weiß wol, das sollich lere vorhyn geschryben ist deutlicher vnd ernstlicher von genadenreichen menschen, soll aber ich vnd andere Christen nit vnderlassen, auch also

lernen, dan so lang die welt stehet, wurd't nit auffhören mißhandlung, soll auch nith auffhören heylsame straff vnd vormanung mit dem gotes wort.

Lieber Bruder, was freude gibt dir dein freyer mutwil, das du also eynher fereßt vnd frist fleisch am freytage, sonabent, vasten tagen 2c., so du wol ander essen hast vñnd mochtest. Du sagest, ich bin frey, wir sollen es durch brechen. Martinus Luther lereth sollich's aus grundt der geschriff, vñnd Melanchton, Doctor Carlstat füllen bucher do von. Ich antwort. Wye du ein gelauben hast, also erkennest auch Christlich genad vñd freyheyt, also vorstehestu auch ob gemelter lerer geschriff. Der lezt quatern in dewtscher Postill Luthers vber Epistel vñd Euangeli heigt gar ein andern bescheydt do von, dan du fur gibst. Auch ist des Luthers leben anderst, dan du richtest. Er wonet in eynem closter, er tregt ein kutthen an, er hñet am freytage, sonabent vñd andern fasttagen nit fleisch. Ich hab seynes wandels so eben war genommen, das ich weys, das ich war sage dar an. Des gleichen Melanchton vil vñd ernstlich leret (als ich oft gehort habe), sollich freueler mit fleisch essen vñnd der gleychen seint nicht mynders dan gut Christen. Doctor Carlstat ist so ein erberer guterziger man, das nit zuglauben ist von im ein sollich frech, freuel, mutwillig leben, seyne bucher hegen es auch nit.

Man sol kein gemeinen gebrauch in landt oder steten abthun, auch ob er schwere ist zuhalten, an gemeyne vorwilligung, welcher do wyder thut sonderlich, sol gestrafft werden, auch vñder den heyden, vil meher sollen vñder vñd von den Christenn gestrafft werdenn, welche gemeynen landt frydenn herstorenn (in stücken nit widerig Christlicher lere) durch vnheytlichenn gebrauch irer freyheit.

Merck du Christ, Was dein freyheit sey, Durch die fundt ABe [24] bistu gar bedurfftig vñd heylloß worden, in gefendnus des teuffels vñd aller creatur gefallen, als du befindest an leibe, ere vñd gut, vñd der glaub wol heigt der selen halben, vñd dyse gefendnus wurd' furderlich beweynet von allen Propheten vñnd gerechten menschen, ist so gros, das sye der todt vñd hell selbst ist vñd also warlich genant wurt in der heiligen schrift, Christus aber

hat vns also erlost, das wir durch den glauben an in frey seind aller sundt vnd gesetz bandt vor got, das unsere gewissen fryd haben, absetzet alles vorkagen, aller spoth, alle flucht vor dem horn gots in den gewissen, als Paulus sagt Roma. 5. cap. So wir denn seindt rechtfertig worden durch den glauben, so haben wir friidt mit got durch vnsern herren Ihesum Christum, das ist, der glaub an Christum ist des menschen gerechtikeit, vnd so baldt der mensch gerecht ist, volgt frydt in den gewissen, als der Prophet sagt, Das werck oder frucht der gerechtikeit ist fryde. Volgt auch ein frewd vnd iubiliern, ein auffspringen vor frewden im herzen, vnd ein ausspruch in worten, der empfangen genad vnd gab halbenn. Also wie Paulus sagt Roma. 5. cap. Durch Christum haben wir auch einen zugangt im glauben, zu dyser genade, darinnen wir stehen, vnd rumen vns der hoffnung der glorien gottes kinder. Ja so groß ist sollich frewd, das auch ansechtung vnd leyden sye nit abtreibt. Als Paulus sagt. Nicht allein aber das, sonder wir rumen vns auch der trubsalen, die weyl wir wissen, das trubsal gedult bringt, die gedult aber bringt erfahrung, die erfahrung aber bringt hoffnung, die hoffnung aber lezt nichts zu schanden werden. Das alles darumb, das die liebe gottes ist außgegossen in vnser herz durch den heyligen geist, welcher vns gegeben ist.

Nym war, got hat von ewigkeit geordnet, er wolle etlich durch Christum seligk machen, solliche vorsehung vnd furgeordnete von ewigkeit berufft er in keyt durch die predig des Ewangeli, so sy horen sollich in fursehener zeit, so gibt er inen sein selbst erkentnus durch das licht des glaubens, das sy gottes grundtloße gutte erkennen, durch Christum erheygt vnd geleyhet.

Solliche erkentnus gottes schafft got in menschen almechtiglich, Ephe. 1. Welche erkentnus gottes heugt das menschlich herz zu stetem gewyßem trawen vnd anhang an gottes erkante gutte, vnd das alles ist glaub genant, Dar aus entspringt fryd der gewissen gegen got, darnach volgt frewd der empfangen gaben halben, baldt volgt gegen lieb, also, so vns got erzeigt hat seyne liebe gegen vns, reycht er vns vnd hilfft vns yn wyder zu lieben, so stark, das

kein creatur vns von der liebe abscheyden [A,^b] magt. Roma. viii. cap. Wir erkennen so vil von got, das wir befinden, das er alle leyden aus grosser liebe auff vns lest fallenn, vns zu hochstem guth. Dyer glaub ist ein frefftig wurdlich ding, do von der glaubig wol weyß zu sagen aus eynem befinden, als wol er weyß, das honig suß ist, vnd gallen bitter, der mensch befindet, das leyden gebiret gedult, vnd gedult gebiret erfahrung vnd grosse erkentnuß gotlicher gutte hilff, aus welchem gemeret wurt hoffnung in got, welche hoffnung nit lest zuschandenenn werden, dan got lest keinen, der in ynen hofft. Roma. x. cap. Also wurt der mensch frey in im selbst, vnd ledig, frolich vnd freymuttig, er befindet, das sundt, geset, teuffel, tod, helle ym nit schaden mogen, er ist inen ent-runnen, also das er inen allen droß darff biten vnd sye nit darff forchten, als die ihenen die in wider vberfallen mochten. Als Paulus sagt oben Roma. 5. cap. Got breyhet seine liebe gegen vns, das Christus fur vns gestorben ist, do wir noch sunder waren, so werden wir ihe vil meher durch yu behaltenn werden vor dem horn, nach dem wir durch sein blut gerechtfertiget seind. Und dis ist das heupt-stuck Christlicher freyheit, frey sein von gottes horn von wegen eigner gewissen, vom bandt des geset. Johan. viii. cap. Gal. v. cap. Und ein frommer Christ lest sich so wol benugen an sollicher guthat der freyheyt, das er sich willigklich ergibt in eufferliche gesendnuß des geset der menschen, das ist, Christus macht den glaubigen menschen frey von allen banden aller geset, also, das auch got im kein geset meher furschreibt, aber an stat des geset gibt got seynen geist in menschlichs herz, der treibt vnd bewegt zu allen gutten handlung aus frehem vollem willen, an eghenluchige herzigung, allein aus liebe zu dem guten, es bindet auch kein eufferlich geset ein frommen Christen. Eufferliche geset seindt gericht auff gebot vund verbot eufferlicher ding, vnd der Christ ist frey gegen inen, mag sy gebrauchen vnd nit gebrauchen, wie, vnd wan, vnd wo sy im gefallen, als Paulus hehgt in Corinth. vnd Roma. vnd Timo. Aber solliche eufferliche freyheit ubergibt der Christen willigklich, aus gottes lieb, das er auch gesellig,

gleichformich, einfeltig werde andern menschen, vnnnd sye gedulde in hoffnung auff ire kunfftige besserung, wie im von got freuntlich gescheenn ist, Es ist im gnung, das sein gewissen von keinem gesetz erschreckt wurt, eusserlich freyheit behalt er vnd vnderlaß sye, wie im seyn geist hehgt vnd bewegt, der geist aber neygt zu wolfarung dem nechsten in allen dingen, die nit wyder gotes wordt seindt. Derhalben leydet ein Christ vnd meydet mit fremden vil ding, vnnnd ist so vil williger eusserlicher gesetz beschwerde zugebulden, wie [B] vil er freyer im herzen do gegen ist dan andere vnglaubige menschen, Ja er thut, wie Christus gethann hat, Philippen. 2. cap. Welcher ob er wol in gotlicher gestalth were, hat ers nicht ein raub geachtet got gleich seyn, sonder hat sich selbst geeyffert vnd die gestalt eines knechtes angenommen, ist worden gleich wie ein ander mensch, vnd an geperden als ein mensch erfunden, hat sich selbst ernybert, vnd ist gehorsam worden bis zum tode, ia zum todt ans creuz. Also ein Christen, wie wol er frey ist in allen eusserlichen dingen zuhalten vnd zulassen, soll er doch solliche freyheit gern faren lassen zu wolfahren den andern zu frydt oder zu heyl, im sol genung sein, das er im gewissen heymlich frey ist. Also redt Paulus von im selbst .1. Corin. ix. capi.

Darumb, lieber bruder, nym Christlicher freyheit wol ware, vnd fasse die wurzel wol, so magstu die vast gebrauchen, an die wurzel schaffest nichts, Nym die grundtlich innerlich freyheit an, frew dich der, predige sye, lob got darumb, aber eusserliche freyheit brauche, so fern sye deynem nechsten nuß vnd heylsam ist vnd angemem, libe hymlich vnd humlich. Das alles wurt dich dein geist wol lernen, 1. Johan. 2. cap.

So lang du also ernstlich sichdest fur eusserlich freyheit, bistu keines oder kleines glaubens. Eusserlicher ding freyheit haben auch erzbuben, die Paulus ergelt .1. Thimo. 1. vnd der welt kindt zeitliche selikeit ist ein freyer mutwill, ein vngestrafte boßheit.

Du sprichst, Ich begere frey zu sein, nit mutwillig zu sein. Ich antwort, Freyheit an gesetz oder geist ist schedlich vnd wurfft den menschen in hochste dinstbarkeit,

Wan sye gibt eingang zu lastern bis vffs hochst. Darumb ist noth innerlich regiment des geists Christi, oder eusserlich der gesetz, sol freyheit gebraucht werden an schaden. Aber du bist kein Christen, bringst fur Christlichs gesetz freyheit, so du nichts mynder achtest dan Christlich wesen, suchtest nach der schalen vmb sonst, vnd lesest den kern faren. Nym aller spruch der geschriffte ware oben eingefurt, vnd besize dich darin, ob du also gesinnet siehest, vrtheil dich dar nach, dein gewissen wurt nit lygen. Bistu ein Christen, so thu wie Christus, trage gemeines eusserlich ioch, gedulde die andern, vergleiche dich andern in allen dingen so vil gots wort erleyden magt, schweyg, lehde, meyde, was, wie, wo, wan, wo her dir beschwerde kompt vnd standt in guter hoffnung zu got, er lest dich nit, also sol es dir ergan, ein sollichen wegt wil er dich furen, also sol ein Christ geschaffen sein, wie gottes eyniger son Christus geschaffen gewesen ist, innerlich gottes vol, außserhalb nicht anders dan andere menschen, das eyner des andern burde trage, so erfullenn [Bj^b] sye das gesetz Christi Gal. vi.

¶ Du sprichst, Hat doch Paulus vnd andere so vil gefochten wyder menschen gesetz, fur Christlich freyheit, Warumb solt ichs nit auch thun. Antwort. Paulus vnd andere from Christen haben gefochten wyder menschlichs gesetz der verstrickung halben im gewissen. Sy haben gesagt, der glaub Christi mache gerecht, ane in sey keines gesetz gerechtikeit nutz, mit ime sey keine noth. vnd das lere ich auch. Wo aber etlich gesetz lerer wolten das volck abfuren von lauterem glauben in Christum, auff Moysen oder andere menschliche geseze, als ob man do durch solt vnd musset gerecht werden, so streyttet Paulus do wyder etwan mit worten, etwan mit wercken. Gal. 2. capi. Aber wo man eusserlich gesetz furtruge an vorbindtnus der gewissen, so was Paulus furnemlich inhalten, er hilt sich an clage vnder den Juden wie ein Jud, vnder den heyden wie ein heyd, alles darumb das er also durch sein gleyche vil menschen zu Christlichem wesen brachte. 1. Corin. 9.

Gang hym vnd thun auch also, frew dich im hertzen, predige mit munt, der glaub Christi machet dich ganz frey, aber vmb frides willen wollest gern eusserlich ge-

brauche vnd gesetz halten, so vil das wort gottes erleyden moge, thun also, so thustu im recht, also volge Paulo nach, wie er Christo nach volgt. 1. Corin. 11.

¶ Du sprichst, Solt ich also gefangen sein außershalb, was gebe mir innerliche freyheit allein frewdt. Antwort. Das ist das ich sage, Du bist kein Christ, du befindest gottes nicht in deynem herzen, wie gut vnd sueß er deynes selen sey, Psal: xxiii. Treno. 3. cap. Du hast noch nye befunden deiner innerlichen gesendnus, tod, helle &c. Darumb findestu noch nit der erlösung, so versuchst du auch nit die frucht des todtis vnd auffersteung Ihesu Christi, das er todt sey fur vnser sundt, vnd erstanden umb vnser gerechtikeit willen. Roma. 4. cap.

¶ Der Christenheit glorie auff erdenn ist innerlich. Psal. 44. Aber soliche losse Christen wollen vnter Christus titel die glorie eusserlich suchen, do mit setzen sye die konigkliche kron Christi dem Sathanischen reich auff, geben der huberei namen der tugent, do durch got erzurnet wurdet vnd blendet vnns, wie dyßer tag heyt. Do von nemet vrsach zu lestern Christlich lere alle welt kinder, so sye augenscheinlich sehen, das vnser leben freyer, mutwilliger, vngeheympter ist dan ir leben, Darans kompt lesterung gottes namen in allen heyden. Roma. 2. cap.

¶ Aus, aus, mit sollichen Christen, wolt ir darumb Christen sein, das ir dem fleisch dynet, wolt ir durch Christus reychtumb teuf-[Bij]felische sache fordern? so were euch besser, ir weret nye geboren worden. wee euch vnd ymmer wee. O ir redliche richter der menschen, greyffet zu solchen losen Christen, vbersehent ynen nicht, straffent sy vmb ir mutwilligk leben. Christus hat kein gefallen ob ynen, er gibt euch gewalt vber sye, dan sye nit Christen seind, aber christheyden vnd heydenchristen, weder hund noch hunden, weder koldt noch warm, darumb schleust sye got auß. Apocalip. 3. cap.

¶ Ein frommer Christ predigt, er hab kein got dan Christum, ym sey nicht noth zu dem heyl dan der glaub in Christum, er sey frey von allen gesetzen, sein gewissen sey vngewunden von inen, aber allen menschen wol er werden alle ding vmb Christus willen, den hayden ein heyd,

den Juden ein Jud, wol yderman guts thun, alles böß leyden, wie sein herr Christus gethann hat. Sollichs prediget er mit worten, vnd haltet es im herzen vnd werdenn, wer im darumb wil leyden vnd tod zu fügen, das leydet er, vil liber, dan das er abweychen wolt von dyser warheit, laßt man in do bey bleyben, ist er wol zu fryden. Aber vnmöglich ist, das ein Christ vmb sollich lere nit angefochten werden, vom teuffel durch falsch Propheten, durch gleyhner, durch offentlich böß leuth vnd sunder, darumb ist ein Christe alweg in mittel seyner findt. Psal: ix. aber er leydt nit dar nyder, wan Christus sichtet fur sye, dem aller gewalt gegeben ist in hymel, vnd auff erdenn. Matthei ultimo. Doch sehe du auff das du sollicher reiner leer kein zu satz gehest menschlicher vnreynikeit, daraus erwachse dir veruolung. Wan zu vnsern heythen die verfolgung quem von warer lere wegen, sollen wir vns frewen, aber wir leyden sye vmb herstorung gemeines frydens, guter pollicyen, der merer teyl, vnd vnder hunderten findt man kaumen eynenn, der seyn leyden habe vmb der warheit willen, vnd nit meher vmb eygener vnbescheidenheyt, narheyt, bößheit, mutwillen zc. vom segfeuer, von heyligen furbit, von bilden, von fastagen, von feiertagen, von farbentragen, von harr oder kolben zc. sichtet man, fur vnd wyder, als von heuptsachen vnd schyrmet es mit Christlicher lere scheyn, so doch nyemant mynder Christen ist, noch christlich redet dan dyse schyrmer. Sy sagen, Luther, Carlstat, Melancton, andere thundt auch also. Ich antwurd, Sy nemen es nit fur als heuptstück der lere, aber so man inen do mit wil wyder stehen an heuptlicher lere, so spaciren sy neben aus, vnd werenn sich dar gegen, meher als in eynem furgang, dan in eynem still stand. aber andere richten sunst nicht aus, dan sollich thant merlehn, do von sye kein oder klein wissen haben, vnd berauben auch das volck mit sollichen handcleren, das thundt Luther, Carlstat, Melancton nit. Darumb wisse du Christ, wan man dich allein strafft vmb vbertretung menschlicher geseß, so thut man dir recht, du soltest sye haben. Roma. xiii. Wan man aber dich strafft darumb, als du sagest, menschen geseß bynden die gewissen nit, das du sy aber haltest, thust

es aus bruderlicher liebe, an noth, aber freywillig, so thut man dir vurecht vnd dan leydest als ein christ. 1. Petri 4. vnd sollichs leyden frewe dich, du bist selig. Mathei: v. cap. So man ewern mutwillen vbel annympt, so sprecht ir, wir lern den glauben. Ich antwort. Warumb habt ir den glauben nit. So sprecht ir, Wir haben rechten glauben: Sage ich, Warumb gehgt ir den glauben nit in werden. Ir antwurd, wir hangenn nit vmb werck, aber vmb glauben. Ich spreche, Hettent ir rechten glauben, der thetent glaubliche werck, so ir aber die werck nith thundt, so gehgt ir, das ir vnglaubig seyet. Jaco. 2. vnd Tit: 1. So ir dan den glauben nit habet im herzen, vnd wollet in mit Worten predigen, darumb wurt euch got straffen, Psal. xlix. Got hat zu dem funder gesagt, Warumb predigstu meine gerechtfeyt vnnnd nymst mein testament in deynen mundt zc. Hys dyen psalmen bis an das endt, so findestu dein thetent. O lofer Christ, was bedarffs vil wort, wan du wilt ein Christen erkennen an dir oder andern, so merck auff bruderliche lieb, wie sy gehalten wird yn lieb vnd leyd, ein Christ handet nit vmb heylich irdisch ding, dan er hat ein vatter vnd erbschafft im hymel, daran hangt er mit lebendiger hoffnung. 1. Petri .1. Er richtet sich nit vmb eynicherley wyderdryß, durch freunt oder feindt zu gewissen, wan er nympt alle ding an von der treuen handt des lieben gots. Er hanget nit vil an eusserlichen dingen, wan alle seine frewd vnd trost ist inwendig im herzen. Er thut guts seynen feinden, redet wol seynen lestern, Kurz er leuchtet in mittel der menschen wie ein stern am hymmel. Philippen. 2. cap. Welcher wolt nit an eynem sollichen guten menschen ein gefallen haben, auch ein Heyd oder Jude. Der irrig hauffe were gut herzu kubringen, wan man freuntlich vnd ordentlich handelste mit inen, nit alle ding humal lernet, nit alle ding humal vmsstiffe, Christus vnd die Apostel haben gar sitlich, langmuttichlich gehandelt in iren lerenn, als die geschriffte aus wehnen, deren etlich wil got ich zusamen sammeln wil, vnd andern zu warnung lassen aus gehen, vnd wir sollen auch hnen nach volgen, Merck auff die ordnung der ewangelien vnd der Apostel handlung, wirstu wol sollichs greiffenn.

¶ Lieben freundt vnd brueder handelt weyßlich, schonet der kleinen franden gewissenn, forchtet euch vor dem gestrengenn vrtheil gots, das sollichen freueler verstat. Schonet ewer selbst, so ir [Bii] wollet so hardt an mutmas anfallen vnnotig gemeinen brauch, so werden ir allen menschen mercklich, haßlich, vnd alles ewer thun vnd lassenn, wo es nit ganz nach der schnur faret, wurd geurtheilt, ia aus einer bonen ein bergk gemacht. daraus euch schmach, vnere, vnfryd erwachsen, dy weyl ir doch nit gar vntadentlich sehet, auch schwach im geist, als ewer vnfruchtikeyt anhegt, ich rede von den strafflichen, Warlich das ewangelium ist also ein gros lycht, das es nicht vngeweyhet lest, sonderlich seynem prediger, es hegt in als ein stadt auff ehnem berg, vnd als ein lycht auff ehnem lycht stoß, ist der prediger gut, so wurd es kundlich, ist er boß, so magt er nit verborgen bleyben. Math. v. cap. Gedenden auch an so vil vnfall hundert hustendig vil treffenlichen menschen in vilen landen, wie sye hoch, truglich muettigklich auffstehendt, lerent, schreyen, bewerren, verwerffen bis vnd ihenes, do mit sye in gros geschrey vnd achtung kommen, ob welchem sye sollich gefallen schopffen, das sy auch sich selbst bereben, ir handlung sey Christlich handlung, darumb sye bereydt seindt zusterben, welche inen daruon raten wollen, achten sye fur findt oder vnwissend, machen do mit inen selbst vnd andern frommen vnru, Aber got magt sollich nit leyden, das man mit seynem wort wol freuel treyben wyder gemeynen fryden.

¶ Meyn trewer radt ist, du vnderlassest deyn lere vom glauben so lang, bis du waren glauben von got vberkompt, oder du wurdet zu schanden vnd schaden kommen hie vnd dort, Euch ist besorgen, der teuffel werde euch beynigen, wir lesen Act. xix., das seynem geschehen ist, die im namen Jesu wolten teuffel auß treyben an glauben. So du nit hast waren glauben, so weystu nit do von zu leren, vnd irrest mehr, dan du richtest dich vnd andere, ergerst auch durch vnglaubliche werck, was du besserst mit worthenn, Standt still, standt still, den radt gib ich dir, so lang dir got glauben vnd stercke gibt vom hymmel, Act. 1. Rompstu zu schaden, so du mir nit volgst, gedenc an meynen trewen

radt. D. Lutherus, vnd M. Melancton, auch D. Carlstat haben oft do von geredt, wie ich schreyb, darumb mogeth ir euch mit inenn nicht entschuldigen.

¶ Er verhengt gnadlich vber solliche, das augenscheinlich wurd, wie sye sollichs furnemen on oder wyder ordnung gotlichs worts, das auch die wydersacher heiligen geschriffte aus heylger schrifft beweren der freueler mißbrauch. Auch das sye angefallen werden mit beraubung der gutter, mit schmah an eren, mit schaden am leyb, peyn, ferkder, ruten zc. Inn sollicher not iagt das ewangelisch lycht, Wer der sey, welcher also ge-[Bij^b] freuelet hat, vnd entpfellet im sein herz, das auff gottes wirth nit gebawen was, mit gottes wort nit geschirmt, So kompt ein freueler in kleinnuttikeit, in vorhweisselung, ia in ein goglesterung, das er wyder rufft nit allein was er vnbillichs oder vnheytlichs geredt hat, sonder auch was er Christlichs geredt hat, er abschweret es, lesteret, vnd vermanet mündtlich vnd geschrifflich alle menschen, sy wollen auch also offne warheit abschweren, lestern, bannen vnd vordrennen. Wie leyder vil exempel zu unsern heyten beweysen mogen. Also dan haben sye es wol geschafft, so sye inen selbst vnd andern schedlich, schentlich vnnnd verderblich seindt worden.

¶ Es ist ein gros lycht des glaubens, ein grosser gehst noth eynem, der wil widersprechen gewonlichen gots dinst zu vnserer zeit, das er wisse was zu gedulden sey oder nit, wie man es sol angreiffen, vnd das dein herz dich nit lasse oder abfalle in grosser not. Dem wyderspruch gewonlichs gots dinst volgt an hindernus, verfolgung, kleyn oder gros, nach gottes ordnung, saltu dan bestendig bleyben, wurd dir noth seyn, du sehest meher dan natur. ¶ Dyße meyne vormanung vnnnd warnung wollent ir zu gut annehmen vnd wolgebrauchen, als guten begyrigen Christen zu stehet, vnd ich bitte got, er wolle seynem wort (in dysem buchlein fuergetragen) beystendige krafft geben in der leser herzen, do mit abgestalt werde goglesterung, des nechsten ergernus, vnd eigner schad vnd schandt.

¶ Ich begere auch, ir wollet die personen, so wyder partheysch seindt, nit verachten, dan vber das, das vordachtung des veynds alle sye entperet vnd ab hengt, so

ist doch ein grosser theil deren, so Papisten genant werden, nit gar verwerflich, hre beferung hoffen wir, auch natürliche schnurichligkeit, das wissen menschlicher kunsten, weyßheit, kucht zc. ist in vilen so treffentlich, das sye nit sollen von gemelten freueler angetast, verachtlich gehandelt werden. Man thut auch den erßlerern Chrißtlchs glaubens zu vnsern heyten kein gefallen daran, als ich selbst gehört von inen habe, Wo man andere gotß gaben braucht wider gottes wort, sol man hehgen den mißbrauch, vnd die gaben noch die begabten nit vorachten. Wer mich wil verstehenn, verstehet mich wol. Do mit seydt got befohlen, den bittent vor mich.

¶ Verkunde glauben vnd liebe, mit ernst, mündtlich vnd wurdlich, vnd taste weyßlich an gewonlich mißbrauch, mehr dar auff zu dewten dan genßlich dar an zu setzgen, so dan gotß worth von den zu horenn recht gefasset wurd, sollenn sy wol selbst ir [B.] vnrechts erkennen vnd abstellen on bocken, on sechten, als das gottlich wort phlegt huthun.

¶ Ob D. Luther, Carlstat, Melanchthon zc. Etlich Papisten mutwilicher, auch nemlich antastent, sol darumb nit ein ißlicher freueler auch also thun, so doch sollich freueler nit mochten das wasser bieten vñlen Papistenn, die drey obgemelte lerer seindt ander lewth dan ich vnd du, mogen auß trostlichen auffprehenn die wydersacher, ich vnd meins gleychen sollen bleyben an der schirmer, nit an der anrenner stadt, verstanden menschen ist guth predigen.

J. C.
M. W.

1

Syben frum̄ aber trostloß pfaffen klagen ire not,
einer dem anderen, vnd ist niemant der sye
tröste, Gott erbarme sich ire.

Psalmus.

Da nobis auxiliū de tribulatiōe, quia vana salus hominīs.

Titelbild: Die 7 Pfaffen erscheinen vor den 15 Bundesgenossen, deren Schreiber sie ihre Klagschrift behändigen.

Es sind noch vil frum̄er pfaffen, von deren wegē die leyen
sich enthalte sollen von irem fürnemē wider die pfaffheit,
daß nitt der vnschuldig des schuldigen entgelten müß.

[ai^b] Clag vnd beschwárnüß der pfaffen,
 über dise nachfolgende Artidel.

Der Erst pfaff klagt von pfaffen keüßheit.

Der Ander pfaff klagt von der gemehnen pfaffen nar
vnd müße.

Der Dritt pfaff sagt von der pfaffen Tempeldienst.

Der Vierdt pfaff klagt von der gefährlichkeit des prebi
zü vnserer zeit.

Der Fünfft pfaff klagt, daß kein klagen mer hilfft.

Der Sechß pfaff beklagt sich der grossen forcht vor
pfaffen schlacht.

Der Sybend pfaff beklagt sich ab dem helffer standt.

[aij] Der Erste trostloſe Pfaff, herr Engelhart,
Pfarrher zu Knodingen, Haner Bistumb.

¶ Lieben herren vnd freündt, wir haben oft vnder-
einander geredt von beschwerung gemeiner priesterschaft,
ist mir solichs vß mund vnd oren in das hertz kommen,
also ernstlich, das ich nit hab mögen lenger verziehen, ich
hab angericht, das vnser syben zusamen kömen, wie dann
wir versammlet sind, ich acht euch als fürnemste vnd gog-
förschtigen in vnserem purfelder capitel, beger ich, jr wölt
(gott vor angeriefft vmb genad) treulich erzelen heglicher
sein anligend bßchwerd seins priester ampts, das wir da-
durch eygens vnglücks erinnert werden, vnd getriben, rath
vnd hilff bey gott zusuchen, der vns on trost nit wirt lassen,
aber vnser red sollen heymlich blyben, das nit wir dadurch
leiden vff leiden laden, vnd böß erger machen, wie weißlich
haben die .xv. bundßgnossen gehandelt, das vff disen tag
verschwigen ist jr wesen vnd nammen, ob man schon ein
argwon hat, ist doch kein wissen, wer sye sind. wir sollen
auch also thun, in heymlichkeit vnd hoffnung wirt vnser
sterck sein. Diweil ich aber eüch versammlet hab, vnd euch
ein ingang mach züuersichtiglich zehoffen, herglichen bßchwerd
in angenommen ampt, wil ich anſehen erzelen mein groß
beswerd, wie nachfolgt.

¶ Ich hab mein lebtag nie vil gelesen in der bibel,
biß das heß alle verstendige leit so vil lobß davon sagen,
vnd die schülmeister ire knaben, die frawen ire kind daruß
leren, ja ettlich leyen täglich fürlesen jrem hußgfind heylig
gschrifft, wie ich selbs gesehen hab zu Tilling in Wolff
Hasen huß, des Secretari Episcopi Augustensis, vnd anderß-
wo mer. so hab ich gefragt ein frummen gelerten mann,
welichs büch ich fürnämlich solt in der Biblia lesen, sagt
er, ich solt die .iiij. epistel zu Timotheo vnd Tito lesen,
darinn ich allen rath würd finden, ein priester nötig.
ich hab jm gefolgt, vnd die epistel oft durch vnd vß ge-
[aij^b] lesen, vnd ich sag warlich, müß ein pfarrer sein, wie
darinn gelert würt, so helff mir gott. Aber sonderlich er-
schreckt mich, das Paul. sagt, ein pfarrer soll vntäblich

sein, on offentliche laster, er soll ein vnergerlich leben führen in mittel seiner zühörer. Darzü lesen wir oft im messbüch, Christus hab gesagt, wee dem der ergerniß gibt, nuzer were jm, er würd extrenkt, dann das er andre ergert mit wörten oder werken. Nu lieben herren, jr sehen, wie ich lebe, andrer wil ich geschweigen, ich hab hüren vnd hürenkind, mit aller welt ergerniß. Ich binn ein jung gesund mann, vnd würd größlich gestupfft zü vnkeüschheit, ich hab mir selbs anständig grossen widerstand gethon. Ich gedacht an das iurament, das ich dem Weichbischoff thete der keuscheit halb, aber mein fleiß zü der keüschheit was zü klein, er hulff mich wenig, das groß werck ließ ich, aber ergers gieng mir zehanden, das marck im leib bran mir, darumb het ich kein rüh, mit bösen gedanken entschlieff ich, im schlaff traumt mir, ich flüss oft vnd vil, so ich erwacht, gesiel mir traum vnd fluss, was ich in der kirchen, so was ich ganz zerstreht im synn. So bald ich in tempel gieng, sacht mich an zü sehen hyn vnd hár, zämpfte ich die augen im jngang, so gaffet ich hynach, wann ich mich am altar umbkeret. thát ich das nit, so mocht ich mich in opffer nit enthalten, ich beschawet alle frawen eygentlich, het mer acht vff sye, dann vff Kelch, Messbüch vnd Altar, wie mir do was in synn vnd lybe, weyßt gott vnd ich, ein hürenwirt was nit vil erger dann ich. Kam ich vff den predigstül, synnet ich mer vff liebliche frawen dann vff das gotts wort, vnd wie vil ich mer fliehen wolt vsach, so vil mer kam sye mir entgegen, es was selten ein weib im dorff, sye henget mir nach mit gaben, fragen, in beichtweiß, in angenommner krankheit zc. Do ich ein klein zyt keüschlich lebt, kam ich in ein achtung, als wer ich ein sonderlich frommer priester, wann keins lasters achtet man an ein priester dann vn[aiij]keüschheit. Die eere thet mir wol, vnd hett noch größser sorg vff mich selbs. Ich wolt keüschlich eerlich leben, mein leib vnd gemüt wolt mir nit volgen, ich bedurfft auch nit trawen einer frawen, ich forcht böses gschrey, dieweil umbfiengen mich grausam inbildung vngenanter vnkeüschheit, Gott behüt alle Christen menschen, ich höret ein mal predigen ein geleerten Münch, der redet ernstlich davon, vß Paulo ad Romanos, ich weiß nit

welchs capitel, vnd vß Gersonne in tracta. de Mollicie, also nennet er die ort. Er sagt, es mag ein mensch mit jm selbst grösser vnkeißeit treiben, dann mit einer huten im hürhuß. Er sagt, ich binn iung, mir zympt nit vil darvon zu reden, jr pfarrer sollen da von leren in der beicht vnd sonst, wie es not ist vnd nutz. Nach der predig sprach ich ju an heymlich, was doch solich groß vnkeißeit were vber ebruch vnd hülerey. Er sagt mir von knaben-schanden, Rom. j. vnd .j. Tim. j. von sein schampere be-rürung, von grossen dingen. Ich höret jm eben zu vnd lobt gott, das er mich so lang behüt hat, das ich nit ge-sunden was in alle dise lasterlich weyß der vnkeißeit, von denen ich doch grosse inbildung erlytte, vnd. offt gedacht, ich solt mich iren gebrauchen, es blybe heymlich, on alles gschrey. Do ich also erschreckt wurd durch solche rede, ge-dacht ich, es ist minder sünd mit wyher dann anderst, so will ich ee wyher annemen, dann mein leib ließ mir kein rü, damit es aber verschwigen blib, nam ich an ein eefrauen eines güten frommen manns, der mir es nit vertrauet, er was mein nachbur, geuatter vnd tagelöner. also gieng ich für vnd für on alles geschrey der leut. Aber mein hertz hat nit frid, mich bedundet so vnbillich sein, das ich dem frommen mann sein weib hület, der sye so lieb hat, so schwerlichen arbeit, big er weib vnd kind erneret, vnd mir eer vnd güts vertrauet. es jamert mich so vil vnd offt, wann er on allen ardwon lebt, in meiner scheüren drasche, vnd ich an seinem bett lage, er saß [aiij^b] offt an meinem tisch vnd aß vnd tranck mit eylen an die arbeit, so das wyb in meiner kamer verschlossen was. Ich mocht nit mer also thun, vnd wurd zu rath, ich wolt ein eygne ledige nemen, ich wolt ee der leiit rede leiden, dann solichen vn-friden im hertzen haben. Also nam ich mein Verbesin zu mir, Gott tröst sye. Aber ich sagt offt zu ir, sy solt lügen, das sye mir kein kind geböre, ich förcht, solich rede sey vrsach gsyn hinderniß viler kind, sye sagt zu mir, do sye sterben wolt, O herr, hette ich kinder geboren, wie frölich stürb ich yetz. Nach irem tod name ich Brulam, die ich noch hab, vnd besalhe ir, sye solt keins kindts hindernuß suchen, also hab ich .xviij. kind bey ir gehabt,

wie ir wol wissen, binn also hye gefessen .xx. jar, vnd hab mein hürerey nit groß geachtet, wann ich dem bischoff den hürenzynnß gabe, was ich zefrid vnd absoluiert, als mich dunket. Es giengen zu mir ordenßleüt reformierte, sonderlich Barfüßer obseruanten, keiner widerriet mir mein bülen, ja sye lobten mich darinn, hielten mein Vrsul in grossen eeren mit gaben vnd worten, on hinderniß absoluiert man sye in der bycht, die puren ließen es auch sein. Aber erst erkenne ich mein sünd vnd vbel, ich merck wol, das vnser schantlichs leben so langwurig vnd verharret ist im völd, das man der ergerniß nit mer achtet, als der stalknecht des mißs gewonet. vnser sünd sind so hart worden, das man ir kein rath mocht schaffen, vnd vns also on hoffnung raths vnd hilff fallen vnd ligen lassen, so sind wir so törecht vnd blind, das wir meynen, dise vnachtbarkeit komme vß kleine der sünd. Owe owe meinem leben, wie viler sünden vrsach binn ich, wie vil pfaffen sind starck in sünden bliben oder worden auch vnuerschampt, on scrupul irer gewissen, durch mein ebenbild. O wievil eebruchs, bulerey &c. ist in meinem dorff erwachsen, ob es schon heymlich ist, durch mein exempel. was sol der schultheyß vom pfarrer lernen, vnd die schultheyßin von meiner pfarrerin. Man spricht, so oft ein pfaff predige, sa-[a⁴]crament reiche, meß lese in todsünden, so oft thû er ein todsünd, O wievil tausent todsünd hab ich gethon, o gott wie vil würd ich noch thon, wann an weyher mag ich nitt sein, laß ich mein kind bey mir, so laufft ergerniß vff der gassen, so kan ich sye nit hynwerffen. dazu müssen sye ir leben lang die schand leiden, sye sehen pfaffenkind, bandert, bastert, hürenkind, aller eeren unwirdig in land vnd stetten, wie soll ich mein leben ansehen. Es ist ein newer doctor vff gestanden, genant Martinus Luther, gibt ein rath, ein pfaff soll sein magt heymlich zu der Ge nemen, aber die antwort thût mir nitt gnüg, wann ob ich schon weyß in meiner gewissen, das sye mein eerweib ist, dannocht ergert das meine pfarrkind, welche meynen, sye sey mein hür. Soll ich dann offentlich zur ee greiffen mit jr, laßt mich der bischoff nit bleiben bey pfarr vnd hab. vnser bischoff möcht baß erleiden, das ich zehen hüren hett dann ein

eeweib. Auch wirt mein ee geachtet für selbam vnd un-
 tráglich, darumb ich auch vom schultheysen vnd den büren
 verjagt würde. Ich hab mit vilen da von geredt, ob man
 hoffen müg, das den pfaffen erlaubt werd der eelich standt,
 sprechen sye all, neyn. Die schweizer pfaffen haben vil
 daruon geschriben vnd gehandelt, aber nichts erlangt. Die
 sachsen pfaffen haben es angefangen mit weiben, aber
 grosse nachred leiden sye, vnd armüt vberfallt sye, es sey
 dann einer vorhyn reich. Die lehen förchten, der kirchen
 güter werden zerstrewt, die Bischöff sind mit offen augen
 blind, das nit dauon genüg geredt mag werden. Bapst
 vnd Keyser, Bischoff vnd Fürst, erzpriester vnd schultheys
 halten zusamen, wollen vns mit gewaltt hinderen am Ge-
 lichen standt, so doch vß den drehen obgezeygten Epistelen
 Pauli gelert würt, das ein Pfarrer soll weib vnd kind
 haben, vnd ein haußuatter sein vor der eruelung zü pfarrer
 ampt, vnnnd das verbott der Ge vom teufel sey, welcher
 dem verbott volge, volge teufels lere, vnnnd das [a₁^b] an-
 fechtung des leibs zwingt zü Gelichem standt. Also binn
 ich verwickelt, ich kan on weyb nitt sein, so läßt man mir
 kein eeweib, also würd ich gezwungen zü ein öffentlichem
 schandtlichem leben, zü schaden meiner seelen vnd eeren, ja
 zü verdammniß viler menschen, die sich an mir ergeren, wie
 soll ich predigen von vnkeüßheit vnnnd keüßheit, von Gebruch,
 von büberey zc. so mein här zü kirchen vnd straß gat, so
 meine bastart mir vor augen sitzen, wie soll ich meiß lesen
 in disem standt. ein größser sünd thü ich, dann ob ein
 här von dem prostibul här köme, vnd neme das Sacrament,
 wann jr handlung wirt von niemant nach gethon, als ob
 es recht gebürlich vnd göttlich, on verdammniß sein mög.
 Aber mein beschwerlich mißhandlung wirt von vilen andern
 pfaffen auch gethon, vnangesehen laster vnd ergerniß, vnd
 villicht ettlich lehen in heymlichen sünden sind minder
 forchtam vor gott, so ich eer vnd güt hab in öffentlichen
 lasteren. Auch ist all mein leben nit dann ein widerdrißß
 göttlicher warheit, ich als ein pfarrherr sprich mit meinem
 leben, härerey sey nit sünd, gott fordere nit ein ersam
 züchtig leben, sein zorn sey nit so groß vber vndchristlich
 sitten, vnd der teüfel sey nit so grawlich, als man jn malet.

¶ Kurz, mein leben lestert gott vnd sein heylige geschrifft, das mag niemand widersprechen, darumb ist mein hertz trawrig. Darzü lebe ich vnd weyß nit wie lang, ich stirb vnd weyß nit wann, ich fare vnd weyß nit wo hyn, was möcht ich denn frölich syn. Auch so ich also gotts warheit vffhalt in meinem vngerechten sündtlichen leben, müß ich sorgen, got verlaß mich in begird meines herzen, das ich in ganze blindtheit vnd tummheit, ja in vnßägliche laster falle, wie Rom. i. vil vnd lang geschriben stat. hatt mich dann der teüfel in pfaffheit gebracht, darinn ich so sündlich vnd schändtlich müß leben. Soll ich die pfaffheit verlassen, so mag ich mich sunst nit erneren, soll ich [b] ein pfaff bleiben, so ist mir wie ich oben erzelt hab. Ich hab nie wöllen glauben, das Papt vnd Bischöff antechrist seyen, do by merck ich warlich wol, das she so seelöß sind, das she vns zwingen zü offentlichen sünden, so eerloß, das she vns behalten in offentlichen schanden, ja gelt nemen vnd by sünden vnd schanden behalten vnd schirmen, so synloß, das she nit meynen, wir vermögen keuscheit zehalten, so herßloß, das she nit ein mitleiden mit vns haben. Gott will, das ein christ soll leben on ergerniß, vnd in reinigkeit des lybs so vil müglich ist. darumb Paulus so oft rath gibt, man soll eelich leben, auch in der ee zymlich, aber fürderlich schreibt er solichs vns pfarrhern für. So ist kein standt der christenheit ergerlicher vnd wüster dann pfaffenstandt. Ich besorg, der pfaffenstand sey ein teufelisch gespenst, dieneil all vmbstandt betrachtet, er nit mag gehalten werden noch vßwyhung der geschrifft, als ich abgenommen hab in S. Pau. leren vnd auch wol heßt erzelen wyter mocht. aber ich vnderlaß es vff dis mal von kürz wegen, jr mercken wol mein meynung, ist rath vnd trost in euch, so rathen hye, wie der sach züthun sey. Ich hab vßgeredt.

Der ander trostloß pfaff, Herr Thenge zü Miltenhach.

¶ In ewer rede, lieber herr Engelhart, hab ich erlernet vnd mich selbs erinnert grosser gefärlichkeit gemeynner priesterschafft, darab warlich solten all Christen erschrecken,

vnd beweynen den grossen tadel der Christenheit, das es leyder dar zu ist kommen, das nitt allein boßheit funden würt vnder den Christen, sonder das auch ire heüßter gezwungen werden sündtlich vnd lästerlich züleben. O wee wie groß ist der zorn gottes vber sein volck, kein christlich hertz mag solichs on klagen vnd trauren bedencken. So wir aber erkelen sollen sonder beschwerd, wil ich sagen was mich meist betrießt. Der keuscheit halb möcht ich wol rüwlig sein complexion vnd alters halb, ein ander ding erschreckt mich, das pfrunden güt, oder pfaffen [bi^b] narung. Lieben freünd, gott hatt gebotten, wir sollen arbeiten, vnser handt brot essen, allen menschen. So seind wir pfaffen alle mießigenger, vber alle laster, deren müßigkeit ein vrhab vnd stül ist. So gibt vnser arbeitloß leben grosse erger- niß, also das wenig leut werden wöllen, was ein wenig Ihs^s narung hat, auch so wir wonend in mittel arbeitssamer leut, betrießt sye vnser zeytliche seligkeit. Dann wie mag es sein, das vnser arm bschwert volck nit zü vrteyl vnd vberreden bewegt werd vber vnser iundtherschafft, sye sind hungereg, wir sind vol, sye schaffen, wir spielen, sye sorgen, wir pfeiffen vnd hülen, vnd das alles von irem blütigen schweyß, welchen wir hnnemen on danck, on nutz. Vnd ist dise vnser sünd so tieff vnd hart worden, das sye für güt vnd recht wird geachtet, also, das die elteren ire kind darumb vff pfaffheit ziehen, das sye güt tag haben, vnd man für vbel achtet, wann ein pfaff solt arbeiten, man spricht, er sey ein buren pfaff. Vnd vber das, so ist vnser pfrundengüt böß güt, von wücher vnd geüßer gesamlet. Ein grosser teyl ist geltzinz, von hundert vier oder fünff gülden, von .xv. gulden .ij. gulden zinz, vnd deren gleichen gelt- wucher, wie sye an pfrunden kommen sind, ist güt ab- zenemen, so man gedendt, wie reich leut ir bößfertig güt wöllen in ander weg zü eignem nutz wenden, so sye es nit mer haben mügen mit gutem gewissen, wöllen sye Gott seinen hymel mitt ablauffen, vnd die sünd ire vnd irer freündt bezalen, darumb stiffen sye meßß vnd pfrunden, ist ir meynung wie das gelt, Recht wie die heymlichen eerrhüren ire prangröck geben an meßßgewand, ire hembblin an altartüch vnd alben, ir schleyerlin zü corporal, ir finger-

geschmeid vnd vorspangen zů monstrangen vnd feld, gott zů leyh, dem teufel zů lieb. daby gottes gebott von armen leuten vergessen wirt. Vber solich gůt seind wir pfaffen pfleger gesetzt, auch müssen wir vns vom gaiffer neern, also, wir haben ein gůlt, genannt Zura [bij] parochialia, ist nichts dann schinderey, wir nemen gelt vnd lassen die questionierer ir bescheifferey treiben im voldt, wie sye wöllen. Wir verkauffen tauff, absolution, begrebtñiß, heyrath. kurz, alle vnser handlung ist gericht vff bösen gewinn, welchs doch Paulus so hoch verbeut, vnd gottes namme wirt dadurch gelestert, so man merckt vnseren geiz bekleydet vnder gotsdienstlichem schein, welchs der höchst vnd größt geiz ist vnd ware simoney. Vnderlassen wir solchs, sind wir bettler, wenn wir beraubt sind des zehenden vnd ander fürnemen versehung. vnd das durch vnjere collatores, was sollen wir geleben. Auch ob wir schon vnser narung hetten on soliche bescheifferey, dennoch ist sye vndchristlich, so wir so gar gewiß wöllen sein der leibs narung, also, ob schon gott stůrb oder verdůrb (wie man sagt), wider hagel vnd kelte sollen wir versehen sein, ist das nit ein mißtraw zů gott vnd ein ergerlich ding vnder dem voldt, wie mag ein mensch lernen gott trawen im tod vnd sterben, so wir nit lernen im leben jm trawen vmb zeytlich narung. Ist nit das ein grosser schad christlichem voldt vonn den priestern, also lernen die leyen von vns auch gelt wucher treiben, da von in miessigkeit leben, auch gott nit trawen, alle ding wöllen gewiß haben, verschriben, versigelt, on alle zůuersicht in gottes fürsehung.

¶ Das alle ligende gůter mit gůlten beschwerdt sindt zů verderbniß land vnd leut, das sollen wir got wol miessen verrechnen, von vns hats ein anfang, das niemant dem anderen ettwas on gelt thůt, kompt von vns, die wir auch heylige Sacrament nitt reychen on gelt, die doch vmb sunst solten gegeben werden, als Christus gesagt hatt. Wie wöllen wir Christlich armůt leeren, Christlich hoffnung in gott, freuntliche hilff gegen vnserem nechsten, so wir ein soliche narung haben. Ich soll leeren arbeiten, vnd ich gang miessig, ich soll leeren freuntliche hilff gegen dem nechsten, [bij¹] vnd ich tauff auch nitt vmbsonst, soll ich

leeren on sorg leben als ein vogel im lufft, vnd das täglich brot von gott begeren, vnd ich hab all mein narung sechßsaltig bestätigt. Also ist vnser standt gethon auch diß stücks halb, das wir nit mögen leben darinn on ergerniß, sund, schaden, vns vnd allem volck. Ir habt gehört mein anligen, ist rath oder trost bey euch, so syt mir hilfflich durch gott, aber forderlichen rath bedürffen wir vff vile der pfründen.

Der dritt trostloß Pfaß, herr Groniery, pfarrherr
zü welwart im rieß.

¶ Ich hab heyt gehört zwen herren reden von pfaßen standt, ein weissen menschen solt graven ab dißem standt, vnd vil weniger sünd were ein hürenwirt sein, dann ein pfarrherr bey dißem wesen. Ein hürenwirt ist ganz verspott vnd veracht in seinen sünden, so lobt man die pfaßen darinn, ja niemant darff anders thon dann sye loben, daruff so vil scharffer ingenia gerüßt seind worden, das sye erzüchten weyß, form vnd weg, solich verflücht weissen güt, scheinlich vnd löblich zü machen. Aber kot ist nit güt vbergulden, vnd pfaßenstandt mag niemer beschirmt werden als christlich, wie ich merck vß ewer rede. Darüber hab ich noch ein grössere beschwerd, das ich auch ein ampt habe, das ich mit gott nit verrichten mag, ich will geschweigen des articckels von der Mess, das sye kein opffer sey für todt vnd lebendig, vnd wir doch das volck im won lassen, als sey es ein opffer. Item des articckels vom communicieren vnder einer oder zweyer gestalt. ¶ Item das wir vigilg lesen, reuch machen, sibent, dreyßigst vnd jartag vffrichten, so lang es gelt gibt für die todten, vnd die leut vergewissen, als hilff es die abgeschyden seelen. Item ewig lycht dafur stifften lassen, do mit wir reich werden. vnd ob es schon hilfflich were, so thünd wir jm nit genüg, das zehent [biij] wort in vigilg oder tagzeyten sprechen wir nit ganz. wolt einer ganze wort machen, alle andere spotteten sein, wolt einer in der Mess ordenlich sein in geberden vnd worten, man bestellet jm nit mer mess zelesen, man sagt, er büchstab die wort, er sey ein

kerzenbrenner. Ich geschweige der vnderlassenen vffmerckung, wie mag ein vffmercken syn by dißem ylen, by sollichem geschrey, ja by der lychtfertigkeit der byständigen mit priesteren. Darzü müssen wir vns sonderlich erzeihen als in gewychten kleyderen vnd stetten, da durch das volck in ein irsal gefüret würd, das nit einem christen alle ding gewyhet seind. Tito .i. Den reynen sind alle ding reyn. Auch durch kostliche messgewand wir gott erzürnen, so wir leren verachtung der reichthumb, vnd doch christo alle reichthumb züziehen als im gällige. daruß doch allein gebräng, vnd kein nutz dem dürstigen menschen erwachset. Darumb ettlich sagen, der tempel zierd sy des teufels fastnachtspiel. Ich soll vil gschweiz machen in tag zeiten vnd vigilien vnd messhören, on andacht, on vffmercken, wider die leer christi, Matth. vi. cap. vnd da durch das volck auch vff vil wort im gebet gezogen würt, da durch war gebett in der christenheit darnider ligt, vnnd wir auch nit vmb Gott mer erwerben, wir bitten nit wie wir sollen im geist vnd der warheit, darumb erbitten wir nitt. Also ist mir vbel zemüt wie ich im thû, soll ich die tagzeit, das todten geschrey, das messen .c., die altar geschmuck vnderlassen, so bin ich ein man des tods, soll ichs lenger treiben also, so strafft mich mein eygen gewissen. Mich rewet die edel zeit, so ich müßß verlieren im chor, so vil stund do stan, blerren on synn, on weyß, zü spott Gott vnserem herren, vnd zü betrug der frummen christen.

¶ Ich wolt gern priester sein, wann priester ampt göttlich were als vorzeiten, do ein priester predigt, sacrament reicht, vnd consecriert. .c. Aber hezt priester sein ist nitt anders dann [huij^b] des teufels sagman sein, ein lochmeyß sein vff des teufels garn, zübetriegen vnd verführen alle welt, dar vß ein mal vnser eigne rät erwachsen wirt, als es sich hezt wol ansacht. Mir ist vbel zemüt, anders hab ich nitt gelernet, auch anders läßt man mich nit thûn. also thûn ist vnnuß, thörlisch, yrrig, vnchristlich. An keinem ort der heydenschafft ist nie geübt worden ein nerrischer goßdienst, als wir christen vff dißen tag haben. Syhe alle historien an, sonderlich Eusebium Pamphili. de preparatione euangelii. Soll ich dann in einem solchen

standt bleiben vnd müssen bleiben, so erbarm's gott. Darumb, lieben herren, ist rath vnd trost bey euch, so sehet mir hilfflich. Ich hab's gesagt.

Der vierd trostloß Pfaff, herr Gronimus hebst, Pfarrer zu tauthigen.

¶ O lieben herren, wie klein ist ewer anligen gegen dem, das mich ängst. Mich gedunckt all ewer leiden wolt ich wol verdauwen, wann ich nit predigen solt, in ewer gefährlichkeit ist der gröst schad persönlich, im predigen ist der schad gemeyn, vnd wie vil gemeyner, so vil erger. Warumb aber mir das predigen so vil traurigkeit bringe, solt ir hören. Erstlich klag ich mein vnwissenheit, die welt würt täglich geleter, vnd eins besseren vrtheyls. Die kind in der schül post fornacem lernen heß besser ding dann zu vnseren zeiten die in primo loco saßen. Der teutschen bücher werden vil, vnd in teutscher sprach findt man heßt alle göttliche vnd menschliche weißheit, auch aller ständ güts vnd bößß. Vorzeiten was Dormi secure, Thesaurus nouus, Postille Guithelmi, Discipulus, Pomerius zc. ja Gabriel, Oliuerius, Summa predicantium zc. gute bücher, heßt acht man jr nit, ja man macht vßfündig, das solicher bücher leer vngeleret sey vnd ist, fünffzehen järig knaben bringen für heßt baßgegründter leer dann alle gemalte bücher. Vorzeiten achtet man groß ein wolgespräche zungen, [b₄] heßt sagt man, Regnum dei non est in sermone, sed in virtute. Auch was der pfaffenstandt nit verachtet so vil, dann allein von den münchen vnd von den verstendigen lehen, mit denen wir doch gar subtillich vberfamen. wann die bettelmünch machten wir zu freündt mit huß vnd herberg vnd mit bonum vultum, so wir jnen zürichten, wenn sye terminierten. Wolten sich ettlich nit dran keren, so richten wir jnen so vil nachred vnd vnwillen zu vnder vnserem volck, das jnen so heß darob ward, sye möchten geschwißt haben. Also wenn einer so ernstlich wider vnser arg leben predigt, verklagten wir jn in seinem closter, ee dann ein ganz closter eins münchs entgelten wolt, so verschickten sye den selbigen. Mit den reichen münchen durfften wir nit vil machen, so bald sye

reich wurden, fielen sſye in ſo groſſe laſter, daſ sſye vnſerer laſter wol geſchwigten. Wo aber ein vernünftiger weiſer ley waſ, dem vnſer leben miſſſiel, richten wir jm ein argwon im völd vff, er wer ein fantaſt, ein wonwiziger menſch, ein huſſit, ein wicleſit, ein böhem. vnd namen zů hilff die münch, welich etlich roſtig artidel fürwurffen, damit man vorzeiten ettlich fromm chriſten vberzucht vnd verlogen hat, alſ weren ſſye kezer. Wolten auch ſolch artidel gebrauchen wider alle ſo alſo wonwizig weren, vnd vermaneten daſ gemeyn völd, ſſye ſolten ſich gar nichtſ annemen der pfaffen leben, daſ ſſye nit würden erfunden alſ kezer, oder kezerſchnig, vnd daſ ſſye gott nit ſtraſſte, dann die pfaffen ſeyen gottes ſonderlich diener, welcher ir leib, eer, güt berür, der werd vor gott geſtraſſt, alſ ich auch höret predigen zů Rotenburg am Neckar, vff her wolffſ baurſ ſün erſten meſſ, do prediget einer von Tübingen, genannt Johann Eberlin von Gingsburg, vnd macht der pfaffen leben ſo frey, vnd niemant ſolt mer daryn reden, alſo daſ den anderen tag zwen pfaffen öffentlich in züberen by den hüren badten. Ich meyn, der Eberlin hab ſein ding vaſt vß den oration Theodorici Greſſmunt [b₁^b] vnd .N. ſcheirlin gelesen, auch vß dem Bernardine buſti. eſ ſind auch groſß pfaffen brhyſer. Der Eberlin lobt auch die Franciſcer regelnommen ſo vaſt zů Horb, do er die regel im Alduent predigt, Gott vergebſ jm, daſ er Franciſcus tandtmer predigt für Chriſtus lere, daſ darnach deſ Keyſers vogt dorff nit gemeine landßbruch von jnen forderen, aber ich meyn, gott ſoll dem Eberlin ſein lon auch geben, daſ er ſo vil thandt gebrediget hat, er hat alweg ein groſſen zůlauff, wenn er predigt, daſ geſiel jm wol, vnd meynt, waſ er ſagt, ſolt angenommen werden. Er geſiel mir aber wol an dem, daſ er den münchen ſo wol kund ſcheren vff der Canzel, er waſ ſo abenteuerig, daſ er mit geſchriſſten vnd gleichniſſen ſeine tandtmer alſo veſtigt, daſ jm daſ gemeyn völd mer glaubt, denn den groſſen doctoren, welche dazūmal wider in ſachten zů Tübingen, do doctor Jacob Lemp vnd der Johan Halliſ, vnd doctor Jorg Simler, mit jm doctor Martin blantſch vnd ſein anhangen ſachten. Ich hab oft gehört deſ Eberlinſ ſtandſgenoffen ſagen,

wenn man jm nit weret, er verführet ein ganz land mit predigen, also gern hört man jm zu. vnd der Antchrist bedarff keins andern jüngerß dann sein, vnd er sey hegt gen Wittenberg kommen zu dem Luther, das die kekerschul ganz werd. Ich binn ein mal by jm gshn zu Oberbadon im schwygerland, do predigt er so ganz Lutherisch, vnd predigt wider pfaffen, münch vnd Nonnen, vil ernstlicher, denn er vorhin gepredigt hat. er sagt, wie jm leyd were, das er sein tag so heylß ding gepredigt hätte. Er hat mich auch vast scrupulisch gemacht, das ich so gar ungern pfaff vnd prediger binn, er sagt ettlich puncten vß der ersten epistel Pauli zu Timo. von dem bischoff stand vff sanct Vlrichs tag, das ich gedacht, o Gronime werestu ein sawhrt dafür, ich syhe wol, das der ganz pfaffen standt wider heylig geschriff ist, vnd man vns kein schantz vbersehen will. Auch mögen wir vnseren sünden keinen widerstand mer thon, [c] man ist als wol wider münch als wider pfaffen, wir mügen den gestrifften leyen keinen widerstand mer thun, vnser arg leben ligt züvil an der sonnen, predige ich nit den klaren text der Bibel in biblischem verstandt, so hab ich ein grossß gewissen darumb, auch wird ich veracht von gemeynen leyen. vnd ob ich auch güt ding predigte, so aber mein leben der leere nit gemäß ist, würd ich aber veracht.

¶ Darzü bericht mich mein eigen herß, das sich fürcht vor gott, soll ich predigen nach gemeynem gebruch, so wehß ich, das ich das volck verführe, vnd der groß zorn gottes von Gezechiel gezehgt .xxxiij. ca. würt vber mich kommen. Soll ich aber sagen gottes wort, so binn ich ein mann des tods, wie will ich blyben vor pfaffen, münchen, fürsten, ja vor bischoffen, Papt, Keyser, deren aller bann, Acht, gebott, verbott, in allen landen, stetten, kirchen gezeigt vnd gelesen werden, ich müß eer vnd güt dran wagen, ja aller meiner freund verlust. zu letst griff man mir nach dem leib vnd erwürgt mich, das ich nit so grossß achte, als ob man mich würff in einen thurn, wie vilen geschehen ist, oder zwing mich zu einem wideruff, oder vertrib mich vom land. Ich soll vil vom segfeür leeren in Cathedra Mosi, do von alle bübery in den geweichten gemeret wird, vnd hab ich keinen klaren text der Biblia

vom fegfeir. ich sol von seelen gerätten sagen, do von ich auch nichts weyß. Soll ich dann leeren, die pfaffen sollen eeweiber haben, so bring ich den ganzen bischofflichen hoff an den bettelstab, sonderlich wenn ich die eehandel lere vertädigen noch der leer Mofi Deui. xviii. ca. vnd Christi Matth. xix. vnd Pauli .j. Corin. vij. Will ich nit ablaß loben, kirchenzird pryßen, vile der feyertag erheben, der Questionierer vnd bettelmüñch terminieren verkünden, so schickt man mir die erkezer, inquisitores genant, vber den hals, vnd ist mein sach ex. Soll ich sagen von warer rechtfertigung, die do ist allein durch den glauben, so lade ich alle [c,^b] werckheiligen vff mich, darzü kan ich mein leben nit richten noch meiner lere. das elich dry beschweret, beschweret mich auch, darzü sonderlich das predigen, predige ich nitt, so mag ich nit mit güter gewissen das pfarrampt haben. predige ich christliche warheit, so ist mein eygen leben wider mich, darzü geistlicher vnd weltlicher gewalt, vnd alle weißheit vnd frumtheit der welt. Darumb, lieben freündt, rathen vnd helfen mir durch Gott, ich hab vßgeredt.

Der funfft trostloß pfaff, herr Panthleon vbelin,
pfarrherr zü Grüblingen.

¶ Ewer beschwerd vnd klage, wirdigen lieben herren, hab ich wol vernommen, ich will auch meins daruff legen, so wirt der hauff größer. Ich klage sonderlich den verlust meiner eeren vnd rhüm vor gott vnd den menschen, ich schäme mich vor gott in meinem gewissen, meines seellosen gottlosen lebens, das ich in mir selbs mangel Gottes erkantniß vnd eere, auch vor den menschen erkannt würd als ein zúsaß des gottlosen hauffen, welche man hezund pfaffen vnd müñch nennet. Ach Gott, ach Gott, erbarm dich mein, soll ich ein arbeitfeligs glib sein des öden losen hauffens, bleib ich bey jm, so hab ich leyb im gewissen, vnnnd schand, auch schmach von den leuten. Will ich abweichen, so stond mir alle teufel vnd alle welt vor dem wege, das ich nitt weyß wo hyn, wo vß. wer will mich erneren, arbeiten mag ich nitt, bettlen scham ich mich, gütcs

lebens hab ich gewont, der paffen kichlin schmecken wol.
 Ich merck aber des karsthanzen kolben wol. Wann man
 ein paffen nennet, so versteet man ein seellosen gottlosen
 menschen, voll, faul, gehzig, häderisch, zändisch, schirmig,
 hürisch, eebrüchisch zc. ich darff schier mein blatten nit mer
 sehen lassen, dann der gemeyn mann ist ganz erhitigt
 wider die paffen, man macht in ein berg vß einer nuß,
 vnd bricht vß der zorn gottes vber [cij] sye, wie geschriben
 stat Deutero. xxviii. ca. Vnd alle, so den paffen leyds
 thünd, lassen sich beducken, gott daran zü dienen. Ich
 merck, das gott würckt vnd sichtet wider vns, vnser aller
 herz ist vol forcht, vnd thut vns doch niemant. Vns ver-
 dreußt zü leben, vnnnd leben doch in wollust vnnnd reich-
 tumb, auch der aller ergisten bübischen gotts lesterer,
 schwerer, flucher, schandtuögel seind mer wider vns dann
 die goßfürchtigen, wiewol feyn goßsam mensch ein gefallen
 ab vnserem standt hat. Darzū machen vnser Bischoff alle
 sachen böser mitt irem bochen. wären sye schlecht, vnd
 lieffen die Lutherische sach sein, der sye ist, so hetten wir
 all frid. aber sye ruffen fürsten vnnnd Keyser an vmb
 hilff, damitt jnen vnd vns entholffen, würt aller welt
 haß vber vns erweckt, vnser laster gemerckt, gemeret vnnnd
 vßgeschryen. Ich wolt, weliche die Bischöff reygten wider
 die Luthertische sache, das sye all in dem Reim legen.
 Aber was hilfft es mich vnd euch, das ich lang vnd vil
 klag, das ist die gröste beschwerde, das niemant ist, der do
 dürffe vmb hilffe schreien, vnser klag sol vns treiben, mer
 vnd mer zü erkennen vnseren elenden gefarlichen stand, also
 das wir rath vnnnd hilff süchen wo wir mügen, das wir
 vnser sachen haß abschiden, das wir frölicher in vnserem
 gewissen werden, vnd nitt so schandtlich, verfürlich, schädlich
 vor den menschen leben. So wir aber wol erkennen, wie
 vbel es vmb vns stot, wo wöllen wir rath darumb süchen,
 die Luthertischen, Melanchtischen, Carlstadischen zc. geschrifften
 dorffen wir by grosser peen nit haben oder lesen. ob wir
 sye schon lesen, ist niemant, der vns vfflöse züfellige frage.
 So ist vns der Luther zü ferre, werden auch wenig by vns
 erfunden, die der Luthertischen, das ist der Euangelischen
 leer recht vnd gründlich bericht sind, treiben vil geschwaß

Der sybend trostloß Pfaff, herr Johann müller
von grossenkeß in Schwaben, Bubeffer Capitel.

¶ Ich hett ein freündt, der was ein münch, gott geb
im, das er frumm werd wo er ist, der gab mir oft güt
rath vnd sprach, volgstu mir nit, du wirst der erst sein,
den es gerewen wirt. Sein rath gieng mir vbel ein, aber
heß hab ich den schaden. Ich soll ein pfarrhelfer sein
mitt meiner verderbtuiß, ein pfarrherr helt mich vff seinen
nuß, ich soll seines geiz lockmeyß sein, vnd zwysfache also
mein sünd, so ich auch fremdbder sünd theilhafftig wüird.
Auch lißet man hezt so vil newer hrrthümb der pfaffen,
das ich nit weyß, wenn ich recht singe, bette, tauffe, leere,
gon oder ston, ich weiß auch nit, ob ich mit güt
gewissen müg ein helffer sein oder nit. Ich müß Mess
lesen täglich, vnd im summer so früg, das ich vbel mag
Metten betten vor der Mess, ja auch kein rechten schlaff
mag haben vor sorg, ich müß dahyn wischen zu dem altar
mit vngewüschten .xc. als ein faule magt zu dem melden.
Ich müß allem vnglück entgegen gon vor dem volda. Vnd
wenn ein vnwill erwechßt vnder den leuten, so legt mein
pfarrherr alle sach vff mich, vnd wil er glaß schön sein.
Ich soll all mißgbreuch handthaben, damit den pfarrechten
nit abgang, so doch vil pfarrecht vnrecht seind, was soll ich
vil klagen, ewer heglicher weyß, wie helffer standt so ein
grosse schinderey ist. Ich wolt, das ein frumm mensch
mir einen rath gebe in diser sachen, ich wolt gott ewigklich
für in bitten, dixi.

[c⁴]

Supplication.

¶ O ir frummen vberwelten Christen, gedenden an
die grossen gnad, euch von gott bewyhsen, vnd hlen vns ze-
helffen, die wir seind, waren yr, bitten gott auch für vns,
rathen vnns vnd helffen vns, mündtlichen oder schriftlich,
wir wöllen trewen rath treülich verschweigen, bey Teütscher
trew. Ist nun vnder eüch irgent ein ermanung in Christo,
ist irgent ein trost der liebe, ist irgent ein gemeynschafft
des geysts, ist irgent ein hertzliche liebe vnd barmhertzigkeit,
so erfüllen vnser freud, ja trösten vnser leyde, geben vns

geschrifflichen Christlichen bescheyd vber obgemelte beschwerde.
Schreibent büchlin do von, sampt oder sonders. Ob ir
eweren nammen nit darzü schreiben, ligt nit daran, an
schriffen der Biblia, so jr hnsüren werden, wollen wir
wol mercken, das euer rath gerecht sey oder nit, lassen euch
nit schwer sein für vns arbeit haben, aber sehet yngebend
der liebe Jesu Christi, welcher auch euch freündtlich ent-
pfangen hat, nichts vnderlassen zû ewerem heyl dienendt,
vnd er spricht, Exemplum enim dedi vobis, vt quemad-
modum ego feci vobis, ita et vos faciatis. Johannis
xiiij. ca.

3 C
M B

Der frummen pfaffen trost

1 Ein getrewer glaubhaffter vnderricht vnnnd antwort vff der syben trostloßen pfaffen klage, Newlich durch die Fünffkeßē Bundsgnossen beschriben, vff die hne verzeichnieten artickel.

Von pfaffen Ge.

Von pfaffen narung
vnd pfründen.

Von pfaffen ampt.

Von predigen.

Von 1) der pfaffen schmach
nit züachten.

Von vffzur wider pfaff-
heit nit zeförchten.

Von helffer standt.

I G

M W

Traw Gott wol.

1) sic!

[8]

Argument.

¶ Bewissen sey aller menigklich, das vns fünffzehen bundßgnossen ist fürkommen ettlicher frummer pfaffen klag, welche hilff vnd rath bedürffen vnd begeren, haben in güter meynung ire klage verfaßt in gschrifft, sye lassen trucken, den Titel geschriben der Syben frummen trostloßen pfaffen klag, vnd das an vns nitt erwinde, haben wir auch vnser trewe antwurt dargethon vff ire klage, in hoffnung, da durch sol manchem priester geraten werden. Wir bitten Gott, das er alle betrübtte hertzen trösten wöll, vnd begeren von allen leseren diß büchlin, sye wölln vnser gschrifft in gunst vnd danckbarkeit annemen, Als wir genehgt seind der pfaffheit müglichen dienst zübeweisen. Damit seyt gott befolhen, welchen jr wöllend für vns biten. Datum an statt vnser wonung, zü der zeyt, do frumm leüt selkham waren vnd vnwerdt. 2c.

[di^b]

Von der pfaffen keüßheit.

¶ Der keüßheit gebent wir dise antwort. Welicher wil der natur widerstandt thon, wirt auch von den heyden nârrisch geacht, so hye sagen, Nilhil feliciter agitur reluctantante Minerva. Vnd so wenig on spyß vnd tranck gelebt mag werden, als wenig einer sich vß mensch vyhe, vß mann frau mag machen, so wenig mag menschlich hilff, rath, anschlag hindern das werck der manigung, sâmung, oder geberung, darumb sol es niemant vnderston, er richt ein helden streit an wider den hymel, on nutz, on heyl, darinn er zûletzt wirt vnd müß erligen vnd zûspot werden. geschicht's nit vor dem menschen, so geschicht's doch vor ehgner gewissen vnd vor gott, es gebe denn gott sondere gnad vom hymel herab. vnd ob man dir alles vßschnitte, das du hast, noch hilfft es nitt darzû, natur bleibt natur, das menschlich herz mag niemant ändern dann sein schöpffer gott. Es soll auch kein mensch jm selbst leichtlich glauben, als hab er dise gnad der keüßheit, wann on grosse befindung göttlicher würckung, hymnlich anmûts, heyliger herzigung bleibt solche grosse gnad nit. Darumb Paulus .j. Timoth. v. das sechzigst jar gesezt hatt zû der prob diser gnad der zeyt halb.

¶ Darzû ist kein gröffer vnglück, dann ehgner gewissen täglichs nagen vnd vnru, welches dem menschen alle freud leydig macht, allen trost trawrig, alle süßigkeit bitter. vnd so man troglich oft handelt wider ehgen gewissen, wirt menschlich synn doll vnd kumpff, das herz wirt hart, natürlích erberkeit verhältet, also das der mensch auch vnburgerlich vnd vnmenschlich wirt, daruff fallt oft spiritus compunctionis, ein soliche blindheit, das er auch hasset ehgens heyl vnd alle, welche jm gûts gûnnen, vnd liebet sein ehgen vnglück. Psal. x. Vnd ob man gröfße dieses schadens nit achtet im leben, so wirt doch der mensch zur zeyt seines sterbens [di^j] so ângstlich vnd vnmûtig, das er auch hye vß seinem todtbett leidet hellische pein.

¶ Das angesehen bedundt vns gût sein, das ein pfaff neme ein frauen zû der ee, welche jm eben ist, also, das

er gott bitt vmb fürsehung vnd hilff, das gott jm wöll schicken ein person, ein eelichen gemahel, damit er versehen sey, vnd trawe gott, er werd in nit lassen. Gott wirt ein solichen pfaffen (welcher vß gewissen getriben wirt zü der ee) wol fürsehen, das jm zühanden kompt vnbedacht ein person, welche solicher Ee fro ist, als der pfaff selbs.

¶ Ist nit zeachten, ob sye iundfraw sye oder witwen, so sag dann der frawen das gottes wort vom eelichen standt der pfaffen, vß der epistel .j. Tim. iiij. vnd .iiij. ca. vnd Tit. j. ca. Also, ein pfaff mög mit gott ein eeweib haben, vnd wie du diser frawen begereest, aber sye soll die Ee heymlich halten, von wegen der zufallenden trübsal. Gott wirt dir ein weib zü schicken, das so gern schweigt als du, traw nur gott wol. darzü lize argument vnd anzeigung, auch antwort der lere, so zü vnser zeyte von der pfaffen ee geschriben stot, darinn würstu weiter bescheid finden, wie du solt vfflösen etlich inrede, so geschehen möcht des Bapst gesatz, der vngewonheit halb zc.

¶ So nu du gotts wort hast fürgehalten der frawen, vnd gott jr zü erkennen gibt göttliche warheit, auch jren synn neygt dich zenemen, so getraw gott, dein ee werd wol geraten, vnd gott sy mit dir, dem befilhe dich vnd deinen gmahel, vnd hoff, auch dein gmahel werde fürhyn auch gfellig sein vnd gütherzig, so sye sich in solche grosse sach ergibt mit bedachtem müt. hab kein sorg, got wirt euch wol erneren vnd eerlich, er ist reich vnd vermag mer dann wir bgeren. getraw auch got, er werde euch beschirmen wider alle feind, menschen vnd teufel.

¶ Du solt auch nit vffhören dein wyb zeleren gotts wort, vnd sye auch chrislich handeln in liebe vnd eeren, wie Paulus sagt [dij^b] Ephe. vj. vnd .j. Pet. iiij. Also das die fraw nit dein vnwillig werd, das sye dein ledig mäg sein vnd öffne dein heymliche Ee. Auch das ir nit in anderen dingen böse exempel geben den nechsten, als leyder die pfaffenhären vnd hürenpfaffen hezt thünd.

¶ Du sprichst, ob ich vnd mein weyb in vnserem gewissen züfrid sind bey vns selbs der ee halb, dannoch bleibt ergerniß vor anderen menschen, welche nit darumb wissen, also haben wir kein rü im hertzen vor Gott, auch

der ergerniß halb, vnd ob schon die sach an ir selbst güt vnd göttlich ist, doch ist die gestalt böß. vnd Paul. sagt, thut euch vor aller böser gestalt vnd ichn, wie Iaco. sagt .ij. ca., welcher in eim fundet, ist aller gebott schuldig.

Antwort.

¶ Christus erkennt die blödigkeit seiner glider, darumb nötiget er nit ein heglichen zu vnerforderter bekennung seins glaubens. darumb läßt er züflucht vnd verbergung in zeit der verfolgung. Aber so einer gefragt wirt, soll er den glauben bekennen, er würd denn spöttlich oder vngestaltlicher form ersücht, dann mag er wol schwygen oder abweichen mit reden vff andere ding. Als Christus sagt Mat. vii. ca. Das heyltumb soll man nitt den hunden fürwerffen, noch die berlin den sauwen. Auch antwort Christus nitt dem Pilato, so er fragt, was ist die warheit. Vnd dieweil nit ein Christ gefragt würt ernstlich, wirt er nit schuldig sein, seinen glauben züverfekten. doch soll er nit abschweren seinen glauben auch in schimpff.

¶ Vnd ob ein pfaff gefragt würd von seiner Ee, mag er wol in vil weg sich vfruden, on leugnung, on bekennung. So er aber würd ordentlich darvon angelangt, antwort er wie im der geist würt yngeben. Abraham bekant nit, das Sara sein eeweib were, das von forcht wegen, Gene. xvj. Also thet auch Isaac, Genesis .xxvj. capit.

¶ Ist auch nit so ein nötiger artickel des glaubens, bekennen [dij] dise sey sein eeweib, so thū als ein schwacher christ vnder den heyden, der seinen glauben heimlich helt, vnd auch christus flohe sein feind, wie die Euangelia zehgen, vns zetrost. Greiff mütlich zu der Ee, Christus wirt dich wol beschirmen, ob dann dir etwann vnglück entspringt von deiner rechten ee, laß dich nitt wunderen. Wie vil schaden kompt vß wein trincken, noch meidet man den wein nit. Item wievil werden erstochen von der huren wegen, ob du denn solch sachen leidest, bist ein marterer vor gott, Traw gott wol, so thut er dir wol, vnd nimm ein weib. was du erobern magst vff deiner pfünd, das brauch zu nuß deiner kind, magstu ein son

vff dein pfründ schaffen nach dir, thû es auch, so fere das du in wol vnderrichtest in christlichem wesen.

¶ Von der pfaffen narung.

¶ Das die pfaffen so vil müßig sind, mag niemant loben, es ist wider gottes gebott Gene. iij. auch wider freündtlich bywonung. Was soll es güts blüt machen, das ein pfaff voll ist vnd truncken, so andere kum brot haben. Vnd der pfaff züsycht faullich, so andere schaffen im schweyß vnd müde. Vnser rath ist, ein pfaff vbe sich in heyliger gschriff, ettwann lese er göttliche bücher, kan er nit latein, so lese er teutsch, ettwann bette er, mündtlich oder herzlich allein. Ich sag nit von syben tagzeiten, aber von christlichem gebett, wie dauon redet Paulus .j. Tim. ij. für alle stend der wellt. Ettwann brauch er sich andrer guten künsten, als Rechnen, Visieren, oder mit dem cirkel mit vñteylung des erdrichs, der stund tag vnd nacht. Auch bücher corrigieren, binden, illuminieren zc. Ist ein pfaff ein haußuatter, so hat er alweg zeschaffen (auch eusserlich) doch soll er sich christlich halten in seinen geschäftten, das er sich mer vbe in andacht, dann in gewinn vnd eygnem nuß. Es sol ein pfaff willig müßigkeit meiden vnd arbeitfam sein, so er ein eeman ist, vnd verhofft durch seinen vleiß auch weiß vnd kind vorstendig zesein. In sonderheit ist er schuldig [diiij^b] sich willig erzeihen seinen pfarrfinden in zeitlichem, als mitt hilff durch sich selbs vnd ander, mit rath, anweisung vnd gutem trost, das er sye weder geistlich oder leiblich verderben laß, da bedarff er nit müßig gon. Auch so vil williger soll einer sein anderen pfarrgenossen, so er ein pfrund vor anderen hat, als mancher ließ sich wol benügen mit solichem vorteyl. Aber hute sich ein pfaff vor geiz, wie in Paulus leret .j. Tim. iij. wann geiz ist so ergerlich als ebruch. vnd Paulus meer ab schreibt vom geiz der pfaffen, dann von ebruch vnd härerey. Der pfaffen geiz zeygt an die gröst gotlosigkeit in jnen. vnd Paulus nennet geiz ein abgötterey, darumb hüt sich ein pfaff vor pfenniggült, so vil es müglich ist, was er mag ablöken, thû er, vnd kauff

wisen vnd äcker, vnd lebe davon. Ob er nit eilends mag absein der pfennig gült, so thû er doch seinen vleiß, vnd bitt gott vmb hilff, got wirt jm helffen. Mag ein pfaff nit so groß arbeit thon, so laß er solchs jm selbs dienen zû demût, das er nit gleich kan anderen sein, welche gottes gebott von der arbeit wol vnd krefftiglich mögen nachkommen, also leret auch Augustinus in seiner Regel, vnd soll dir nit sein ein behilff deiner faulheit.

¶ Der pfunden halb ist es kuntlich, das ein pfarrherr wol mag haben sein pfarrgût, wann er auch pfarrdienst darumb leyhet, als Paulus leret Gal. vi. vnd .j. Cor. ix. Ob aber einer heyt ein pfarr hatt vnd nit tüglich zû pfarramt ist, wirt jm nachgelassen, das er ein statthalter setze vnd neme ein absent da von, mit sollichem bescheid, das er an sein statt stelle einen christlichen gelernten mann, vnd das er solich absent wol anlege, vnd das jm absent not sey.

¶ Aber welcher nit hat ein pfarr, soll sich vff gemelten bescheyd nit verlassen, welcher der blödigkeit zûgelassen wirt vnd nit soll für ein recht angenommen werden. Also nam Valerius Augustinum zû ein statthalter.

[D₄] ¶ Der Capellonia halb soltu mercken, Messier pfriündt oder capellonia sollen für stipendia oder spitel-pfriündt geacht werden. Also, ein pfarrherr ist not, das er ettliche alte frumm priester oder männer habe, mit deren rath er sein völd regiere, welche auch in versehen mügen in frandheit oder abwesen, als zeygt Paulus Tito. vnd Act. xx. ca. Darumb sollen sich die Caplon freündtlich vnd dienstlich gegen jren pfarrherren halten, so mügen sie deßer haß beston vor gott. vnd die nebenpfunden sind anfanglich gestiftt worden für solich mithelffer der pfarrherren. Es ist aber heyt darzû kommen, das die caplon ein pfarrherr nit ein nadel spitzen wöllen, vnd er muß vff eygen kosten ander helffer bestellen, caplon sind jundherren vnd des pfarrers tüfel.

¶ So dann ein priester nichts hat, oder ein student arm ist, vnd ist verlegen zû andrer arbeit, auch vß erkantniß eygner blödigkeit in demût vnd danckbarkeit nimpt er an so vil pfriündlin als jm not sind, vnd gedenc solich

güt wol vnd eerlich zegebrauchen zū nutz sein vnd seiner frauen vnd kinder, auch yederman hilfflich vnd dienstlich zū sein noch seinem vermügen, ob er etwan betrogen würt von anderen, gedend er, sein pfründ sey vnuerdient, ob jm ein schad geschicht, komme es am pfründgüt wider heym, vnd das er warten wöll, ob jn gott beruffen wöll zū pfarramt, wöll er mit gotts hilff willig vnd geflissen sein. darzwischen güt exempel vnd lere gebe, weliche das hören wöllen, Gott wirt jm wol leut schicken, die gottes wort hören, auch im hauß bsonder leeren. Wann kein besser predig ist, dann do man also sonder fründtlich leret. Wirt er dann nit berufft zū pfarramt, bleib er in seiner demüt. Der messen halb sag er anderen also. Ich liße nit mess, der meynung zeopfferen oder gott ein gab heym zeschicken, sonder darumb, das ich für mich Communiciere vnd für andre gott bitt, das wil ich thün, wenn mich gott vermanet.

¶ Ein pfaff, der ein frummer eeman ist, vnd laßt sich an seiner [d. b.] condition oder wesen benügen, wolt auch gern gott gefallen, ist wol in der wochen ein mal oder zwey geschicht mess zehalten, ja dry oder .iiij. mal, vnd ist auch der stiftung halb gnug, das einer soll all tag mess halten, ist auch by den weltweisen vnfüglich.

¶ Welcher an sünd mag heylig gschrift lesen, ist auch geschicht mess zehalten. Das wort gotts in der Biblia gezeiget, ist vber das Sacrament, denn die sacrament werden durch gottes wort Consecrirt.

¶ Der wort halb, so im Canon misse anzeihen ein opffer, thū als in einem büchlin von der Babilonischen gesandniß ein Doctor gelernt hat.

¶ So man presentz gibt, nym sye, welche du magst bescheyden deiner meynung, thū es, wo nit, do laß sye in jrem won faren, biß das sye gott bessers leret. Nym presentz als ein stück deiner pfrund, vnd glaube, wann die stifter vffstünden von dem tod, sye würden dein wesen bestetigen, vnd sagen, sye weren daß benüig an deinem wesen, dann an der vilmessigen pfaffen. vnd ob schon die stifter irren wölten in der meynung, so gebruch du doch ir meynung zū güttem.

¶ Wann zu zeiten vnser vorfaren, zu Augspurg weren Affre vnd iren gepilen gestiftt gewesen pfrunden, das sye der göttin Venus solten dienen im hürhuß, doch noch der erkantniß soliches yrthümbß durch christlichen glauben, hätten sye mögen die pfrund behalten, wo man sye erlassen hette des hüren lebens. Also auch hye, so ein pfaff mag sein meynung enderen in der messß, oder der messß gar erlassen werden, mag er wol die pfrund behalten zu seiner not, ob sye schon vff den yrsal der messß gestiftt sind, wiewol besser were, auch der pfrund ledig ston. Aber welcher ist der dem alweg das best volgen mag.

¶ Vnser rath ist, wo du magst ein messß vnderlassen, so thû es, du magst aber viler messß ab syn. wann du dann gescholten würdest als ein farlässiger, ligt nit dran. ist nützer in der gwis[sen] frey sein von gezwungner messß, dann vfferlich gelobt werden als ein flyssiger. Hastu zu deiner not me denn ein pfründ, setz ein euangelischen pfaffen daruff. ob klag zu dir kompt, wie er wenig messß lese, laß die klag für oren gon, aber geleb der hoffnung, die verbintniß zu den messen wirt altag minder.

¶ Mit besser füß haben die pfaffen pfrunden, welcher vorfaren oder freündt Zus patronatus haben. Vß diesem lerne, was man sagen sol zu den goßforchtigen Chorherren, edel oder vnedel. Ich will dadurch kein rath zu vberfluß oder mißgebrauch geben haben.

¶ Magst auch dein Chorherren ampt treiben als ein schinder sein handtwerck, so dir doch nit baß mag heßt geraten sein.

Quod es esse velis.

Vnd besich dich gott.

Von dem Tempel dienst.

¶ Wissen alle menschen, das kein werck an jm selbs Gott wol oder vbel gefelt, aber ein glauben oder züuerficht des hertzens zu gott durch Christum legt alle güt der werck, darumb mögen die werck nit vnderscheiden, mer aber der glaub. So du ein Caplon bist, darffest nit vil tempel werck thon, aber ein pfarrherr mag es thon zülieb den schwachglaubigen nechsten, als Paulus ließ Timotheum beschneiden. Act. xvj. capi.

vnd er reyniget sich selbs noch dem gesatz . Act. xxj. Also thū auch ein pfarrer, er predige den die christlich warheit, ein weil wilfare er den schwachen, darneben bett er für die seelen, reuche ob den greberen, sing Vesper, salue zc. Was denn nit ein offne vnträgtliche goglesterung ist. welche solich syen, wirt in der geist Christi in heyliger gschriffte leeren. Also haben vnser vorfaren vil weiß der heyden behalten, auch der juden, den schwachen irer zeit willzufaren ettwan lang, als sanct Peters kettenseher, die Liechtmeß, New jar, aller heyligen tag, ettliche tag nit fleisch essen, ettliche tag sehren, linden by den kirchen haben, fanen tragen. Ein pfarrherr soll nit [e, b] off ein mal wöllen alle ding würdlich abstellen, er sahe es an erstlich bescheydenlichen wortlich antasten, so fallen soliche ding on tumult dahyn, als die erfahrung gibt.

Lieben freündt, ein tumult, auch ein gähe, schafft nichts güts in einer gemeyn, was nit von nöten ist, soll man lenger lassen bleiben . vnd warlich die vnbescheydenen freygeister zehgen durch ire weiße, wie geistloß vnd schriftloß sye sind. Paulus was allen alle ding .j. Cor. ix. by den juden ein jud, by den heyden ein heyd. Aber von mißgebruch christlicher freyheit hat vnser einer nechst voran ein büchlin geschriben, darinn lese mer.

Kurz, bistu ein mensch Gottes, wirstu durch täglichen fleiß finden in der Biblia, wie du dich halten solt. bistu aber ein gottloß mensch, so hilfft vnser rath so wenig, das auch honig in dir giffet wirt, daran vns auch nit vil gelegen ist, als Paulus .ij. Cor. ij. Wir sind ein güter geruch christi allenthalb, den güten zum leben, den anderen zum tod. vnd Apoca. vlti. Welcher wüßt ist, werd noch wüster.

Die heyligen apostel mochten nit all pfarrgüt haben, als Johannes clagt in der dritten epistel vom Diotrefhes, by diser antwort laß ichs bleiben. ¶ Ob man das segfeir nit gar hynwürfft, ist nit so gsärlch, aber das ist gsärlch, so man will besthmmen sein pein vnd form der erlösung dauon, als vß grund der gschriffte, so doch die gschriffte dauon nit sagt.

Vom predigen.

¶ In predigen ist on alle vßrede not, das man klar lauter text der Biblia predige, darinn glaub in gott durch Christum, vnd liebe zü dem nechsten vmb Christum ge-
leert werd.

Ist auch wol zü mercken, was bescheydenheit im predigen zebrauchen sye, nit alle ding sind zermal heruß zeshütten, als Christus nit wolt, das in der ersten vßsendung seine apostel predigen solten, das er Christus wäre, wie Petrus, am Pfingstag sagt er nit bald, Jesus were gottes sün, von einer jundfraw[eij]en geboren. Er nennet in ein bewerten mann von gott zc., der zü einem richter were von gott gesagt zc. Act. ij. capi. Also thet auch Paulus zü Athenis, Act. xviij. ca.

Wiltu rechte ordnung in nützlichen heylsamen predigen wissen, so nimm die epistel Pauli ad Rom. für dich, vnd lere vom anfang an mit gutem verstand das volck, wirdestu kein leer vberleihen. Werdestu ein weiser prediger, du nāmeß für dich Epistolas Pauli vnd Acta apostolorum, vnd abnemeß darinn, wie sich Paulus gehalten het, vnd thetest auch also.

Wenn du in dir selbs rechten glauben hast, so wirt dich dein geist wol leeren, was du andere leeren solt .i. Johan. iij. Die salbung wirt eüch alle ding leeren, eüch ist nit not, das man eüch viel lere. Gott würt dir auch ein solich hertz geben, das sich nit fürchte vor forcht des teufels vnd der welt, darumb hyß vnerschrocken, gedenck das von trawen keiner stirbt, er sye dann vorhyn halbs tod. Der schyn, so trawen vnd murmeln der gottlosen anricht, ist größer dann der schade.

Wann sich ein pfarrer oder prediger wol vbet in den Epistlen Pauli ad Timo. vnd Titum, wirt er jm selbs vor vil vnglücks sein durch sein bescheydenheit vnd erbers leben. fällt dann vnglück vff in vmb bescheydne heylsamer warheit, so wirt gott auch hilff geben zü leiden, er ist trew, spricht Paulus, laßt keinen mer tragen, dann sein vermögen ist. Hastu aber den glauben nit im hertzen, so vnderlaß dein predigen, dann du wirfst dein hant verbrennen daran, es stand kurz oder lang.

Deinen glauben soltu beweren an den fruchten des geysts, Gal. v. ca. erzalt. Wo der glaub ist, würdt er solche werck in ein mer, in dem andern minder, in ein zu einer zeit mer, zur andern anderst.

Vnd lise oft den psalmen .xliij. Von solichem vnglaubigen glauben predige, vnd fürchte Gott vnd sein vrteyl. Paulus leret dich nit so vnzeitige vstiltung der cerimonien vnd anderer [eij^b] menschen gesatz. D volgte man der leer Pauli, man fiel nit also hynyn mit fleisch essen an vngewonen zeiten, mit verachtung der menschen gebott. Lise ab Rom. xiiij. vnd .xliij. vnd .j. Corinth viij. vnd .x.

¶ Ob einem die Questionierer vber den hals gschickt werden in sein kirchen, muß er solchen mütwillen leiden von den Bischöffen als ein ander vnglück. wo sye aber vngöttlich ding predigen, sol in ein pfarrer widersprechen auch öffentlich. Aber ein pfarrer mag wol so vil leeren sein volck in ein jar, das man teufels lere nit vil achtet, sonderlich was den gewyn betrifft.

¶ Bistu ein pfarrer, du sehest dazu kommen, wie du bist, ligt nit daran, hastu oder andere geirret darinn, so hat doch gott nit geirret, byß gern ein pfarrer, vnd halt dich noch den Epistelen Pauli zu Timo. vnd Tito. vnd predige die warheit, vnd die warheit wirt dich erlösen. Johan. viij. ca. Du sehest an, was du wöllest, so müstu darinn vnd darumb leiden, leidest so me vmb die warheit als vmb die wonheit, es wirt dir leicht vnd froham. Der gott, welcher dich berufft hat zu dem predigampt, wirt dich auch jm selbs also vßbereyten, das du wol wirst beston, damit far für, got geb dir glück.

Dem fünfften trostloßen pfaffen wirt also
geantwort.

¶ Ein alte klag ist, das man niemant trawen soll noch darff, Hiere. ix. ca. füret vns vff solichen mißtrawen, vnd spricht, Es sol auch ein leiplicher bruder dem anderen nit vertrawen. Man sagt, trawe keinem, so bescheyßt dich keiner. Item, woltrawen reyt das pfert hynweg. Vnd Amos .v. ca. In diser zeit wirt der weiß mann schweigen,

wann die zeit ist böß. Ob dann du armer pfaff niemant trawen darffst, ist kein wunder. vnd würdestu dadurch geuracht zu gott fliehen, hilff vnd rath bey jm suchen, er ist getrew vnd warhafftig, alle menschen aber seind lugner. Psal. cxv.

¶ Das du in der vnzüchtigen pfaffen zal bist, hastu gmeyn [eiiij] mit allen frummen christen. wann das böß schantlich leben der losen Christen ist so veracht by Juden vnd Heyden, das sich ettlicher frummer christ des schamen müß vor gott, vor jm selbs vnd vor allen menschen.

¶ Auch Gott beklagt sich, das sein namm, den wir tragen, vnder den heyden gelestert werd, von vnserß bösen lebens wegen, Ro. ij. Biß getröst in gott, Es sind auch noch vil frummer priester, auch frumme verstendige menschen, mögen wol erkennen, das kein ader on vnkraut ist, auch kein stand on vnleut. Den vnuerstendigen ist kein ding zegüt, kein antwort genügsam, deren auch nit vil zeachten ist. Bißß du erber vnd frum, der andern schand soll dir nit schaden, wil gott.

¶ Das du dich beklagest der bischoff vnbescheidenheit oder tyranny in dem Lutherischen handel, nimm dise antwort. Du bist noch kein Bischoff gsyn, darumb magst jnen nit glauben, sye sind hinder das bistumb kommen wie du hinder die pfaffheit, vnd weren sye nit bischoff, sye würdens vileicht auch niemer. Jez sind sye darinn vnd wissen nit hinder sich noch für sich, dürffen auch niemant trawen, haben vngsicht rathleut vnd hoffleut, Welche vil thünd im nammen des bischoffs, on wissen des bischoffs, vnd müß also alle lesterung vff dem bischoff ligen. David dorfft auch nit Joab straffen, er müß gröffer vnglück fürchten. ij. Reg. iij. also ist den bischoffen auch. Vil bischoff sind dem Euangelio gneigt im herzen, dürffen aber nit bekennen offentlich von forcht wegen, wie auch Johan. xij. ca. Darumb soll man sye mer beweynen dann verklagen vnd vstragen. Auch ist der schyn irer verfolgung gröffer dann der schad. Sye machen also ein spiegelscheyn, jnen wer leyb, das man jnen züsichte ein euangelischen prediger, als ein vbelthäter, jnen wer lieber, man ließ Euangelisch leer fürgon, weil ander leut schwigend, schwigen sye auch gern. Auch ge-

Deinen glauben soltu beweren an den fruchten des geists, Gal. v. ca. erzalt. Wo der glaub ist, würdt er solche werck in ein mer, in dem andern minder, in ein zu einer zeit mer, zu andern anderst.

Vnd lise oft den psalmen. xlij. Von solichem vnglaubigen glauben predige, vnd fürchte Gott vnd sein vrteyl. Paulus leret dich nit so vnzeitige vstiltung der cerimonien vnd anderer [eij^b] menschen gesag. D volgte man der leer Pauli, man fiel nit also hyn mit fleisch essen an vngewonen zeyten, mit verachtung der menschen gebott. Lise ad Rom. xiiij. vnd .xiiij. vnd .j. Corinth viij. vnd .x.

¶ Ob einem die Questionierer vber den hals gschickt werden in sein kirchen, muß er solchen müßwillen leiden von den Bischöffen als ein ander vnglück. wo sye aber vngöttlich ding predigen, sol in ein pfarrer widersprechen auch öffentlich. Aber ein pfarrer mag wol so vil leeren sein volck in ein jar, das man teufels lere nit vil achtet, sonderlich was den gewyn betrifft.

¶ Bistu ein pfarrer, du sehest dāu kommen, wie du bist, ligt nit daran, hastu oder andere geirret darinn, so hat doch gott nit geirret, byß gern ein pfarrer, vnd halt dich noch den Epistelen Pauli zu Timo. vnd Tito. vnd predige die warheit, vnd die warheit wirt dich erlösen. Johan. viij. ca. Du sehest an, was du wöllest, so müstu darinn vnd darumb leiden, leidest so me vmb die warheit als vmb die wonheit, es wirt dir leicht vnd frojam. Der gott, welcher dich berufft hat zu dem predigamt, wirt dich auch jm selbs also vßbereyten, das du wol wirst beston, damit far für, got geb dir glück.

Dem fünfften trostloßen pfaffen wirt also
geantwort.

¶ Ein alte klag ist, das man niemant trawen soll noch darff, Hiere. ix. ca. füret vns vff solichen mißtrawen, vnd spricht, Es sol auch ein leiplicher bruder dem anderen nit vertrauen. Man sagt, trawe keinem, so beschleißt dich keiner. Item, woltrawen reht das pfert hynweg. Vnd Amos .v. ca. In diser zeit wirt der weiß mann schweigen,

wann die zeit ist böß. Ob dann du armer pfaff niemant trawen darffst, ist kein wunder. vnd würdestu dadurch verursacht zu gott fliehen, hilff vnd rath bey jm suchen, er ist getrew vnd warhafftig, alle menschen aber seind lugner. Psal. cxv.

¶ Das du in der vnzüchtigen pfaffen zal bist, hastu gmeyn [eii] mit allen frummen christen. wann das böß schantlich leben der losen Christen ist so veracht by Juden vnd Heyden, das sich etlicher frummer christ des schamen müß vor gott, vor jm selbst vnd vor allen menschen.

¶ Auch Gott beklagt sich, das sein namn, den wir tragen, vnder den heyden gelestert werd, von vnser bösen lebens wegen, Ro. ij. Biß getröst in gott, Es sind auch noch vil frummer priester, auch frumme verstendige menschen, mögen wol erkennen, das kein acker on vntraut ist, auch kein standt on vnleut. Den vnuerstendigen ist kein ding zegüt, kein antwort genüßsam, deren auch nit vil zeachten ist. Biß du erber vnd frum, der andern schand soll dir nit schaden, wil gott.

¶ Das du dich beklagest der bischöff vnbescheidenheit oder tyranny in dem Lutherischen handel, nym die antwort. Du bist noch kein Bischoff gsyn, darumb magst ynen nit glauben, she sind hinder das bistumb kommen wie du hinder die pfaffheit, vnd weren she nit bischöff, she würdens vileicht auch niemer. Jez sind she darinn vnd wissen nit hinder sich noch für sich, dürffen auch niemant trawen, haben vngschielt rathleut vnd hoffleut, Welche vil thünd im nammen des bischoffs, on wissen des bischoffs, vnd müß also alle lesterung vff dem bischoff ligen. David dorfft auch nit Zoab straffen, er müst größer vnglück fürchten. ij. Reg. iij. also ist den bischöffen auch. Vil bischöff sind dem Euangelio gneygt im hertzen, dürffen aber nit bekennen offentlich von forcht wegen, wie auch Johan. xij. ca. Darumb soll man she mer beweynen dann verklagen vnd vßtragen. Auch ist der schyn irer verfolgung größer dann der schad. She machen also ein spiegelfechten, jnen wer leyh, das man jnen zuschiet ein euangelischen prediger, als ein vbelthäter, jnen wer lieber, man ließ Euangelisch leer fürgon, weil ander leut schwigend, schwigen she auch gern. Auch ge-

dulden sye Euangelische männer, als der würdig herr vnd
 bischoff zu Augspurg lydet zu augspurg [eij^b] den christ-
 lichen doctor herr Johann Epyler vnd edlen beyd brüder
 Melmannen, das sye leren vnd lesen heylsame geschrifft,
 auch in seiner statt Dillingen hat er zwen christlich prediger
 M. Caspar N. der statt prediger, vnd doctor Caspar Amon
 augustinen ordens, ein erwirdig mann. Der bischoff von
 Costanz hat auch ein christlichen prediger zu Costanz im
 hohen stift, auch ein Canonicum doctor Bözheym. Der
 bischoff zu Basel liebt den H. Glareanum, welcher doch
 Lutherisch lere schirmet. Auch der bischoff selbst flüssig
 liest Lutherische bücher on verdruß. Welcher im ein lutherisch
 büchlin zübringt, thut im sonder dienst. Der bischof von
 augspurg hat gesagt, im sey wie im wöll, so seind die
 lutheranischen minder strafflich in irem wandel, dann die
 anderen parthey, welcher vil sind schlechter, härter &c. Der
 bischoff von Merßburg hat fleißiglich empfangen ein ver-
 manung zu den teutschen bischoffen durch Johann Eberlin
 von Ginzburg geschriben, vnd ein sonderen botten gschickt
 gen Lypzig nach dem Eberlin, vnd begeret, er solt zu im
 kommen, er wolt gern selbst persönlich rath hören, wie doch
 in solichen sachen gehandelt sey. Andre bischöffe, die hie
 nit all erzelt mügen werden, lassen ir chorherren studieren
 zu Wittenberg. Der bischoff von Bamberg läßt in seiner
 stat fůrgang haben Euangelisch geschrifft vnd predig. Deren
 bischöffen sind noch vil mer, ob sye dann nit alweg der
 schnür nach thünd, sollen wir gedenden, wir seind brechlich
 menschen, vnd gott für sye bitten. auch welcher geschickt
 dazu ist, jnen vermanung vnd rath dar reichen, ist nützer
 dann vil nachred vnd murmel. auch sind wir nit werd,
 das wir güte bischöffe haben, vnd so sye güte sind, läßt sye
 gott nit völsüren jre güte fůrnemen, von wegen unserer sündt.

Dem sechsten pfaffen würt dise antwort.

¶ Lieber freunt, gehab dich wol, vnd hastu nit ge-
 achtet des Luthers bücher, so nym doch zwen Quatern,
 welche [e.] er geschriben hat wider solich vffrur wider
 pfaffen, darinn hastu trostliche antwort. Ein priester, der

sich still vnd freüntlich vnd erberlich haltet, wirt von allen verstantigen menschen geliebet vnd beschirmt. Ein mütwillig mann hatt nit Frid, ob auch der Keyser vber im hielte. er mag nitt zefrid sein, ob im niemant leyh thete, so schädiget er sich selbs. Lieber, laß dich solich geschrey vom vffrur allein bewegen gott flyssiger zedienen, vnd bitten ernstlicher, vnd dichs nit weiter erschrecken, gott soll all ding wol schicken, die bauren werden sich noch vil bedenden, ee dann sye ein vffrur vffrichten. Besilch dich gott, on welchen nichts geschicht, vnd blyb dabey.

Dem Sybenden pfaffen wirt also geantwurt.

¶ Helffer standt were heylsam, hette auch ein lob vnd insatz in der gschrift, wann man in ließ ein hilff sein zu vnderwyßung des volcks im glauben vnd liebe. Aber in solicher schinderey, wie es hewt ist, mag er nit mit got gehalten werden, er müß liegen vnd triegen, welcher eins eygensüchtigen pfarrhers helfer ist. Altag messleßen ist vngöttlich vnd vnuernünfftig.

Bistu eins solichen pfarrhers helfer, eyl zu gott vmb hilff, er wirt dich entweder zu eim güten pfarrherr schicken oder sonst vom standt erlösen. fleuch zu gott, wie Josaphat leret iiii. Regum .xx. So er frú soll messß lesen, schadt nit, ob er nit metten daruor bettet, wann er sonst durch den glauben vnd begird zum sacrament geschickt ist.

Beschluß.

¶ Erwirdig lieben herren, sye schicken wir euch zu vnser gütbedunden vff ewer klag, jr wöllen es von vns vffnehmen mit danckberkeit vnd in gunst. wo wir geirret haben, wöllen wir vns lassen weisen vnd eins besseren berichten. Wir begeren auch, ir wöllen vnser erste .xv. büchlin von mengerley vßgangen zu Basel im jar .M.D.xxj. mit vrteil lesen, dann nit alle ding artickel des glaubens, so darinn verfaßt sind. doch vertrauen wir euch, jr bedenden all vnser arbeit zu gütem, ob wir schon nit alle ding so eben treffen by eim bauren schüch. do mit sind got befolhen.

¶ Ein schone vnd cle
gliche history brüder Jacobs
probst Augustiner ordens
vor zeiten Prior zu Unt
dorff, an gemeine from
me Christenheit, von
beiden gesenck=
nissen, so er
von we
gen des
worts gottes,
vnd vmb des heyligen
Euangeliumß willen erlit=
ten hatt.



[Uij] Bruder Jacob probst Augustiner: vor jaren ein prediger zu Antdorff, wünscht dem Christenlichen volck vnd leser gnad vnd frid in Christo Ihesu vnserm herren.

Bis her hab ich mich geschämt zu bemühen mit meynen vnseligen historien der gotseligen oren, welche auch sunst in seligern dingen bemühet seind. So ich aber sehe, das sich die feind des Euangelions freuen, vnd on end trugen vff meinen arbeitseligen fall, vnd da durch täglich freueler werden wider die glory des Euangelij (welches hez widerumb auff stat in der welt) vnd fürwerffen meinen schantlichen widerruff, den in lateinischer vnd teitscher sprach heßlich außbrehten. Do würd ich selb gezwungen kuntlich zu machen die history meynrer vnseeligkeit, zu schirm der warheit, so ich gepredigt hab, vnd damit den fürschlag gottes feindt an den tag zu bringen. Ich will aber reden die warheit, vnd darzu gott zu zeugen nemen, welcher auch mein vnd aller menschen gewissen erkennet, das ich weder mit geschristen, noch mit vernünftigen vrsachen binn überwunden worden, aber allein auß forcht, das ich, auch die statt Antdorff (von meint wegen) verbrant würd.

¶ Vnd da will ichs ansehn. Als die büchlin des hochgelehrten, erfarnen vnd berümpften doctors der heyligen geschriffte M. Luthers (welicher ist ein verkünder der warheit, des worts gottes, vnd des heyligen [Uij^b] Euangeliumß) durch die welt hin getragen wurden, vnd außbrachten das schwert vnd das feur, welche zu senden auf erden Christus kommen ist, siengen an dawider zu sechten mit grossen grymmen die pfaffen, münich vnd schül-doctores von Louania. Aber ich prediget zu Antdorff nach allem meinem fleiß mit zhmmlicher bescheidenheit, vnd trib hindersich die vile der offenen lügen, so wider den Christelichen doctorem M. Luther dargeben wurden. Das volck aber was begirig zühören das wort gottes. Das ist der haß, das ist der brunn diser vffrur, wann da sye nit mochten widerstreben der warheit, auch traureten vmb ire geminderte glory,

vnderstünden sye auch keyserlichen gewalt an zū ruffen (wie wol vergebens) nach dem sye vil vnnütze hilff ersucht hatten.

¶ Zū der selbigen zeit came gen Antdorff ein rathman, genant Franciscus von der hüt, ein mensch, welcher deren gleichen sachen begirig vnd wirdig ist zū handeln, bracht mit im keyserliche brieff, dar mit er alle ding betrubte, vnd das Euangelion vmbkert. Aber gott verhindert sein vnsynnigkeit vnderwegen, wann sein pferdt warffe in ab, vnd zoge in ein ferren wege, Kurz, er müst wider gen Brügel keren, wie wol er solich gottes warnung nit achtet, er verharret in seinem gemüt, vnd vermüdet off ein ander zeit sein fürnemen vollenden.

¶ An sanct Niclaus abent came er (noch lame) gen Antdorff. Ich ward von im berüfft, vnd came zū im zū vil vileicht vermessen, als ob ich möcht den todt vnd kercker erleiden vmb Christus willen, da gabe er mir brieff, ich nam vnd laß sie. Vnd als ich mich bedacht vff ein antwort, da fürkame er mich, der güt man, we[Niij] licher fridlich redt mit seinem nächsten, aber böß gedacht er in seinem herzen, vnd sagt in eim trug. Du solt dich nit fürchten, noch etwas zweifelen, nichts böß stat dir vor, du bist berüfft dir zū güt, vnd wiltu, so würt dein herberg in meinem hauß sein, vnd soll dein brüderlichen gepflegen werden. Also sprach er allwegen. Ich wißt nit vmb solichs sein fürnemen, vnd glaubt einfaltiglichen dem arglistigen menschen, wie wol vil güter freünd mir das widerriethen, welche den menschen ganz wol erkanten, ich volgt jnen nit, wann der herr wolt mich zerknitschen.

¶ An sanct Niclaus tag predigt ich, vnd fügt zū ze wissen dem volck disen handel. Weinert es, vnd arbeit vmb mein erlösung, aber ich volgt mer den lügenhafftigen worten Francisci, dann dem treüwen rat der frommen. Also ward ich hingefürt gen Brügel, da hielten sye rat über mich, vnd zū lest legten sie mich gefangen. Wie wol ich darwider sagt, es were vnredlich, das man ein man gefangen legt, welcher williglichen her kommen were. Da sagt der treu, groß, warhafftig man Franciscus, das keyserlich gebott hielt also inn, das ich nit mein selbst, aber in

des keisers gewalt were. Bald sagt mir mein hertz nichts guts, vnd da erkennet ich mein arbeitsseligkeit, kleinmütigkeit vnd fleinglaubheit, als der psalm sagt. Die forcht des todes fiel vff mich, vnd finsterniß bedeckt mich.

¶ Aber mein güter freünd vnd brüder Franciscus nach seiner trew, die er oft geben hat, er wolt mich wider gen Antdorff stellen, tröstet mich also zu zeitten, vnd sprach. Man würt dich nit verbrennen, du woltest dann verharren vff dinem fürnemen. Diser eins treüwen freünds trost lag mir also hart im hynn (wann ich [Xlij^b] hzo schon vom starcken felsen Christo im hertzen gefallen was) das ich schlaffend vnd wachende nit anders gedacht dann feür, Das seind die geschrifften, das seind auch die argument, mit welchen ich überwunden hinn worden. Mit solichen argumenten disputieren meyne widersächer, sye vermeinen mit dem feür mich zu vndertrucken (ich hoff, jnen soll nicht gelingen) das sye mit vernunftigen anzeigungen vnd mit geschrifften nit vermögen.

¶ Zu der selben zeit erhüb sich ein geschrey in dem volck. Der kezer, welcher zu Antdorff das volck verkeret, ist har gebracht worden, das man in verbrenne. Solich geschrey erschreckt mich auch, dar zu das verziehen macht mich vast kleinmütig.

¶ Dar nach came ein Barfüßer brüder Glapion genant, des keisers beichtuatter, trüg .vj. artickel, darinnen ich (als er sagt) were vor dem keiser verklagt, deren kum einer mein was. Ob aber sye den keiser also betrogen haben, oder ob sye solichs vnwissen des keisers gehandelt, da lügen sye zu, gott würt es vrteylen. Das ist aber war, das dise grossen helden vnd vorsechter der kirchen mit lügen wider mich gewapnet seindt gefin. Es came mit jnen auch ein anderer doctor, ein Spanöiler, Ludouicus Coronell. Da disputierten wir ettliche stund lang von menschlichen sazungen. Ich sagt. Ein solichs angstlich erkiesen der speisen thüt nichts zu Christlichem wesen, wie wol ich nie gelernet hab, das man solichs erkiesen nit halten soll. Aber ich hab fürgesetzt die stück, welche fürderlichen betreffen vnser Christeliche gotz dienst, nämlich den glauben vnd die liebe, vnd ich beklagt, das durch menschlich

gesatz soliche hauptstück solten versaumt vnd verblichen [U.] werden, vnd das man Christelich volck von göttlichen zu menschlichen, vom joch Christi auff bischoffliche saktionen abzühlet. Wider dise mein rede stritten des keisers Con-
fessor vnd der Spaniol, die schirmten menschliche saktion, vnd vermeinten, ein grosse sünd were, solt man wider Bapstliche statuten thün. SHe fürten ein argument vom sluch Josue, aber damit beschlossen sHe nichts. Wann welicher weiß nit, das Josue nit gewalt hat gehabt zu gepieten etwas bey todt sünd, darvon got nichts gebotten hat, so doch auch Paulus nit darff reden deren ding, weliche Christus durch in nit wirdet.

¶ Ich aber was gefangen, vnd merckt, das [man] nit redlich mit mir handlet, wolt ich sHe neigen durch gütvilligkeit, widerfacht jr rede nit vil. Ich gedacht etlicher meiner güten freünd radt, das ich solle alles versuchen, damit ich auß jren henden ledig würde. Vnd het nymmer besorgt, diß mein nachlassen vnd fall solte so groß geschrey, nammen vnd ergerniß geben. Clapion überhüb sich meiner sanffte, vnd kam gen Gandaum, saget allen, ich were ungeleert, vnd er hett mich überwunden, ja denen sagt ers, die mich nit gehört hetten. Vnd das ist die heylig demüt der Barfüßer, wann zu mir saget er, die sach wer nit vast groß, vnd sHe solt bald ein güten außgang haben, vnd diser demütig verschmäher der erenn saget, Ich solt güts müts sein. also wolt er mich frölich machen mit falscher hoffnung.

¶ Ich kert wider in mein gefendniß, vnd verwundert mich vast, das so grosse vnd herrliche menner also tobtten vnnnd roseten über soliche vnachtsame sachen. Aber es ist kein wunder, ob man schon menschliche ding groß macht, so man doch verachtet die göttliche.

[U.¹] ¶ Darnach auß gemeinem rat vnderstünden sHe mich zu bemühen mit vil fragen, vff das sHe mich mit worten siengen, damit mich schmäheten, vnd dem keiser fürtrügen. Dar zu bereiten sy zwen Hispanischer doctores von pariß, Johannes Quintana vnd Ludouicus Coronela, von dem Clapion angewisen. Auch zwen doctores von Louanio, nemlich Lathomum vnd den Carmeliten Egmundum (seines rümpß halben, oder vnshynnigkeit über die hymel

befant). Die münich überheben sich des Glapion, durch welchen sy bey dem keiser haben was sy wollen. Die Bouanier erheben sich des Franzen von der hüt. Aber solicher patronen sollen sich freitwen die, welche durch die heylige geschriffte von der warheit getruet werden.

¶ Man versamelet sich in der Barfüßer Kloster, welche (wie wol sy alle lieffen) mehr fleysfig waren, vnd begerten demüthiglichen, das man mich nit ledig ließ. Solichen ernst kerten sy für, von wegen jres grossen ernsts, den sy hetten zu dem heyligen Euangelio.

Vnd da dise geschrifftegelerten vnd pharyseer also sassen in des Caiphas hauß, vnd mit irem Francisco suchten falsch gezeigniß wider mich, stünd ich aussen in mitten der diener, als wolt man mich gleich hegt zu dem tod verurtheilen. Dar nach als ich berüfft warde, gieng ich hinyn mit meinem ordens brüder, der procurator was unsers klostere zu Untdorff, aber sy triben in bald hinauß, das er der handlung diser sachen kein gezeig möcht sein, vnd wolten, das es so heimlich wer, das nit allein mein gesell nichts daruon wissen, sonder auch ich by dem bann dauon nichts sagen solt. Ob aber sy aus dem list wolten die sachen heimlich halten, das ich solt freyer außgießen meyn herz, als ob ich gewiß [B] were, es würd verschwiegen sein, oder auß forcht, das nyemand möcht zeigniß geben irer vnwissenheit vund tyranny, das weiß gott vnd jr ehgen herz. Wer wolt aber glauben, das sy solichs auß einfaltigem gemüt gethon hetten vnd auß liebe der warheit, so geschriben ist, Wölicher üfels thüt, hasset das licht.

¶ Sy fiengen an mehsterlich vnd gewaltigklich zu reden mit mir einigen vnd trostlosen, der ich auch mit zittern und mit bitten redet, vnd fragten mich ernstlich, was ich von den sacramenten hielt. Ich gab antwort mehr auß Augustino dann auß Luthero, vnd sagt. Die geschriffte zeygt allein dreß sacrament, die andern aber seind von der kirchen verordnet, vnd bald schriben sy dise antwort auff.

¶ Darnach fragten sy mich von dem ablaß, Ich gab antwort. Man soll kein hoffnung in den ablaß setzen, der schatz der kirchen sey auch nit also im gewalt des Papis, das er den vmb gelt willen (wölichs ein schnöb ding ist)

auftheilen soll, vnd abschlagen den geltlosen. Der glaub aber sy allein, das da mit ein hetlicher glaubiger mensch aller gütat Christi theilhaftig werd, auch on gelt. Dife antwort schriben sye auch vff. Also für vnd für von andern fragen. Sye hetten vor jnen der dreyen schülen Parßß, Louoni vnd Cöln meysterliche beschluß, nach wölichen sye mit mir handleten, sagten, was darwider, wer kegerey. Vnd wann ich etwas sagt wider jre schülen, so lachten sye vnder einander, vnd vnderlieffen nichts, das da dienen mocht zü meiner schand vnd zü vndertrudung Euangelischer warheit, wie wol ich das da zermal nit also achtet, wann ich glaubt, man müßt einfaltigklichen handeln, so man die warheit süchen wolt.

[Bj^b] ¶ Wann ich etwa kein antwort vff jre frag gab, oder so ich sagt, ich verstand diß oder jhens nit, so sahen sye mich krum an mit grausamen augen, strafften mich meisterlich vnd brüderlich, vnd sagten. Wiltu nit lernen, wiltu dich nit lassen weisen? Vnd das ist diser redlichen gottseligen kirchen schirmer klügheit, das sye jren vffsatz vnd arge list nennen ein leer vnd vnderweisung.

¶ Auch der Egmundensis zürnet über mich, wann ich ein lateinisch wort (im vnbeant) für ein anders dem gleich in der bedeutung setzet, so sagt der Lathomus zü jm. Wirdiger herr meister, diß wort hat ein solichen verstand. Antwort Egmundensis. Warumb redt er nit latein, wie wir es gelernet haben. Mit disen vnd deren gleichen spottworten verachten sye mich, diße großmächtige meister, vffgeblosen vnd sicher durch keiserlichen gewalt vnd maiestat.

¶ Die Barfüßer münich thäten auch jrem stant darinn genüg. Vnder anderem, da ein kauffman von Antdorff mir brieff züschickt. Der bot aber fragt mir nach einfaltigklich im Barfüßer closter. Nam der portner, mit nammen Angelus, die brieff, verhieß dem botten, er wolt sye mir geben, das er dann nicht thet. Aber mit freuden überantwort er sie seinem Gardion, so doch der Gardion so ein vnuerchampter feindt ist des Euangelij, Das er auch vff offner Tangel schrey, wann er den Luther mit seiner eygen handt erstochen hett, so wolte er nit dester minder meßlesen, ja auch gott daran ein dienst thün.

¶ Dieser heylig Gardion schickt sein Angelon mit den Brieffen zu Franzen von der hüt, vnd verboten [Bij] meinen hüttern bey dem bann, das sye nicht mit dem botten reden, dann er forcht, ich erfüre den betrugk. Der Angelon berufft Franciscum her auß, vnd gab ihm die brieff mit solchen freuden, als hette er gewisse sachen meines todes verkündt, vnd als möcht er sagen. Er hat den todt verschuldt.

¶ Franciscus kam zu mir ganz vff geschwollen von keiserlichem gewalt, vnd sagt zu mir. Brüder, so du des keisers gefangner bist, zympt dir nit brieff zu schreiben oder empfangen, darumb so liß dise brieff (dir geschriben) öffentlich vor vnß allen. Ich forcht mich, vnd mocht mich doch nit erwerben, schampt mich, vnd müßt lesen vor diesem würdigen Radt die brieff mir zugesendt. So bald rissen sye mir die brieff auß der hant, die zu behalten zu einer zeigniß vnd pfandt, dar mit sye auch meine güte freündt irreten nach meinem tode, als sye auch gethon haben, do sye begerten jr heyl, das ist jr hab vnd güt. Deren stück seind vil fürgegangen, deren ich vmb kürze willen geschweig, vnd hat mich daran gnüg gedunckt zu zehgen, wie dise lugener mit mir gehandelt haben.

¶ Darnach hielten sye mir für die matery von den vasten vnnnd erkiesung der speß, fragten. Was geschriff ist daruff fürbringen möcht. Ich allegiert vnd bracht herfür Paulum ad Roma. xiiij. cap. als er sagt. Der starck der eß was er wöll, aber der krank mensch der soll kraut essen. Sye sagten, bey dem kranken an diesem ort solt man verston ein leyphlichen kranken, der soll kraut essen, das er nit seynen leyb beschwere mit den speßen. Auch so sol man das mercken vnd verston [Bij^b] von den judischen speßen. Also verspotten vnd versputwen sye Christum, das ist sein öffentlich wort, in Caiphas hauß, nämlich dise spruch. Nemant soll eüch vrteilen in speß vnd trank. Item das reich gottes stat nit in essen vnd trincken. Item was vnder den fleisch bänden verkaufft würt, das essent. Dise vnd deren glychen geschrifften wolten sye allein von den judischen speßen verstanden werden, daran ich aber kein benügen hett. Auch weiß ich nit, was sye

antworten vff dise sprüch. Was ich dir gebeüt, das thû leg nit dar zû noch dauon. Item sye eren mich vnsunst, lerend menschen leren vnd gebott.

¶ Da ich aber sahe, das kein geschriff mich bey jnen helfen mocht, aber allein mit gewalt mit mir gehandelt ward, sagt ich. Mich benügt an jrer antwort, got aber ist mein gezeüg (der alle ding weiß) das ich im hertzen ni verwilligt jren reden, allein mit worten ergabe ich mich. Aber sye wurden ernstlich fro, da ich sagt, jr antwort were mir gnügsam.

¶ Nach ettlichen tagen wolten sye, ich solt vnder schreiben ettlich artickel, wöliche sye (on mein wissen) vff geschriben hatten nach jrem gefallen. Vnd ich vnderscrib einfaltiglich, hett auch nymmer vermeint, das man dise artickel solt auß schreyen, so man doch vorhin het bey dem bann verbotten, vnser samlung zû öffnen.

¶ Bald schickten sye zwen (als man sagt) zû dem keiser, zû verkünden jren sigt von mir, vnd zû zeygen die artickel, weliche sye auß meinem mund gerissen hatten, darüßer einer antwort warten seyn. Vnd ich besorgt wol, das mir vorstünd, darum begeret ich selb zû dem keiser zûgon. Sye sagten, der keiser künde weder latein noch teütsch reden oder verston, darumb were [Bii] mein begeren vmb sunst. Aber sye sagten es darumb, sye forchten, die ander parthy würde dem keiser auch offenbar. Da zwischen mereten sye mir die hüt, vnd verbotten bey groffer pen, das nyemants mit mir reden, nyemants zû mir schreiben solt, vnd das ich auch zû nyemant scribe. Mir was die sach argwönig, vnd meine richter waren auch zeügen vnd verhörer, da begeret ich andre richter, auch begeret ich über alle meyne predig frey zû disputieren zû Louonia vor der ganzen hohen schül, aber das alles warde mir abgeschlagen. Ich sagte, mit sollicher weiß schafft man nichts, dann das man die warheit vndertruchte. Franciscus aber (dem dise ding wolgefielen) antwort, sprechende. Kein ander weg ist füglich die warheit zû finden.

¶ Nach wynachten kamen sie mit sigt, vnd mit keiserlichem befelhe, begerend heimlich, ich solt widerriffen.

Ich begeret gewiffen, was ich widerruffen solt. Sie antworteten, fprechende. Alles das du gefchriben haft. Da ward vil hin vnd her geredt, vnd ich widerfacht fo vil ich mocht, ich fchafft aber nichts, dann fye fagten, Mit ein fezer fol man nit difputieren, vnd ich hett Antdorff verfür, vnd gelobt den Luther, welcher von der kirchen verdampt wer. Die form der widerruffung machten fye nach irem willen vnd nach irem gunft gegen gefchrifft vnd gegen dem Luther, also das ich gar erfchrack, als ich höret die form verlesen, wann fye wolten michs nit laffen felbs lesen, noch bey mir laffen ein exemplar daruon, handleten mit mir allein mit arglift vnd gewalt, dar zü fye mißbrauchten keiferlichen gewalt zü spot der warheit vnd zu vndertrudung Chriftelicher freyheit.

¶ Vnd ich demütigt mich vor jnen, kniet nider vnd [Bijj^b] hatt fye mit träheren vnd mit gewunden henden, das fye fich mein erbarmeten, ich wer in gottes vnnnd des keisers gewalt, fye solten mit mir handeln wie fye wolten, aber ich möcht diße widerruffung nit thün, fo fye ift wider mein gewiffen, wider got vnd wider die Chrifteliche warheit. Von fund an trachten fye, wie fye mich in einen finstern kercker legten, aber der Canzler handelt milter mit mir (als er dann ein fenfftmutig man ift, wie wol er zü vil anhangt menfchlichen fagungen) er erbotte fich mich zü halten in feinem hauß, da solten vier mein hüten.

¶ Item am tag vor fant Paulus beferung bereitet man zü ein kercker für mich vnd für meine gefellen vnd den procurator, damit fye vns betrügen vnd überlifteten mit fchrecken vnd trauwen, fo wir hezunt darzü kleinmütig waren.

¶ Zü mittag solt ich effen, da waren die träher mein brot. Nach dem gratias trib der Canzler von jm feyne diener, vnd fieng an mit mir zü handeln von der reuocation, vnnnd fagt, mir wer nichts vor dann der todt. Ich fagt, mein gewiffen möcht nit erleiden diße reuocation, auch weren die artidel zü vil vngestalt, ich möcht nit thün wider mein gewiffen, auch fo hett ich ettlich artidel nie in meinen hynn genommen, vnd jr keinen nie gepredigt, wie da verfaßt were.

¶ Der kanzler sagt. Widerruffestu nit, so gibstu dich vnd die statt Antdorff (welche du versürt hast) in ein grosses vnglück. Da ich das höret, erschrad ich, vnd begert man solt mich in ein ewigen kerker legen. Ja ich begert mit demüt, man solt mich mit dem schwert richten. Sy sagten aber, mein bitt were vmb sunst, [B₁] wann der beschluß vnd meyn trost von jnen was, Ich müßt wider ruffen oder verbrinnen.

Also gieng ich widerumb hin mit leyb in mein gefenckniß auß jrem gebot.

¶ Darnach kamen die geistlichen (also nent man sye) zůsamen, das sye mich solten degradieren oder entweyhen, vnd also mich dem weltlichen schwert überantworten zebrennen. Da dißes ettliche meiner freünd horten, hetten sye ein grosses mitteleiden mit mir, vnnnd giengen in meiner feinde radt, vnd begerten da mit mir zů reden. Die radtßleüt stelleten sich, als ob sye es nit gern höreten, vnd sagten, man wolt nyemants mit mir reden lassen, er wolte dann mir raten zů der reuocation zů thůn. Da sye zů mir kamen, siengen sye an mit weinen vnd grossen seüffßen zů disputieren mit mir, vnnnd sagten, Ich solt nit zů vil wüzig sein, wann diße heylige menner (von dem keiser gesendet) weren verwalter der ganzen Christenlichen kirchen, vnd begerten mein heil, weren in heyliger geschriffte vff erzogen, vnd gelerter dann ich, vnd weren so gotßfürchtig, das sye mich vmb die ganz welt nit triben zů ein widder ruff, wann sye nit wüßend, das ich irret. Also ward ich angefochten von meinen freünden. Dar bey ließ es der Sathan nit bleiben, das er mich inwendig ansacht mit Kleinmütigkeit des glaubens, vnd außwendig mit schrecken vnd lederen, vnd wie ich allein wer on alle hilff. Item er strecket seine handt auß, vnnnd traff auch die heimlichen ort meiner gewissene vnd conscienz mit disen nydigen, hinderlistigen vnd gefarlichen scrupelen, vnnnd sagt also. Wie wann ettliche menschen dein predig nit [B₁^b] recht verstanden haben, oder du nit fürsichtiglich gepredigt hast, also das ettlich irr dar durch seind worden vnd Christeliche freyheit mißgebraucht haben. Also forcht ich mich, da kein forcht was, so mir doch nit wissen was, das ich

He vnrecht gepredigt hett. Das weiß ich, minder hab ich gesagt, dann die Euangelische warheit erfordert. Auch fiel auff mich die grausamlich anfechtung, ob ich von got auß-erwelt wer zü der seligkeit, vnd in mir nit also ein grosse fterde was, das ich den todt, sünd vnd helle überwinden mocht, da fiel ich, vnd lag vnden. Item ich hett kein radt noch hilff vff zeston, darumb ergab ich mich jrem rat, vnd sagt. Ich wolt mich lassen weisen, vnd tröst mich selbst, es würde nit kommen meinen feynden zü einem solichen triumph. Meine freünd waren fro, vnd dankten gott, das ich (verlornes schäfflin) wider funden was. Der Cantzler vnd andere kamen, vnd wolten hören, was ich thon wolt? Da sagt ich, ich wolt widderrieffen alles, da durch Antdorff oder andere von mir verfürt weren, als sye sagten.

¶ Da sye merckend, das ich von meinem ersten fürnemen abgefallen was, da wurden sye erst küne wider mich, vnd wolten, ich solte es ganz widerrüffen, wolten mein klag nit hören, da ich begert, sye solten mich nit zwingen das zü widerrüffen, das ich nie gehalten, noch gelert hat, Wann ich heimlich vor jnen vil außgegossen hatt auß verzweiflung, das mir nye im herzen gesein was. Sie sagten, ich müßt es alles widerrüffen oder sterben. Vnd als ich weder mit bitten noch sunst mocht entpflieden, vnd was vor halb gefallen, do verzweiflet ich gar, vnd ergab mich mit munde, vnd (als got weiß) nit mit herzen, die reuocation zü thun nach [C] jrem willen. Da freüwet sich heberman, das ich verlornes schaff were wider funden. Sie dankten dem heyligen Paulo, des bekerung tag was, das ich widerrüffen wolt, aber ich beweinet heimlich mein vnglück.

¶ Bald kamen züsamen ettliche amptleüt mit dem Bischoff, der vorhin mein freünd was, aber hez ist er ernstlich dran die warheit zü vndertrucken, da müßt ich heimlich widerrüffen, vnd protestier aber, ich wolte das thun mer vff ire gewissen, dann vff mein gewissen. Sye achteten meiner protestation nichts, allein das ich wider-rüffte. Diß geschrey kam bald gen Antdorff, aber die Antdorffer achteten diß nit, sye wußten wol, das man mir gewalt thet. Meyne feind funden ein andern rat, vnd

machten die articel zu teütsch, setzten ein böse erklärund dar zu, vnd namen mich zu einem werckzeig irer bößheit. An einem samstag spat berüfft mich der Canzler, ich wiß aber nit warumb. Ich fragt, warumb man mich berüffhet? SHe schwigen all still, der Canzler wendet etwa anders für, auch der bischoff dagegen wolt mir nichts sagen. Als aber ander leüt schlaffen giengen, sagten sHe mir. Der keiser hette gebotten, ich solt morn predigen vnd die reuocation verlesen, so solt man mich ledig lassen. Da ich das hort, ergab ich mich, wann ich wißt sunst kein hilff mer.

¶ An dem andern tag, da alles volck in der kirchen mein wartet, schriben sHe ein erklerung zu der reuocation, wie dann sHe gut bedacht zu vndertrucking der göttlichen warheit. Ein grosse versamlung des volcks kam zu der predig, wann man hat jnen bey einer summe gelt dar zu gebotten. Da stünd ich zu spott allen menschen, vnd ein grosser hauffen der münich stünde vmb mich. Ich fieng an also zu predigen. O herr got, [Ci^b] du hast dein angezicht von mir abgewendt, vnd ich hinn betrübt worden. Damit zehgt ich (der ich vorhin gesagt hat in meiner mütigkeit, ich will nymmer mer abfallen) auß trauren vnd peinen heß die warheit widerruffen würde, wann gott hatt mich allein gelassen, vnd enkohe mir das licht seiner gegenwertigkeit, das mir doch not was zu bekantniß der warheit.

¶ Mein feind forchten, dise predige bewegte das volck, darumb fielen sie mir in die rede, vnd gaben mir in die handt die reuocation, als ein kind, die laß ich gezwungen, mit dem herzen widersprach ich, aber mit dem mund log ich mir selbs. Item es ward ein gebolder in dem volck, also das wenig menschen hörten, was ich saget. Da waren auch die fürnemsten feindt des Euangelij (die bettel münich) welche mit freuden in einer proceß har kamen. Damit hab ich erfreuwet alle papisten, aber in den frommen Christen hab ich den geist betrübet. Das vergebe mir Christus vnser gnediger herr, vnd verlehhe mir, das ich es mit stäter bekantniß ersehe, Amen.

¶ Dar nach hielten sHe acht tag lang radt über mich,

vnd schickten mich bald gen Ipris, vnd darmit mein reuo-
cation lateinisch vnd teütsch geschriben. Da also die got-
losen ob mir hielten, schwig ich ganz still ein weil. Doch
fienge ich dar nach widerumb an zü predigen das wort
gotts dem Christelichen volck, welches so ganz dürstig vnd
begirig was zehören. Vnd ich thät ganz kein meldung
menschlicher statuten, noch von des Pappsts gewalt, das
sagt ich aber, Christus sey vnser rechter bischoff, zü jm
sollen wir gon mit ganzer züuersicht, wann er weiß ein
mitleiden zü haben mit vns, so auch er vil erlitten hab.

¶ Bald fiengen die bettel münich an zetoben, schry-
[Cij]en, mich zü verleümbden, vnd sageten allen menschen
meinen fall, aber das volck acht nit vil der münich nach-
red, wann es hezundt liebet die Euangelische warheit vnd
hat ein grauvel ab dem kat menschlicher thandt.

¶ Der Gardion des Barfüßer Closters zü Ipris,
ein vast ungelert man, laufft züm Probst der stadt, vnd
begert ein Interdict wider mich, vnd sagt. Meine predig
weren verdachtlich, die weil ich ein mal widerrißet hette,
Auch das ich nit hatt geprediget, man sy schuldig zü
vasten bey todtünden, nit von speiß erkiesen, nit das man
soll den sterbenden oder todten grav kappen anziehen, auch
nit das reyhliche almüßen den bettel münichen, wann solich
vngeschiedt teding predigen die münich.

¶ Der probst acht jr klag nit, vnd sagt. So lang
er nit predigt wider das Euangelion oder die heilig
gschriff, so wil ich jm das predigen nit verbieten.

¶ Dar nach schickten sye zü jrem güten freündt,
Franken von der hüt, welcher ein eben man ist für die
giftigen lügenhafftigen brüderer, welcher auch ernstlich be-
gert mein heil, das ist, mein todt für das Euangelion.
Ich predigt auch in eim stettlin nit ferr von eim prediger
Closter gelegen. So bald sye gots wort horten, forchten
sye, jr nutz gieng in ab, fiengen wider mich an vnshnig-
lich zü schreyen, vnd ließen nicht ab, biß mein Franciscus
so vil handlet, das man mich wider fieng vmb des Euan-
gelions willen, vnd gen Brugis schickt, mich alda (als sye
hofften) zü verbrennen. Da selbst kam ich züm Clapion,
er wüsch seine hend, vnd sagt, er wißt nit, warumb ich

zum andern mal gefangen wer. Franciscus ließ sich nit berügen, daß er gott gelästert vnd in Brabant die frommen gepeinigt hat, [Cij^b] er nam auch befehle, daß er in Flandern also thet.

¶ Er kam in das Barfüßercloster mit stolzhheit, trauw worten, brieffen, damit erbrach er sich gegen mir, vnd sagt, ich were auff ein neüwes verclagt vor dem keiser, als einer der widerumb in abgeschworne irrung gefallen sey. Ich begert, man solt mir zeügen dar stellen. Er sagt, man möcht mich diß beweisen mit meinen eygen brieffen, aber sye mochten die brieff nit dar thün, wie sye gern wolten, da mit sye strafften vnd schätzen möchtend die, zu welchen ich die brieff geschriben het, wann sye reich waren. Ich ward verhütet in dem Barfüßer Closter, da selbst ward ich so freüntlich gehalten, als sye pflegen zu thün, so lang biß der keiser in Hispaniam schiffet. Darnach furt man mich widerumb gen brüzel, die ein fleisch bandt ist der Christen. In Franciscus hauß speyßt man mich, vnnnd verhütet mich gar fleißigklich, wann er gebott allem seinem haußgehyndt, das sy alle thüren wol verhüten solten. Ich will hie geschweygen, wie vntreüwlich mein franciscus mit mir gehandelt hatt, vnd durch listige wort mir wöllen etwas außlocken, darinn er mich möchte fahen, er weiß wol waß ich vermeine, vnd was er mit mir gehandelt hat in seinem hoff, da er redet von meinem mitbrüder, dem procurator.

¶ Da kamen har vnser meister von Louanio Lathomus vnd der vnshunnig Egmundus, vnd siengen an hart mit mir zu handeln nach dem nachteffen. Der Egmundensis Carmelita, das ist von dem orden vnser frauen brüder, jaget. Ich were werdt, das man mich verbrennen solt, darumb das ich gesagt hett, mir wer gewalt geschehen, vnd sagt meisterlich, auch brüderlich. Soliche müßt man allein mit feür bekeren.

[Ciii] ¶ Ich antwurt. Warumb verziehen jr dan so lang? den leib mdgt jr mir nemen vnd tödten, aber die sel nit. Ich binn berecht zu leiden, was jr mir übelß zufügent. Franciscus thet, als ob er sich mein erbarmet, vnnnd sagt. Herr meister, jr sprechen in zu hert an. Er antwurt. Man muß also thün, solich wunden wöllen nit

Kindlich gehandelt vnd gesundt werden, wann er sich recht gebeßert hette, so liebt er mich darumb, wann offne straff ist besser dann heimliche liebe. Er ist aber noch ein kezer vnd nit gar bekert. Die von Antdorff verhoffen, er soll bald wider zu jnen kommen, da würt nit auß. Er stat den kezern bey, vnd seinem Erasmo von Rotterdam, welcher auch ist ein kezer, ein erz kezer, vnd ein Lutheranischer, vnd wer er da gegenwertig, ich sagt es jm auch. Ist das nit ein kezerhey, das er verdolmetschet hat . j. Corinth. xv. cap. wir werden nit all sterben. We we disen leüten, ein soliche kezerhey mag man nit anderst dann mit feür außtilden. Ich jaget. Der Stapulensis halt den text auch also vnd alle, welche Griechisch verstond, die sagen das. Antwort der Carmelita grymmiglich. Darumb bistu in manicherley irsall gefallen, so du verlassest vnser schül lerer, vnd volgest neüwen leren. Soliche tandtmer müßte ich von jnen hören.

¶ Am andern tag, das ist, am affter montag vor der vffart Christi, berüfften mich die drey obgemelten in jren radt, zeygeten vil bullen, vnd übergaben mich dreyen schergen, die fürten mich als einen offenen mörder mitten durch die statt, namen mir alles das ich hat, auch meine brot messer, vnd legten mich also in einen harten kerker, hatten mich also [nit] überwunden, sonder allein nach jrem müßwillen vnd tyranny handleten sye mit mir.

[Ciiij^b] ¶ Ich dandt gott, vnd wartet des todes mit großem schrecken, aber noch von meiner sünden wegen. Ich was aber von gottes gnaden nicht sorgsam, wie ich entpflicthen möcht, hett ich selber gewölt, ich were die dritte nacht ledig worden.

¶ Aber darnach ward mir geraten von etlichen freünden des Euangeliums, ich solt fliehen. Vermeinten, ob ich stürb vmb des Euangelions willen yeßt in meiner ander gesendniß, so were es dem Euangelion nit so erlich, als so ich gestorben were in der ersten beständiglich.

¶ Die weil aber die Commissarien in Hollandt peinigten die frommen Christen, halff mir gott auß der gesendniß durch ein ordens brüder, vnd das on alle geferslichkeit. Also binn ich jren henden entrunnen in gottes

got allein. Als er sagt zu Samuel. Sye haben nit dich, aber mich verworffen, vff das ich nit regiere über sye.

¶ Darumb handelt also der eyferer des herren der herren, das er festige seyn gesponsen, vnd sye lere, kein hoffnung zu setzen auff die fürweiser, sye seyen gut oder böß, das sye sich nit verlassen auff ire guten exempel, noch auch abfallen von jres bösen exempls wegen, aber allein sich des herren rümen, vnd von den dieneren nit warten sein, dann das wort des herren, wann sye mage allein sicher leben im wort des herren, vnd in keines menschen werck, als sye auch stirbt allein vom mangel des worts, vnd nit von einigs menschen sünd wegen. Wie wol yetlicher muß pein leiden vmb seines exempls willen, vnd sich doch keiner mit dem andern entschuldigen mag vor dem gerechten richter, der da einen jeglichen belonen würt, nit nach frembden, aber nach eygnen werden.

¶ Dise frucht meyner ergerniß wünsch ich euch, aller liebsten, mit allen krefften, das jr eüwere ouen von mir abterend, ich stand oder fall, vnd allein dem wort, so jr von mir gehört haben, vestigklich anhangend, vnd das so vil meer, wie vil mer der Sathan bey euch wüet durch die falschen lerer, vnd die welt fresser, die bettel münich. Mein kleglicher fall vnd gottlose reuocation seindt mein, aber die leer, welche jr gehört haben von mir, ist nit mein. Vnd wie wol ich gesündet habe [Dj^b] in dem faß, so werden doch mit mir nicht entschuldiget sein, die mit mir gefallen seind, als auch sye nit gekrönet werden, welche mit mir gestandten seindt, wann deren keiner ist gestanden auff dem felsen Christo, aber vff mir, der ich sandt binn. Die werden aber selig, welche da zermal vnd hegunt bestanden seindt vff dem felsen, vnd wer weiß, ob ich darumb hab müssen fallen, das auch die fiesen, so vff mir gestanden seindt. Got ist erschrockelich in seinen vrteilen über die menschen kinder. Deßhalben, jr lieben vnd gewünsten in dem herren, wir sollen vns gegen einander demüthigen vnd vergeben, vnd für einander bitten, einer dem andern sein bürden helfen tragen. Diser fall soll vns weiß machen vnd leeren, fürhin kein acht mer haben vff die personen, aber allein dem reinen gottes wort anhangen vnd ver-

der künig, fürsten, priester vnd propheten geirrt vnd gesündet haben, vnd etwa gefallen. Moses vnd sein brüder Aaron haben gesündet. Auch Dauid der außervelt zc. [C.^b] Job hatt gesündet, vnd ist doch vast redlich gesein in allen seinen ansechtungen vnd widerwertigkeiten.

¶ Der Apostel Petrus hatt gesündet auch nach der zukunfft des heyligen geysts. Wie vil mer wir (weliche wir seind die vnderst hese gegen disen geschätzt) mögen sünden vnd fallen. Das sag ich nit darumb, das ich mit disen exempelnen wölle meine sünd entschuldigen oder verkleinern, sonder mer ist mir das leid, das ich zu nyemandts mag gezalt werden, dann allein zu den gottlosen, oder zu den sündigen heyligen.

Aber darumb sage ich das, zu mercken dise exempel (vns allen in gemein zu nutz geschriben) der forcht, vnd hoffnung von gottes vrteil vnd barmherzigkeit, das die sündler nit verzweiflen, sye sehen hirtten oder schaff. Widerumb, das hirtten oder schaff fürchten sollen gottes vrteil, auch weliche stondt, für sich sehen, das sie nit fallen.

¶ Dar zu handelt also die hohe göttliche güte vnd weißheit, so sye laßt fürneme leüt mercklich fallen, das wir wissen, das ein hegklicher für sich selbs mieß ston. Vnd als Paulus zu den Galathern sagt. Ein yetlicher soll sein werck bewerren, vnd dann würt er in jm selbs den preiß haben, vnd nit in einem andern. Wann gotts weißheit nit also handlete, so würden ettliche sich entschuldigen in iren sünden mit dem bösen exempel der obersten. Ettliche wurden hoffertig, vnd vermeinten, sye weren bestendig, so ire obersten bestendig bliben. Wann also bald in dem anfang der gangen Christenheit erhoben sich die Corinthier von den personen der menschen, vnd sagten. Ich binn Pauli, ich binn Apollo, ich binn Cephe, ich binn Christi.

[D] ¶ Das volck von Israhel sündet, do es ein künig begeret, nit das ein künig haben böß wer (so doch got verheissen hatt, es solten künig kommen von dem hause Abrahe) aber darumb sündet das volck, das sye mer hoffnung hatten in ein künig, der ein mensch was, dann in

got allein. Als er sagt zu Samuel. SHe haben nit dich, aber mich verworffen, vff das ich nit regiere über sHe.

¶ Darumb handelt also der ehyerer des herren der herren, das er festige seyn gesponnen, vnd sHe lere, kein hoffnung zu setzen auff die fürwesser, sHe sehen güt oder böß, das sHe sich nit verlassen auff ire güten exempel, noch auch abfallen von jres bösen exempls wegen, aber allein sich des herren rümen, vnd von den dieneren nüt warten sein, dann das wort des herren, wann sHe mage allein sicher leben im wort des herren, vnd in keines menschen werck, als sHe auch stirbt allein vom mangel des worts, vnd nit von einigs menschen sünd wegen. Wie wol yetlicher müß pein leiden vmb seines exempls willen, vnd sich doch keiner mit dem andern entschuldigen mag vor dem gerechten richter, der da einen heglichen belonen würt, nit nach frembden, aber nach eynen werden.

¶ Dife frucht meynen ergerniß wünsch ich euch, aller liebsten, mit allen freßten, das jr eüwere ougen von mir abkerend, ich stand oder fall, vnd allein dem wort, so jr von mir gehört haben, vestiglich anhangend, vnd das so vil meer, wie vil mer der Sathan bey euch wüet durch die falschen lerer, vnd die welt freßer, die bettel münich. Mein kleglicher fall vnd gottlose reuocation seindt mein, aber die leer, welche jr gehört haben von mir, ist nit mein. Vnd wie wol ich gesündet habe [Dj^b] in dem fal, so werden doch mit mir nicht entschuldiget sein, die mit mir gefallen seind, als auch sHe nit gekrönet werden, welche mit mir gestandten seindt, wann deren keiner ist gestanden auff dem felsen Christo, aber vff mir, der ich sandt binn. Die werden aber selig, welche da zermal vnd hehnt bestanden seindt vff dem felsen, vnd wer weiß, ob ich darumb hab müssen fallen, das auch die fielen, so vff mir gestanden seindt. Got ist erschrockelich in seinen vrteilen über die menschen kinder. Deßhalben, jr lieben vnd gewünst in dem herren, wir sollen vns gegen einander demütigen vnd vergeben, vnd für einander bitten, einer dem andern sein bürden helfen tragen. Difer fall soll vns weiß machen vnd leeren, fürhin kein acht mer haben vff die personen, aber allein dem reinen gottes wort anhangen vnd ver-

[Dij] ¶ Ein demütige vnd clegliche
 ughliche history vnnb verantwurtung Brüder Ja-
 bs Probst, vor zeiten prediger zu Antdörff, über die
 ag vnd heimlichen vff seß ettlicher papisten, der ar-
 del halben, so er (Brüder Jacob) gemeiner ver-
 amlung der frommen Christen zu Antdörff gepredigt,
 vnd inen das wort gots, die Euangelische warheit ver-
 kündet hatt. Darumb er von inen (den vnge-
 lerten Papisten von Paryß, Louoni, vnd
 Cölln, vnd etlichen grossen hanfen)
 ersücht, vnd im an seinem le-
 ben zu gesetzt ist wor-
 den, in (B. J.)
 vmb
 des worts gots,
 vnd des heyligen Euan-
 gelions willen zu condemnieren vnd
 vmb zu bringen.

findestu in diesem büchlin.

[Auf Blatt Dij^b das Brustbild Luthers.]

1

Wider den vnfürsich
tigen vnbeschanden außgann
viler der Klosterleüt auß iren
klöstern, darin sie villeicht
wol on gottes schmahe
hätten mügen
wonen.

Durch Johan. Eberlin von
Günzburg.

Der größte mißbrauch geschicht
an den besten dingen.
A. D. Xiiij.

[2ij]

Johan. Eberlin vonn Günzburg
wünscht gnad vnd friden von got vnserem vater, Den Edlen
vnd Christlichen Jundfrawen Cordula vonn Ryschach zü Seff-
ingen bey Ulm inn Schwaben, vnd Anna Bairin zü Gnaden-
tal in Basel, bayde Eptissin in der Clarisserin orden.

Ich hab nit vergessen ewr ernstlich fleyssig gebeet an
mich gestält in vergangner zeytt, die weyl ich noch
ains andern standts was, das jr begeretten, ich solt
nit antaften durch schmahe geschriffteim oder wortte die
Klosterleüt, so doch vil frommer gütthertziger personen vnder
dem selben hauffen seyen, was euch geursacht habe zü
sollicher slähung, wayß ich nit grundtlich, So doch ich
ain sin ye gehabt habe, yemant schmähen oder schelten,
vnewol ich größlich geursacht bin offft vnd vil, als euch
aines tayls wissent ist, es sey dann diß ewr sache, das ich
zü zeytten hab in gemainer predig auch in gemain auff
der klosterleüt vnfridkait vnnnd gotlosigkait deütet, Daraus
dann lose menschen (mir onn das mißgünstig) abgenommen
haben, ich sey ain Münchsfeynde, aber deren leüten klag
ist nit züachten, so ich mag darthon bewerlich vnd warlich
groß müe vnnnd fleyß, die ich gehabt hab züfürdern der
klosterleüt nutz, Eer vnd hail, ob ich nit vil heüchleren
gezaigt hab, ligt nit daran, mit wesen vnd warhait hab
ich mich geßliffen umbzügen, Ich habe mich geßliffen in
meinen predigen also züstraffen die laster vnd lästerlichen
menschen in gemain, das ich doch sondere personen in
sonderhait nit deütet hab, Vnd mir sollichs von kainem
gotsfürchtigen Cristen mag verarget werden, Das wil ich
auch mit diesem Büchlein bezeügen, so ich euch hie zü-
schreybe, das jr erkennen, wie willig ich bin ewrn billichen
gebetten wilfaren, vnnnd mainigklich sehe, wie ich [2ij^b]
kain ursach wölle sein ainiges vnfrids oder veränderung,
so vil (mit lobе gottes worts) ich da vor mag sein, Ich
begere, jr wölt diß büchlein lesen vnd mein in ewern ge-
beten zü gott gedenden, mein gütte willige dienst in gunst
von mir annemen. Got wölle ewr schirmer seyn. Datum
zü Wittenberg auff Simonis vnd Jude 2c.

[21^b]

Argument.

Wann du liest in etlichen geschribten gotsfürchtiger leerer, Die Klöster seyen Antchristlich vnd der seelen hellschlundt, verstandt es nit von stat vnd gebaw, von klaiden vnd anderer eusserlicher ordnung das zeytlich leben betreffende, Als fasten, wachen, arbeiten, auch was des leyhs löstigung betrifft, Wann sollichs müssen leyden, ist auch nit vnrecht, so wenig der tod böß macht, du sehest dann vorhin böß, Aber bey der gsärlichkeit der klöster verstand das regiment der seelen, das man fürgibt, mit haltung oder lassen sollicher klösterlicher sagung werde den seelen geholffen, oder entholffen vor got, das ist falsch, wann also hilfft allain der glaub an Christum vnd enthilfft der vnglaub, oder so du ansächtung halb deines fleisch nit magst on selichen standt sein, oder würdest gezwungen gottes Euangelion verlaugnen, oder die Sacrament vngeschicklich gebrauchen, so hettest vrsach auß dem kloster zügen auß gebot gottes. So du aber heß erkennest die gnad gottes durch das Euangelion, also das dyr nit meer schadt der kloster leere oder exempel, als dann heß in vil klöstern vil erleuchte personen seind, auch dich andere heß gemelte stück nit truden oder treiben, magst wol im kloster bleyben, vnd ob du auch redlich sachen hättest herauß zügen, solt du es nit ansehen on weissen radt, vnd übereyle es nit, nymm zeyt darzu, Wie auch die juden theten in der schidung jrs vngöttlichen eehandels. 1. Esdras. 10. Sollichs würdt dich diß büchlein leren zc.

von sich ordenliche zucht, vnnnd leben als die vnzaunte ochsen, werden zwuyffacher gailer, wilber, nach langer zuchtlicher gefändnuß, dann sy vorhin gsehn seindt, recht wie die vögel auß den köffeten entfliegen. Darumb ich getriben würdt von meinem gahst, dauon zúschreyben, in hoffnung es solle on nutz nit gelesen werden, wie vil aber sollichs nutzen werde, befielche ich gott.

Wie Das Kloster leben an jm selbsts frey sey.

Ain mensch wirt durch den tauff also gar frey von verbündtnus aller gsatz, vnd so gar aigen, das er on sündt nit mag fürhin ain gsatz vnderwerffen sein aigne gwissen, also, das er wolt verhoffen grössere frummfait durch haltung des gsatz, oder grössere sünd durch übertretung des selbstigen gsatz, sondern allain durch den glauben an Christum würdt er frumm, vnd durch den mißglauben würdt er vnfrumm vnd ain sündler. Er ist aber doch frey gelassen, das er sich mage vnderwerffen disem oder jhenem gsatz ain zeytlang, oder allen sein lebtag, doch alweg mit disem zusatz, wa Christliche gehorsam in an-[Xij]^b] derstwahin fordere, sol sein gsatzliche verbündung nit gelten. Durch den glauben würdt der mensch jm selber genommen vnd Christo ergeben.

1. Cor. vj. Ir seind nit ewr aigen, wann jr seind thewr gekaufft, Der glaube wirdet ain solliche gelassenhait im menschen, das er übergibt alles das er hat vnnnd ist, das er müge sein ain junger Christi, Ich bekenne auch, das der hailig Paulus sagt, ain gekauffter knecht sol sich mit süg fleissen, freyzüwerden vnd so ainer frey ist, soll er sich hütten, das er nit ain knecht werde, Zü den zeytten Pauli was ayn gebrauch, das die menschen verkauft wurden zü ewygem dienst, wie man bey vnns pferdt vnd ochsen verkauft, vnnnd die kind solicher gekaufften menschen bliben auch verpflichtet vnnnd dienstbar, so lang biß vnder den hayden ain herr seynen knecht ledig ließ, vnd bey den juden ainer sich selbsts abkauft oder im sibenden jar frey wurde, Die weyl aber dise knechtschafft vil hindernus bringt in gotes dienst, sonderlich so die herschafften nit Christen seind, so gibt Paulus den obgemelten radt, Will nun

Paulus, also gethon sein in leiplicher menschlicher gfündnus, damit man nit wil die gewyssen verbünden, vil mer sol man disem radt volgen in sollicher gfündnus durch menschlich gsatz, das man fürderlich damit nach der gewyssen greyffet sy zu binden, vnd durch sie den ganzen menschen, als hez im kloster standt geschicht, also das kahn mensch so hart vnder den hayden verkaufft ist, als die klosterleüt vnder den Christen, Als leyhtlich abzunemen ist vonn verstendigen, Es ist aber ye nott, das ain Christen sich frey halt in seiner gewyssen von aller frembder gehorsam, das allain gottes wort darinnen regiere, vnd sol sich hüten vor sollicher gfündlichkeit, da durch er möcht unfürsichtig gefangen werden mit menschenwort in gütem schein der gottes worte, volgt, das ain Christen sich fürderlich bewaren sol vor versürung des kloster lebens, Aber nicht mag jm diß giff vnschädlich machen, dann der Christlich glaube, Marci vltimo.

Wie kloster standt vnschädlich seyn müg. Ain münich [21.] in ain kloster lasse sich gedunden, er sey ain gefauffter knecht, es mügen aber gefaufft knecht auch Christen sein, Als Paulus in vilen Episteln anzaigt, darinnen er sollichen glaubigen knechten vnderweyßung gibt in irer berüffung, Soll aber ain kloster mensch got tag vnnnd nacht flehffig bitten, das er jm wöll ain waren Christlichen glawben geben, vnnnd Gott würdt sy erhören, das sie durch lesen hayliger geschriff, oder durch predig hören offentlich oder haimlich, inn erkantnus der warhait kommen, So sy aber waren glawben überkommen haben, würdt sie Gottes gahst wol leeren, wann, wa, wie, warin sie jrem orden gehorsam seyn sollen, das sie vmb kainer leiplichen bshwerde, oder leyhdenn willen mit jren öbern zerfallen sollen, wann vnrechts leyden ist nit sünd vor Gott, aber vnrecht thon ist sünd. Das muß ich aber auch sagen, ain klostermensch ist vnder ain falschen lügenhaftigen tittel also gefangen, dann man gibt für, er sey gotes gefangner durch sein glübbt, wölches auch got gefalle, als ain sonder mittel die seligkait züerlangen, vnnnd das ist nit war, got hat sollich gfündnus weder geratten noch gebotten, vnd will sy auch kein sonder mittel lassenn sein zu dem hayl, Da wider

auch Christus gelert hat Mat. 24. Wann sie zu euch sagen, siehe, nym war, Christus ist in der wüsten, gond nit hinaus, nym war, er ist in der zell oder kämer, so glaubent es nit zc. Aber solich übel zuleyden ist frey gelassen dem menschen, er mag es abwerffen oder gedulden, Vnd wie Paulus spricht von den knechten, müge ainer frey werden, solle er sich des flehffen, Noch vil meer sage ich, wölcher mag dem kloster entgeen, der thue es, Ain gefauffter knecht ist doch seynem herren zeytlich nutz, vnd achtet, seyn gewissen sey vnuerbunden da durch, wirdt auch dadurch nit geschwollen inn seinem gemütt, als sey er wol sicher vor got, darumb das er im knecht standt ist, gfelt jm selbs nit in aigner frummhait des standts halb, Aber ain klostermensch ist nyemandt nutz der fürnemen arbaytt halb, Singen, lesen, den todten pseyffen, messopffern zc. In [A^b] mainung vnd wehß, wie es in klöstern ist, seind nit allain vnnutz, Ja auch schädlich, dadurch die sinn geschwecht, nutze übung verhindert werden, als kündtlich ist allen erfarnen, Auch jre leibs köstigung frey willig angenommen vnd gehalten zu zeyten, da dem leyb sollich nit not ist, allain da durch got wöllen verjönen, büß thun zc. Ist gleich dem dienst von priestern Baal gethon. iii. Reg. 18. Wie grosse einrede ainer habe, so er wölt das rain Euangelion predigen im kloster, wissent die erfarnen, Da zu gibt er sich inn teuffels gwalt, so er sich also Christo entzeucht, das er maint durch anders dann durch den glauben oder vnglauben frey oder gebunden sein in der wissen, das ist öffentliche keherey. Darumb sag ich, wölcher mag des klosterstandts ab seyn, der thū es mit füg. Ist auch zuwissen, das selten ain leyden oder übel so arg ist, wa Christen glaub da bey ist, ist es unschädlich, Als Christus sagt Marci ultimo. Vnd hatt ain kloster mensch waren glauben, mag es auch wol on schaden darinn sein. Wann der glaub macht das gemüt rain, vnd genaigt zu güttem, vnd gibt erkantnuß, das alle menschliche werck böß seind, allain Gottes huld (durch Christum erworben) mit dem glauben gefasset mache frumm, allain der vnglaub mach ain sündler, mit diesem glawben faret der mensch durch alle würckung vnd leyden on

schaden seiner gewissen, also das in die beschneydung, vnnnd das abgötter opffer gefessen kahn schaden bringe, auß diesem grundt haben vnnser vorsehen vil nachlayb in der judischait vnd haidnischait lassen bleyben in Feyertragen, Fastagen, klaydung, tempel gestalt, so sie da neben gelernt haben, wie der glaub vns darin frey vnd schadlose halte, aber die nachkümmling haben des glaubens geschwigen vnnnd allain die werck fürgetragen, darauß dann alles vnglidt kommen ist, Also ist auch kloster standt an im selbs frey ain glaubigen vnd schadlos, Aber der glaubig erkent wol, wölche werck gott nit wil frey lassen, sonder gewürdet oder gelassen seyn. Er will nit, das sich ain mensch [B] in schimpff oder in ernst züuerleugnen seines glaubens laß treiben, Das ain mensch in schein oder in sein wider gottes wort rede oder thüe, das ain mensch zü ergernuß der andern wiltt abgötter opffer essen &c. Wie Paulus 1. Cor. viij. leret vnd Ro. 14. oder anders thon das wider gottes ordnung ist scheinlich oder wesentlich, also in ainem kloster wilt du sicher sein, vnnnd das du nit tayl habst an gmainer verführung, darin sy fast versupfft seind, so sy auch möchten gedencken, were vnnser sach vngerecht, so were doch ain mensch vnder vns da wider &c. So bekenne, du seyest deiner gewissen halb vnnverbunden durch deine gelübt, vnd das du sy haltest, thüest es auß freyheit deynes glaubens, darumb das auß gefallen oder zufall dir sollichs leben veyß wol kommen, dir zü nuß oder deinem nächsten gang zü Chor, als ain baur zü seiner arbayt, halte andere ding im kloster vmb Friden willen, ziere auch deinen glauben mit Christlichen wercken der liebe, dienstbarait, gedult, freuntlichkeit &c. solichs verbeüt man dir nit im kloster, ja man laßt dir mer Friden darumb in deinem glauben. Bist du geschickt meß zülesen durch begird gottes hulde, so lise meß, bist du nit hungerig, leyde ee hüß darumb, ee du meß lesen wöllest, treybe nit vil vnnuß geschwätz von deinem glauben vnnnd freyhayt, du sündest sonst wider Christum Matth. vij. Ir sollen nit geben das hayltum den hunden &c. Auch zü Tito am 3. ain feyer solt du meyden, wann du ain mal oder zway in gemanet hast, wisse, das er ain sollicher verferer ist, vnd sündigt als der sich selb ver-

Wahlt hat, ist ain mensch im kloster, das ain treyben von
 Got hat, wollen waren glauben lernen, so würt es selbst
 zu dir kommen vmb leere, sonst schwehe still, gann von
 den gotslesterern inn dein zell, oder lasse dir sein, du sehest
 andern Juden vund hayden, Deyn gayst würdt dich wol
 treyben zu stat vnd zeyt bekennen die warhait, vnd dann
 rede, wie dir der hailig gaist einspricht, dann hilft ain
 wort so vil als sonst tauffeten auß geplodert on gaist, on
 vernunft, wie dann vil thond vnder Euangelischem scheyn,
 dadurch sy nicht aufrichten, aber inen vund andern alles
 onglück auffrichten, ich sage dir, [Bj^b] gaytliche bekantnus
 des glaubens ist gar ain feürrig ernstlich ding, nit also
 loß, wie man mainet vnd fürgibt. Lasse dyr sein, als
 legest im kercker oder ketten mit Paulo, du würdest ge-
 gayfelt mit Petro, wann du gezwungen würdest ordens
 herttigkait zúhalten wider deyn not oder muß, vnd bit
 Christum, das er sein lob vnd eere süche in deiner ge-
 fändnus, vnd so es im gfallt, dich wölle erlösen. Da
 neben tröste dich mit lesen vnd betrachten hailger gschriff, vnd
 herßlichem gebet, vnd kürze dir die zeyt mit übung
 oder würckung brüderlicher werck, sy seyen hoch oder nider,
 gegen freunt vnd feynd, so hast du gnüg zúschaffen, wann
 es dann got gfelt, der dich abgefündert hat von mütter
 leybe, so würdt er dich auch erlösen von diesem deinem kercker,
 vnd hilffe dir selbst nit ab deinem Creutz, warte gotes hilffe.

Bilerlay mainungen seind, wölliche bewegen auß
 den klöstern lauffen.

Etlich wollen auß den klöstern gon, darumb das sy
 nit meer erleyden mügen (von wegenn jr blödigkait) die
 bürdin des ordens. Daon sage ich, wa die vrsach im
 grundt gerecht ist vnd warhafftig, ist es ain güte vrsach,
 aber lüge, das du dir selbst nit lügest, Etlich darumb, das
 sie werdenn gezwungen meßhalten, beychten zc. Zú zeytten,
 da sy nit haben begirde da zú, sollichen dunckte mich ge-
 ratten seyn, sie vnderlieffen die Sacrament vnd litten die
 straff, wa aber inen das leyden zú vil wurde vnd forchten
 da durch geursacht werden zú klainmütigkait zc., ist in

fliehen erlaubt. Etlich werden so vast gebrent durch leiplich anfächtung, das sy weder durch gebet zu gott, durch lesen vnnnd bemelten hailiger geschriff, durch züchtigung jres leibs den brandt miltern mügen, disen ist geratten, das sy sollen herauß lauffenn, ain eegemahel nemen, damit vil schendtliche grosse sünd vermeyden, dauon ich heß nit sagen wil. Etlich wöllen auß dem kloster darumb, das sy anders jre gwissen nit mügen erretten von verfürung der gotloßhait, das sie durch exempel der andern, auff wöliche sy auch vil halten, geführt werden auff vnglaubigen vnd [Bij] eyteln won güter werck vnd verdienst zu der sältigkait. Dise sollen auch fliehen vrsach wie sy mügenn, aber on vorgang fleißigs gebet thue nicht, das radt ich dir. Etlich leyden so grossen auffsatz, nachstellung, verfolgung von etlichenn behwonen, das sy mainen, mit flucht wöllen sy jnen selbs helfen, aber ich warne sy trewlich vor schaden, die stat wirt geändert, aber nit das leyden, Ich bekenn wol, das Christus sagt, verfolgen sie euch in ainer stat, so fliehen in die andern, aber das ist zugeben der plödigkait, haysamer were, du leydest dich gedultiglich darin, vnd gehst güts vmb böß, Wie Rom. xij. geschriben ist, so wurde deyn feind da durch gemiltbert, Auch findest allenthals leyden vnd not, vnnnd so du wilt fliehen ain reyhffen, fallest in ain schnee, was leyden über dich geordnet seind, werden über dich kommen, du sehest bey haimischen oder frembden. Etlich vermainen, sy wöllen das Ewangelson predigen auffser dem kloster, Lieber brüder laß dich den teuffel nit betrügen, nit achte dich gnügsam gottes wort außzüpredigen, ain grösser licht, stercker glaube vnnnd grössere gedult gehört zu dem predig ampt, dann du villeycht hast, will dich got zu ainm prediger haben, er würdt dich wol fürzuehen, on sondere berüffung nymm dich kains predigen an, auch magst du im kloster gottes wort predigen. du sagst, Ey wie solt ich predigen, ich bin nit sicher. das ist mein rede, das ich allweeg sage, Man will predigen das Creüz Christi, onn gedult des creüzes, da würt nicht auß, alle die on aygen creüz das creüz Christi predigen, seind falsch prediger, vnberüst wie vil lobß man von jnen sagt, sie predigen zu schaden jrer

Seele, das halt festiglich, Das Euangelion mag on Creiß
 weder geleert noch gelobt werden, als Paulus, auch Cristus
 sagt, Wilt du in der welt predigen das Euangelion, so
 müßt du so wol leyh, leben, eer, güt daran setzen als im
 Flostern, du vermainst züfliehen vom leyden, ist vnmüglich,
 Du entrunneßt ain weyl, nit fast lang, glaube mir, der
 Teuffel laßt dich nit mit Friden. Etlich wöllen auß dem
 Kloster gon, das sy mügen jren mütwillen ersättigen in
 disem vnd jhenem, dise kommen recht in das [Bij^b] müß,
 kommen sy auß dem kloster, man solle sie in der welt
 mores leeren, das sy wolten, sie weren wider im kloster,
 maynstu, das man auff ain außgelassenen Mönch oder nunn
 so vil gütwilligkait lege, das man wöll jnen jren mü-
 twillen vertragen, nahn, nain, du müßt dich eyngezogner,
 stiller, erberer halten dann andere, oder du hast nimmer
 rüw. bist du wißig, so folg vnd glaube mir, Ich wolt
 ain ungezogen mensch inn ain kloster helfen schließen,
 lieber dann herauß lassen, in der welt seind vorhin gnüg
 mörder, rauber, hürer, eebrecher, dieb, gassentretter, jund-
 frawschender, ist on nott, das man die kloster auffthû vnd
 das Mönich geschwürm gar auß lassen, eben sollichen losen
 kloster leütten seind die gsaß vnd kloster kercker gemacht
 1. Timo. 1. Also hast du, das allain blödigkeit des leyhs,
 gfarlichait der gwissen, brunst der vnkeiſchait, vnd gröſſe
 der verfolgung sachen seind auß dem kloster zulauffen. Aber
 bewere vorhin deinen glauben, ob du frey sehest in deiner
 gwissen, das du on scrupel herauß gangeßt, dann gest on
 glauben herauß, so sündest vnd fallest dem teuffel mer in
 die hand, was nit auß glauben ist, ist sünd Ro. 14. Wann
 du nit magst so vil in dir finden, das du mainest got ain
 gefallen daran züthûn, so du auß dem kloster lauffest, so
 bleyb darin vnd bit got vmb gröſſeren glauben, Auch ist
 dir ain groſſe gedult not, das du so vil anlauf müggt er-
 leyden, so dir vorstend in der welt, dauon du heß nit wol
 gedencken magst, ee du es erfarest.

Wölche in den klöstern mügen bleyben.

Wiß lyebe Schwester, wann du nit groß ansechtung des leybs hast, das du wol magst im kloster bleyben, ist nit not, das du dich sünden fürchtest, darumb, das du nit kinder aufziehst, in stille der ansechtung dispensiert Christus im gebott von der samung oder merung Mat. 19. c. vnd 1. Cor. 7.

Die vnuerdient pfründe im kloster sol dich auch nit aufstreyben, wann ob die stifter wider vom tod auff stenden, sprechen sie dir dein pfründt nit ab, die weyl du doch so fer kommen bist in disem standt, auch wilt du Christlich leben im kloster, so gwinnest du so vil züschaffen mit brüderlichem dienst, das du [C*] wol damit dein brot verdienest. Vnd ob du nit im kloster werest, möchtest dich wol darinn verpflichten mit got, da züdieneu vmb gots willen den dürfftigen, so du dann heß darin bist, magst vmb diser sach willen auch darin bleyben. Item so du vnerfahren bist, vnnnd bey gütem alter, auch nit wol mit fäg in ain andern standt kommen magst, so du leiblichen, oder eerlichen schaden bsorgen müßt, vnd du im kloster nit getriben wurddest wider got züthon, magst du auch bleyben im klosterstandt, des du gewonet hast, vnd du dir selbst vor schaden damit wilt sein. So du mit got magst im kloster sein, ratte ich dir nit auß dem kloster zülauffen, in der welt ist layb, armüt, schaden an eer, an seel, als wol als im kloster, flehe nit das leyden auß dem kloster in die welt. Auch ist deinen sitten nit geratten, das in die welt kommest, im kloster müßt du dich hütten vor schampern Worten, gotslestern, flüchen, schweren, vor überfluß an klaydern, essen, trindens, auch ergerlicher geselschafft halb, so du außserhalb dem kloster on zam lebest, so lang biß du weder waten noch schwimmen magst, ich sage noch wie vor, lauffest im glauben auß dem kloster, so ist der glaub starcke gnüg, das er dir alle widerwertigkeit helffe tragen, thüßt du es on glauben oder mit müßwillen, so gibst du dich selbst in vnträgenlich leyden. Du lauffest auß dem kloster vnd wilt in der welt sücken,

*) Bogen B besteht im ersten Druck nur aus 2 Blatt.

Finden oder haben, on gelt, on geschickt, on eer, oder freunden Hilff, das die weltleut mit gütt, eer vnnnd gunst nit haben noch halten mügen, da wirt nicht auß, Deinen freunden würdſt ain vnangeneimer gaſt in die leng, als wenig die welt deiner ſitten gwon iſt, ſo wenig würt dir der welt weyſe gefallen, auch die kloſter namen vnd ſiten werden dich nit gar verlaſſen, vnnnd alle die, wölche dir hez güts verhaſſen, werden dich bald laſſen, ich ſage dir war, glaube mir, wann ich höre, das ain Mönich wölle ſein kloſter laſſen, ſo erſchrice ich für jn, dann ich erfare ſo an vilen, das ſy nitt rechte vrsach haben, darnach haben ſy nit gelt, ſeind ungewon der arbeit, ungewon vnſer ſitten, vnd veracht in der welt auch müſſen ſein, darauß nicht dann rewkauff vnd layde erwachſet. [Ci^b] Mein rat iſt, wa nit dich dein gwiſſen oder leihs not auß dem kloſter treybt, das du darin bleybeſt in demüt vnd gedult.

Auch wa du nit on ergernuß möchteſt herauß kommen, ſolt du darinn bleyben, also bleybe origenes vnd Juſtinus im klayd der Philoſophen, bleybe du auch im Mönchs klayde, wa du onn ergernus nit magſt abweyhen, also treget auch der Lutherus vnd Johannes Langus jre kuttien, Also trage ich auch ain pſaffen klayd vnd blatten, für zukommen der blöden ergernus, oder der freuelen leſterung. Auff ainer ſeytten iſt züfürchten ergernus, ſo man im kloſter bleibt, vnd kloſterlicher ſcheyn hez ain groß instrument iſt zü verfürung der welt vnd in verfürung zü behalten, auff die andern ſeytten iſt es auch ergerlich, ſo man darauß gat, vmb ſolcher blöden willen, von deren wegen auch zümeyden iſt flaiſch eſſen vnd feyrtag brechen. Ro. 14. vnd 1. Cor. 8. vnd 10. Aber der gayſt Chriſti, der durch den glauben gegeben, wird dich wol vnderſchide vnd bſchaydenhait leren, zü thon was recht iſt, bitte du got fürderlich vmb waren glauben, daruß dir alle güter folgen, Wann du in ainem kloſter wereſt on vrsach, wölche darauß zwingen, wie du gehört haſt, wolt ich dir vngern herauß raten, vnd ob du herauſſen wereſt, wolt ich dich wider haim ſchicken, wie Paulus dem hailigen Philemoni ſein flüchtigen knecht wider heim ſchicket, Alt baum verſetzen, lang geübten ſtand verandern, ſeind beyde gärlich,

Bund Paulus wil, das yetlicher bleybe in dem standt, darin er zu dem glauben berufft ist, er sey knecht oder frey. Wann du ain rechten glauben hast vnd damit sihest in die gschriff, darin betrachtest tag vnd nacht, wurdest du finden rat vund lere in vil sachen, dich schadlos zuhalten im kloster, wölche dich yetz grosse sünd gedunden, vnd als vnmüglich wol zuthon darin. Ich rede allweg mit leütten, wölche glaubig seind, dann mit den vnglaubigen rede ich, auch der haylig gaist, on nutz vnd hyl, So auch Christus in aigner person nit an den gotlosen fruchtet, sy wurden wol erger dauon.

Von kloster Prelaten.

Ain Abt oder äbtissin in ain kloster sollen jren vnderthanen [Cij] fürderlich sagen, wie allain glaube in Christum fromme vund salig mache, vnd wie man sich erstlich üben soll in werden der barmherzigkait gegen seynem nechsten, vnd das on glauben vnd liebe alle andere übung on nutz, on hail sey, So aber glaub vnd liebe in rechtem schwand gondt, so mügen dann andere übungen der orden auch jren fůrgang haben, vnd solle auch lernen, wie die Sacrament on zwang empfangen sollen werden mit hunger vnd begird vnd mit glauben vnd vertrauen zu der hulde gottes, zu stercken vnd vergwissen die gwissen in warem glauben, vnd das yederman frey sey zu empfangen die Sacrament, doch sol man solche leere fürhalten, wölche rayhen mügen zu sollichem hunger nach den Sacramenten, Ain Prelat soll hart straffen was wider die liebe ist, aber nit fast hartt, was wider andere ordenspflicht seind, offt auch durch die finger sehen, Auch die hailig gschriff flehffig lassen lesen vnd selbs auflegen den vnderthonen, in hailiger geschriff erklärung würdt der haylig gaist selbs würden, Ain prelat hat zwaherlay menschen im kloster, etlich seind glaubig, fromm, gůtherzig menschen, welche keins auffserlichen gsatz bedörffen 1. Ti. 1. Dise sol ain prelat mit gottes wort allain regiern, das wirdet gnůg in jnen, Andere seind freuel, můtwillig, ja hayden vnder Cristen namen, vnd vnder klosterklaid, dise sol er als hayden straffen, wa sy wider gotes vnd menschenlieb thond, disen hayden sol

er ain heidniſcher amptman ſein, von jren wegen hat er
das ſchwert der gſaß. Rom. 13. 1. Thim. 1. Alſo ſol
ain Prelat üben das wort gottes in leeren von der frommen
wegen, vnd zeytlich ſtraff von der böſen wegen.

Vin warnung.

Ich warne auch alle menſchen, das ſy fürſichtig ſehen
mit jren kinden, vnd ſy nit alſo in die klöſter ſtoſſen, auch
andere nit on güten vorbedand in die klöſter lauffen, als
Paulus ſagt, biſtu frey, ſo verkauffe dich nit zū ain knecht.
Das ich oben geratten hab etlichen im kloſter zūbleiben,
das rate ich denen, wölche yez im kloſter ſeind, vnd vil
hindernuß haben darauß zūkommen, das ſage ich nit von
denen, wölche noch in kaim kloſter ſeynd.

[Cij^b] Wilt du armüt, ſchmahe, vngunſt, leyden fliehen,
ſo fliehe in kaim kloſter, das rat ich dir, ob du eſſen,
trinken, klayder, behauſung im kloſter haſt onn ſorg, ſo
würdt es dir doch ſo ſawr, du litteſt oft lieber hunger,
durſt vnd bloßhayt, das du des kloſters ab wereſt. Auch
iſt dein anfang heidniſch, ſo du darumb kompt in ain
kloſter, das du mügſt darin dein narung haben, du traweſt
got nit, das er dich müge erneren bey ſo vil tauſeten
außerhalb dem kloſter, darumb kompt gotes fluch über dich
vnd über alle, die dir zū diſer mainung ratten vnnnd helffen,
vnd das deine freund an dir erſparen, ſo ſy dich in das
kloſter ſtoſſen, das fürt jnen der teuffel ſonſt hin, Auch
überkommen die kloſterleüt wol ſo vil von den freunden
durch teglich gylffen vnd gehlen, das ſy jre erbiſchafft auch
bey bringen, haſt du ain freund, der ain kloſtermenſch iſt,
ſo haſt du ain ewigen betler, er laßt dir kaim rām, ymmer
iſt es, gib gib.

Beſilch deine kind gott, er würdt ſy wol erneren, er
iſt ain reycher herr, iſt nit nott, das du ſy in den zwang-
ſtall des kloſters ſtoſſeſt. Weytter dauon will ich nit
ſchreyben, die gemain klag auff erdtrich vnd viler er-
farung mag dauon mer leren. Man ſoll auch nit vrtaylen
leychtlich die kloſterleüt, das man nit die gütten gottes
freund vnder jnen ſchmehe mit den böſen. Hördte dich nit

zû vil, o klostermensch, der ergernuß halben, das villeycht die andern von dir nemen, als wurden sy gesterckt in abgötterey durch deyn bleibenn, Rayn nain, wir wissen wol, das du gefangen bist vnnnd wilt gon, wahn du nit wilt, wir ergern vns nit fast ab dir, ja wir mügen wol gedenden, das vil frummer kindt in klöstern seind, vnnnd wir biten got für euch alle. Auch sol man die freuelen menschen straffen, wölche den klöstern schadenn zû fügen, Man sol jres hamers auch nit lachen, bist du ain Christ, so erbarm dich der andern trübsal, nit frewe dich darab, hetest du halbs so vil hindernus am gotsdienst, als die in klöstern, du wurdest erger sein dann sie, Es seind etlich, die mit allem fleyß herauß loden den ordens leütten on gnügsame gottes leere, on got's forcht, allain rayhen sy sie auff komlichayt des leybs, [Cij] dise thondt vnrecht, sy müssen got rechnung geben, wölche nit mit gottes wort auß dem kloster getriben werden, haben nit gütte herzen rûn.

Vnderweysung außserhalb des klosters.

Wilt du auß dem kloster, so ruff got vmb hilff an, on gottes hilff magst nit entrinnen, du fallest wider in das landt, darnach hast du zwiffach vngluck mer dann vorhin, Vnd wil dich got heraußhaben, er wirt dir zûschicken leüt, dauon du ratt, hilff zû klaid vnd zerung haben magst, er wirt dich füren da hin, wa er dich haben will. So du auß dem kloster bist, so halt dich still, demütig vnnnd freuntlich, hab dein selbs gütte hüt, vnd trawen nit zû vil, wann das Adamskind ist falsch vnd vntrew. Auch laufft dir der teuffel alle ort auß nach, mag er dir ain süß fürhalten, er wirt es thon, biß gewarnet. Gibe dich zû grosser gedult vnnnd seze dich darin, leyden ist dir vor der thür. Süchst du gott, so findest gott, süchst du dich selbs, du findest dich selbs, das ist, nicht dann eytel vnd öd. Traue Gott wol, er wirt dir vnder die handt geben was du thon solt, wa von du leben solt. So du auß dem kloster bist, so hütte dich, das du nit übel redest deinen klosterleütten, dich damit schön zemaachen, laß sy sein die sy seind, got sol wol dein recht

auff findig machen. Die zucht in worten vnd weyße, so du gewonet hast im kloster, vnderlasse nit aufferhalb, es hat dir übel ann, so du wilst fluchen, schweren, schanppere wort reden &c. Rym dir ain eeweyß, got wirt dich wol erneren vnd schirmen. Also hast du viererlay klosterleüt, Etlich sollen herauß gon, dann gwissen vnd not treybt sy, Etlich sollen darin bleyben als die vngezampten vnd die völsche on ergernuß nit außgon mügen, Etlich mügen darin bleyben mit beschayde oben anzaigt, vnd ist jnen züratten darin zübleyben, Etlich seind frey, mügen außgon vnd bleyben, als die verfolgung leyden, oder die in gwissen frey seind, haben auch kahn treyben herauß, mügen auch on ergernus darin bleyben oder außgon.

[Ciiij^b]

Der klöster narung.

Etlich orden leben allain vom bettel, in so groffer zale vund reylichayt, da durch sie der welt ain bschwerd seind vnd gottes gebott wyderig, ja auch jren aggnen ordens Regel, Vyse Franciscus regel vnd andere, Etlich die leben on betel, aber sy schinden jre arme leüt hertter dann kain landtsherr, das ist warlich vntráglich, auch habenn sy wücher gilden von hundert fünff vnd der gleychen, das ist nit allein vntráglich, sonder auch ergerlich vnchristlich, Auch nemen sy wissenlich ab den leütten habe vnd güt vnder scheyn des gebets für andere, vnd leben darin in aller überflüssigkait, mit beraubung der andern armen, Darumb fast not ist, das die klosterleüt für sich sehen vnd jre sachen nach got vnd erberkayt richten, sie sehen wol, gottes zorn ist vor der thür, auffrür wider sie laßt sich mercken auff alle ort, Rußer were, sie reformierten sich selbst, dann das der Karsthaus das thon solte.

Ich bin warlich den Klosterleüten nit feynd, ich habe vil güts von jnen empfangen, habe auch noch vil gütter freund vnder jnen, auch wahß ich, das vil frummer Cristen vnder jnen seynd, Wa ich mag jr verschonen mit gott, will ich thonn, man höret auch nit von mir, das ich jnen übel rede, Ich wil lieber vnmässig sein in jrem lobe dann in schelten, wann ich in wortten oder geschrifften wider

den klosterstandt handle, so gedenden, ich werde durch die
 warhait darzü zwungenn, Man findet auch villeicht etliche
 klöster, darin, ainer ganzen gmain halb, wol gelebt mag
 werden nach Christus Ewangelion, als ich ains wahß zu
 Ytingen bey horb im Hohenberger land am Neckar, darin
 ain weyse gotsfürchtige Jundfraw Brioren ist, genandt
 Margaretha Welckerin, ich hab kain gmain gesehen in ordens
 standt, darin minder gfarlich sey zu leben, als daselbst,
 meins gebundens, doch ander ort vnuerachtet, Also freunt-
 lich, on bshwerde regiert sie ire kinde, also Schwesterlich
 leben sie vnder ainander, in solliche samlungen oder
 gmainen wolt ich auch wol anndern ratten, Sy haben
 kain Regel, darin bey todtsünd etwas geboten sey, [C.]
 Allain bshwerde meyn gwissen, das man on, wider vnd
 über ire Regel sy bshwerdt mit aynem schwarzen wyl
 vnd drey glübben, aber sant Franciß hat sein willen noch
 npe darin geben, Got spricht auch nit, das es im gefalle,
 darumb gilt dyse spugnuß nicht, sie mügen gwissen halb
 auß gon, eyngon, Geman nemen, ledig bleybenn, jr Orden
 ist nicht dann ayn Schül der zucht, so lang dir eben ist,
 aber bey aller bshwerde ist den personen der selbigenn
 gmain so wol vnder ire Briorin regiment, das sy ver-
 meinen, juen möcht nit baß sein. Wann gar vil ligt an
 dem weyßen Prelaten in ain kloster. Vez gemelt ort
 so ward kloster leben etwas tráglicher vnd füg-
 lich. Wenn kloster, Schülen vnd Pfarrer standt reformiert
 so hätten wir ain Paradiß auff erdtrich, Got gebe
 das wir rait darzü. Amen.

**Ain fraintlich trost
liche vormannung an alle frum
men Christen, zu Augspurg Am Leech, Darin
auch angezant würt, wazn der Doc.
Martini Luther von Gott
gesandt sey.**

**Durch Johann Eberlin
von Ginkburg.**

Titelbild :

Ein Geistlicher einer vor ihm sitzenden Volksschaar
predigend.

**J. E.
M. W. Wittemberg.**

[A^b] Allen frummen außserwelten
 Christen zu Augspurg, Wünscht Johann Eberlin von
 Ginkzburg Gnad, barmherzigkait vnd Friede von Got
 vnnserm vatter.

Lieben brieder in Christo, wissend das mir kündtlich
 worden ist ewr begird, Ja liebe zu dem Ewangelio.
 Gottes, darynn jr euch ganz ergeben haben, Ja ganz
 genommen seind darinn von gotte vnserm vater, deß halb
 auch der Teuffel nit leyden mag ewer fridlichen haysamen
 fůrgang im weg des herren, vnderstat villeycht durch glůck
 vnd vnglůck, durch gůten vnd bůsen schein, ewern glauben
 zuschwechen, Darumb ich gebetten worden bin durch brieff,
 ich sůlle vmb gottes willen etwas haysamer lere euch zů-
 schreyben in hoffnung, es werde nit on frucht ergon, habe
 ich nit wůllen mich sollich vnderston, angesehen mein vn-
 deglichait, auch meinen blůden glauben, mit forcht, ich solt
 Christo vnserm herren sein angefangen werd in euch frey
 lassen, er wurde es on mich volfieren, hatte mich doch zů
 lestt mein gayst getryben darzů, das ich diß klain ver-
 manung an euch stůllen solt, als zů denen, wůlche meine
 landtskleit, auch aines Bistumbs mit mir seind. Ich
 schide das euch zů, was got vnser herre damit aufrichten
 wůll, solle ich in gůtter zůversicht gewarten. Auch bitte ich
 demietigklich alle hocherleuchten, straffglaubigen vnder euch,
 sy wůllen mir diß schreiben nit vrtaylen herfomlich, anderst
 dann auß aim freyntlichen getrewen herzen. Ich mag
 auch wol ermessen, das jre stercke euch allen gnůgsam were.
 Aber die liebe thůt vil vmb sunst vnd on not. Got gebe
 vns in glauben vnd liebe vndereinander zů warten der
 zukunfft vnnsers herren Jesu Christi. Witten got für mich.
 Datum zů Wittemberg Frehtag nach Martini Tausent fůnff-
 hundert vnd zway vnd zwainzig jar.

[A^j] **A**nsencklich, liebsten brieder, vermane euch, jr
 wůllen flehyssig betrachten die grosse gnad gottes,
 euch bewyhsen, das er euch von großem ũbel

erlöst hat, vnd in höchste beste gieter gesetzt, vnd daß söllichs alweg mügen vor augen haben, so niemand die sach also für. Durch die sünd Ahe ist die ganz menschlich natur in allen krefftten leybs vnd seel so ganz verwießt, verderbt ist, das alle gedanck, anschleg, vrtail, alle werck auch aller beste scheynigen, nit allain böß vnd sünd seind, sonder auch (ob ain mensch auch allen höchsten fleyß anköret) nit mögen güt sein noch werden an jnen selbsts, vnser bom ist böß, darumb mag er kain güt frucht tragen, vnd wie größlich got das haße an vns, zaigt an die groß straff auf vns gefallen, wölche wir auch größlich, ja vntreglich befinden, das ist irrsal vnd blindthait im verstand, vnmüglichait zü dem güten, vnbtendikait daryn, vnd ain gehe hinfälligkeit zü sünden, schanden vnd schaden, da vor wir vns nit seyn mügen auch mit allen vnserm fleyß, vnd darzü die groß vnru, forcht, trawren, trostlosigkeit vnser gewissen an allen orten vnd zeiten, das wol ain hellische pein ist, so wir kain hoffnung in vns finden mögen zü gottes huld vnd hymelreich, Aber grosse forcht vor gottes zorn vnd helle pein, als vns gewiß vorstendig. Vnd wir in vnsern herzen all augenblick ansehen mießen Gottes forcht, als die wegetenden wällen des mers über vns. Erschrecken von ganzem gemiet, so wir gottes plagen vnd straff, auch seine nachrichter, die bösen gayst vnd menschen, nun nemen hören. Alle sollliche befindung in vns ist der schatte des todts, der vorhoff hellichs reychs, vnd vns nicht vor ist dann das vns gar geöffnet werde alles übel, in vnd über vnns. Dise ding seind der lon vnser bößhait, darbey auch wir erwegen sollen, wie wir (auß vnd in vns) vor got geacht sein. Nemlich, verurteilt, verflucht, verdampt, hauptseynd gottes. Das bezeügt auch gottes güt gesatz, wölches vns zaygt den rechten willen gotes, wölchem wir nach leben solten. Aber wir befinden vnd erfahren in vns, wie ganz vngleich wir jm seind, das ist nicht anders, dann das gesatz zaigt vnd bezeügt vns vnser sünd, als Paulus sagt, so es fürhalt das recht, gottes willen, vnd wir befinden, wie vngleich vnser will vnd verstand, Ja vnser vermögen darzü ist, wann sünd [Nijⁿ] ist nicht dann ain sele, abfall vom rechten. Vnd ist vnser blindthait so groß, das wir

auch dahin kommen, das wir gott ungerecht vrtailen, als Paulus meldet von sollichen blinden menschen, vnd wollen vnser boßhait jm zü schreiben. Aber got ist rechtfertig in seinen worten vnd überwindt, wann er von vns gerichtet wirt, vnd auß vnserm bösen vrtail von got erwachst in vns auch ain haß gotes, als aines der so übel mit vns fare, vnd bey disem merckstu, das ain gotloß mensch hez schon verdampft ist in die hell, Ja er tregt in jm selbs sein agyne hell, wann solichs thon ist der verdampften aigen werck. Das göttlich gesaß zaigt dir solichs, darumb ist geschriben vom gesaß, es tödte, so es tod vnd hell dem menschen zaigt von der sünd wegen, die der mensch selbs müß bekennen, so er gottes gesaß höret vnd betrachtet. Darumb auch durch das gesaß gemeret wirt die sünd, so vnser böser will meer in jm selbs begirig wirt auff sein aigen gelust, so er dauon durch gottes gesaß getriben würt, auch dem göttlichen gebott mer feynd wirt, dardurch dann die sünd gemeret wirt, so man nit allain dem gesaß vngeschoram, auch darzü feynd ist. Das ist der achterbuß, darab auch die Haiden so fast sich beklagt haben, ain sündig verdampft hertz, vnd haben erkannt, wann er auß dem hertzen käme, so achtet der mensch glück vnd vnglück gleich, er hat nicht dann lust vnd frewd, das ist, er hatt darnach ain hymelreich in jm, auch auff erden, vnd das ist war. So haben sy auch erkent, dem menschen sey zü helfen vom achterbuzen zü allen frewden. Aber so sy nit erkant haben, wa von der buß erwachst, haben sy auch nitt mögen erkennen, wamit man rat schaffen möge, vnd haben sich geföret auf tugentliche hebung, wie sy maineten, sy wölten dem hertzen so lang vnd vil versagen seine begird, biß nitt allain eüßere glider nicht vnzimlichs würckten, sonder auch das hertz nit mer in jm selbs befunde der bösen naghung. Auch haben sy nitt mögen erkennen, alles was böß ist, so sy durch gottes gesaß das recht nit erkannt haben, allain nach den blöden sündlein der vernunft alles recht vnd vnrecht geurtailt. Sy befunden mer in jnen selbs, wann vil Doctores hez erkennen, Ettlich Doctores maynend, die naiglichait zü dem bösen on vrtail der vernunft sey nit verdamlich. Aber die Haiden befunden, das dise naiglichait

des herzen [Mij] auch on gefallen der vernunft so böß sey, wa sy abfielen, wurden alle andere leyden nitt leyden sein, was ist das anderst, dann wa diß böß wurzel der sünd (in den ganzen mensch durch vnd durch gewurklet) hingenommen wurde, were nicht dann seligkeit da.

Diser bösen wurzel vnd achterbuzen haben vil durch vil mittel wöllen helfen, etlich durch sitlich tugent, etlich durch betrachtung natürlicher wunderlicher würdung, etlich durch hebung auch der werck, im gesatz gottes gezaigt zc. Deren aller herz hatt so gar kain hilff, rü, trost, frewd dauon empfangen, das sy auch mer vnrüwiger worden seind, vnd zu erkantnuß grösserer vnmöglichkeit in jnen selbs kommen. Also mercken vnd erfahren sy in jnen selbs, das alle menschliche hilff mer hindert dann fürdert darzu. Got aber hat von ewigkeit außervölt etliche menschen, wölche er wölle erlösen von sollicher grossen arbeit seligkeit, jamer vnd not, Ja tod vnd hell, vnd das durch fürgenommen mittel. Nemlich, Er wölle sein eingebornen sun lassen mensch werden, marter vnd tod leyden, aufferston vom tod, vns züerlösen von allem übel, vnd zu erheben in alles güt, alle die an in glauben, also das got sein barmherzikeit, güte vnd gnad wöl lasen sehen durch Christum, als durch ain spiegel glaz, alle die got in Christo erkennen, glauben vnd getrawen. Etlich andere vnd deren vil, will er nit begnaden, darumb bleyben sy in der vnrü, trawren vnd angst jres herzen ewigklich, wölche auch auß neyd vnd haß verfolgen alle jhenen, wölche jr sünd straffen, wölche jnen jr vnmöglichkeit anzaigen, wölche in ahgnen jamer fürhalten, also das sy auch hie erzaigen jren haß vnd lesterung gottes, gegen gottes fraind vnd wort, wie sy dann ewigklich bleyben werden, als diser tag anzaigt. Wann ain mensch also geengstigt wirt in seinem herzen, wie oben geschriben, so befindet er das vrtail gotes gesage, das regiment Mosi, vnd er soll got größlich danken darumb, wann auch wenigen wirt verlyhen ain zeytlich befinden oder achten sollichs zwangs, als man sicht, wie vil all jr lebtag vnachtsam für vnd für gond, als vnfinnig vnd taub zu allem gottes zorn, biß an jr end, da geet dann jr vnglück heüffig an. Du solt (sprich ich) got größlich danken

vmb das befinden vnd achten deiner angst in der gewissen, vnd hiet dich, das du kain hilf annemst noch gewartig sehest, damit [Aiiij^b] dir zehelffen, dann allain gottes trostlichs wort, das er außgesendet hat in alle welt, von seiner gnad, über alle die an Christum glauben. Vnd sollich gemain geschray götlicher huld vnd gnad gegen allen betriehten gewissen, so sy glauben an den hahland Christum, ist vnd wirdt genennet das Ewangelion. Also sollen jr wol mercken, was doch aygentlich ewangelion genennet werde.

Nun sollich geschray von gotes huld (durch Christum) leret vns, das got wölle alle glaubigen selig machen on aller werck ansehen, güter oder böser, wann got hat von ewigkait, ee dann die welt geschaffen ist, außervölkt, wölche er will zu Christo fieren durch den glauben, vnd also allain auß aigner grossen barmherzigkait, nit vnser werck halb, vns zu dem hail verordnet, vnd gott ain grosse schmach bewyhen wirt, wann ain mensch mainet auch durch aller engel vnd hailgen güte werck zu disem hail auch ain wenig geschickt oder gefürdert werde. Got ist der, wölcher allain sollichs würckt, allain den namen vnd das lob dauon haben will, volgt klarlich, wie größlich sich verschulden alle jhenen, welche von verdienst, von schidung zu der gnad zc. anderst leren oder glauben, damit sy got schmeleren wölten das lob seiner gnaden vnd barmherzigkait, vnd also auß got kain got wölten machen, Christo sein marter, tod, vrstend, vnd alles das er ist, nemen dadurch, vnd das vnder gütem schein des namen gotes, gotes worts, Christi, Christlicher kirchen, der hailgen zc. Wie man layder yetz gar dainn verkauft ist. Das ist vnd thut der Antechrist mitt allem seinem anhang. Dabey lerne, was Christus oder Antechrist, Christlich oder Antechristlich sey. Darumb laßt gott den menschen also erschreckt werden durch das gesatz, wie oben geschriben ist, vnd sich selbs so vil vnd lang bemeynen in vnnützen mitteln, jm selbs zehelffen, das der mensch finde vnd ersare, wie gar er selbs nicht vermocht habe zuthon zu künftigem hail, wölches got durch das Ewangelion offenbaren vnd geben wil allen außervölten, Wann alle ding (not ain Christen) messen kommen in

ain erfarung vnd befunden, nit allein bliben im verston vnd erkennen, wie aller menschen thandt gestalt ist. Got will, das sein gnad gegen vns soll außgeschreyen werden in alle welt, vnd alweg werden erfunden vil oder wenig, wie es got gefalt, wölche von Gotz verordnet seind, diß [Miiii] geschray anzunehmen, vnd zu der zejt von got verordnet, ainer frö, der ander spot. Wann nit jouil oder so bald glaubt wart an das Ewangelion, als du maintest, so gedenc, jr zejt von got verordnet sey noch nit kommen, ob sy auch von got außermölt seind, das merck an Paulo, an dem die predig Christi vnd seiner Apostel nicht schaffen auff erdttrich, sein zejt was nit kommen. Das Ewangelion wirt nymer on frucht geprediget, aber an wölchem, wann, wa, wie vil es nütze, das soll allain Gott wissen, vnd wir sollen gern deßhalb weyßloß sein. Nun, meine liebste brieder, loben got, das er auch das geschray seiner gnaden hat lassen zu euch kommen in diser bösen zejt, in wölcher der hymel stehlin vnd die erd eyßen geurtailt ist von wegen vnser sünd, darinn auch die klügen ain finger auff den mund legen vnd nit reden dörfen, in wölcher zejt die warhait geschwigen, verhasst, verfolgt ist. Also ist der zorn gottes über vns, das wir das güt auch vrtaylen vnd verdammen, als sey es böß. Das Ewangelion (sprich ich) ist zu euch kommen durch zungen vnd federn, loben got vnd bitten in, das er sein angefangen werck wölle in euch volfieren. Ir habt auß dem gesatz gottes erlernet vnd befunden, wie übel ewr säch gegen got gestalt ist gesein, vnd wie weder jr selbs, noch andere euch haben mögen helfen, darzu haben jr heß befunden ain grosse freud, trost, frid ꝛ. in euch selbs, so jr gehört vnd glaubt hapt gottes zusagung durch Christum, im Ewangelio euch verkündigt. Also das jr nit allain wissen, sonder auch befinden in euch, das euch allain durch den glauben an Christum geholffen ist auß allem layb in alle freud, vnd das ist die ware kunst der Christen, das sy irer sachen so gewiß seind durch aigen innenwerden, das in niemant mag außreden jren glauben.

So dann jr erfahren haben, das durch das rayn Ewangelion gottes gnad vnd huld in ewr hertz getruet

ist, so klar, das jr nicht mer zweyflen an gots gnad durch Christum, Ja so fro vnd fridlich seind worden in euch selbs, das jr auch begeren layb vnd beschwerung erleyden zu lob got ewerm vater, vnd nit mer begeren, dann vrsach haben, etwas gefelligs züthon ewerm lieben vnd liebhabenden gott, Sollen jr sollich lere, dadurch jr alle ding gelernet vnd entpfangen hapt, nyemandt anderst züschreyben dann got, vnd nit sagen, dise leer ist Lutherisch, Carlstadiisch, Philippisch &c. [Xiiiij^b] Aber dise leer ist göttlich vnd Christlich, vnd seind nit zwyträchtig vnder euch selbs, ain got, ain Christus, ain gahst, ain glaub, ain tauff, Ain sältigkait, ain Ewangelion, das da von allen leret, darumb sollen auch jr ains sein in got vnd Christo, als got vnd Christus ains seynd. In aynigkait vnd friden des glaubens, der gemüet vnd synn gegen got vnd vnder vns selbs stat Christlichs weisen, zeichen.

Luther ist ain mensch vns gleych, sündner, vnd tödtlich, hat nit gewalt vns zegeben ain lere, haysam zu ewigem leben, wil er selig werden, müß er sich vnderwerffen dem Ewangelio, mir vnd euch allen gemahn, Darumb soll sich nyemandt nach im nennen, noch vor seiner ler fliehen. Vor des Antechrists lere sol mans sy hüetten, ob sy auch ain engel von hymel prediget, der lere Christi sol man an hangen, ob sy auch ain morder lerete. Nun hat Luther biß hergeleret die artidel vnser glaubens nach inhalt des waren Ewangelij, Als allen erleuchten Christen wyßent ist, das Ewangelion haben wir in geschrifften, des Luthers lere auch in gschrifften, mag ain hetlicher (auch klain verstendiger) abnemen, so ers sie gegen einander halt, ob sie ainander gleich oder vngleich seyen. Ist nit nott so hart vnnd vast darinn fechten vnd hadern. Ich hab des Luthers bycher gelesen, seyne predig oft vnd vil gehört, Bey jm gewonet lang, vnd hab erfarn, das er ain erber burgerlich leben fiert, ain hochgelert man ist, Aber biß alles soll mich gar nicht hyndern oder fürdern, wo er anders von Christen glauben wolt leren oder schreiben, dann er biß her geschriben hat, wolt ich im so gar nit anhangen, das er auch solt ain unablaslich widersprecher haben an mir, wann gottes wort gylt bey mir mer dann Petrus, Paulus, Luther, ja alle menschen vnd

auch engel, also haben vnns Petrus, Paulus, Luther, Augustinus zc. geleret von jnen gehalten, ob auch sy vns nit also geleret hetten, noch leret vns der gahst Christi also halten vnd glauben, vnser glaub ist ain hertter fels, Acht er auch der hellischen vnnnd hymelischen portten nicht.

Lieben brieder, stellen ewr sach weder auff bapst noch auff Luther, aber auff Christum, Christum sollen jr allain im klaren Euangelio lernen. Das Euangelion nenne ich, was Matheus, Marcus, Lucas, Johannes, Petrus, Paulus, Judas, Jacobus von Christo geschriben haben, lassen alle aller Lerer geschribten fallen, [B] vnd geben euch allain mit fleiß vnd andacht auff die Biblia. Ain grosser feldstreyt stat den Christen vor, vnd ist jnen not, das yetlicher ain schwert hab, das schwert ist Gottes wort, in der Biblia begriffen, vnd ain ernstlicher Christ solle ee mangel an klayder vnd speiß erleyden, das er möge ain ganze Bibel, oder ain New testament haben, darinn altag süchen seelen speiß, durch lesen vnd betrachten in gottes wort, darvon der mensch meer lebt, dann von leyphlichem brot. Kanstu nit lesen, gibe ain armen schüler ain stück brott, er lißt dir so vil darumb, das du ain tag daran gnüg hast, Ewer gesündt vnd kind sollen jr auch darzü halten in allem ernst vnd waderhait, wann der groß tag Christi ist nach. Wer sorg solt jr haben, das jr teglich ewer seelen speysen mit gottes wort, dann auff leyphliche narung. Gott gibt allen creatures narung on jr sorg vnd angst, vnd so jr also gottes reich süchen in hylger geschribt vnd im glauben, werden euch alle leyphliche notdurfft zügeworffen, Got hat es verhasst, er wirt das vnzweyffel laßten. Verlassen euch nit auff Tempel, Schül oder Closter, klainer nutz kompt von jren leren, wa nit du in deinem herzen hainlich von got gelert würdest. Underweyße deine kind vnd gesünd mit Christlicher lere vnd zucht, thüst es nit, got wirt dich straffen, schame dich nit, fürcht dir nit, gott soll dir grösser gehalten sein, dann alle forcht vnd scham, wilt aber du sollich nit thon in deinem hauß, wie brataylst dann Bapst vnd Bischoff vnd pfarrer, das sy es nit thond in aller welt? Sihe für dich, vnd halt dich in gottes forcht, on wölchen kain blat vom baum fallet,

fürcht den, wölcher nit allain den leyh, sonder auch die
 seel ewiglich verdammen mag. Lieben brieder, erschrecken
 nit, das vil leyden auff euch fallet vmb diser lere willen,
 dise leer mit irem hauptlerer Christo hat allweg groß ver-
 folgung erlitten, all propheten, Apostel, auch Christus selb
 seind darumb gestorben, vnd alle frummen Christen myessen
 verfolgung leyden. Aber seind getröst, alle leyden werden
 euch mer hoffnung vnd trawen in gott bringen. Aller
 welt trowen wirt bey euch ain spott geacht sein, vnd ain
 kinderspil, alle reichthumb wirt scheynen ain tot vnd wüß,
 Aller lust, alle freud wirt bey euch ain thomhait vnd vn-
 flat geurtailt, das alles wirt Christi gahst würden in euch,
 eur vrtayl [Bi^b] wirt so vil höher sein vnd besser dann
 das vrtayl diser welt, als die hymel ob der erden seind.
 Christus (an wölchen jr glaubt habt) hat überwunden sünd,
 todt, hell, teuffel, Das iren kains mag den Christen ge-
 schaden, das wissen sy durch den Gaist Christi, wölcher
 in jnen wonet, darumb bietten sy druz dem teuffel vnd
 seiner macht. Sietten euch, lieben brieder, vor vilerlay
 lere vnd lerer, auch vor fürwihigen fragen, Die hailig
 schrift ist aller Christen latern oder liecht, damit sy
 wandlen sicher durch die finsternus diser welt, Jr sollen
 nit maynen, jr wöllen allain lesen vnd betrachten in der
 Biblia, nahn nahn, Jr sollen thon werck zü not diser
 zeyt für euch vnd ewren nechsten, vnd gewertig sein ge-
 mayner vnd sonderer leyden, wie sy got auff euch wirt
 lassen fallen, Aber in leyden vnd würden sollen jr mercken
 auff hailig schrift, euch darnach zerychten, darauf zetrösten &c.
 Also werden jr in würden vnd leyden gelert durch aigne
 erfahrung, was die gschrift inhalt, Mer dann durch stetigß
 lesen vnd dychten, wie man yez in Clöstern vnd schülen
 pflygt züthon, darauf hörer, vnd nit würder des gsaß
 werden, auch vor got verspottet. Was nit ein klaren aus-
 spruch in der geschrift hat, Lassen euch nit bemüen, als
 von Fegfeur, von der seelen hilff, von der hahligen eer
 vnnnd fürbitt &c. Gott hat sein gericht haymlich in vill
 dingen, darumb wir hie nicht wissen, noch darnach fragen
 sollen noch mügen, on sündt. Der lebendig krefftig war
 glaub in Christum gibt dir so für zü betrachten von

Got, in fremden oder forcht, So vil zethon dir vnd deinem
 nechsten zü not vnd nuß, das du der abgestorbenen wol
 vergeffen würest, Wo aber solch vnnuß thorlich fragen noch
 in dir gronent, hast ain zaychen aines schwachen glaubens,
 Got geb das du nit gar glaubloß sehest. Du hettest souil
 zeschaffen mit den vrtailen gottes, der verstendig, das du
 dich frembder nit bemheuen wurddest, Ach got, was mag man
 do von sagen? Wa der gaist gotes nit ist, do mag nje-
 mant solchs lernen noch leren, Dise göttliche weyßhait ist
 aller welt narrhaht. Darumb, lieben fraindt, bitten gott
 vmb seinen gaist, der wirt euch alle ding leren. Ich ver-
 mane auch euch, jr wöllen euch nit leichtlich stellen wider
 gemaine gebreüch, So langer vnd viler zeyt, auch menschen,
 es were dann ain gebrauch genzlich vnd offentlich wider
 gottes wort, Wo das nit ist, lassen den [Bij] gebrauch für
 gon, flehffen euch aber rechter mahnung darinn zeleren
 durch gotes wort, Wo solchs gelert wurd, möchten wir
 groffen fryd haben zü vnser zeyt. Also theten auch die
 Apostel, wölche allain vier ding zemeyden, als wider
 Moyseß gesaß, den Hayden gebotten, in andern wolten sy
 niemant binden. Wann ain Christlicher prediger predigete,
 wie man ain mainung solt halten in fasten, seynen, in
 gelt opffern, in der meß, in beychten, meßhören vnd lesen,
 Communicieren, Kirchen zyer vnd gebew, selen dienst, tag-
 zeytten, tempel gütter oder pfrenden, blatten oder kутten
 tragen, Clöster oder Chorherren standt 2c. Vnd deren
 gleichen vile, möchten frumen Christen on sünd vnd on
 ergernus alle obgemelte stück gebrauchen, eüßerlichen schein
 betreffendt, Wie man hez zü diser zeyt Babilonischer ge-
 sendnus pfligt zethon gemainlich, wann so man verkündt
 durch das wort, wie man sy wol möcht vnd soll gebrauchen,
 vnd dem wort nach frummen Christen sich deren gebrauchen,
 ob dann böse, loße Christen auch also thetten eüßerlich
 werck on rechte innerliche Christliche mahnung, wolten darinn
 vngeleert sein, wolten auch solche eüßerliche gebreüch nit
 lassen abgon, möchten jr, wie gesagt ist, on forcht der er-
 gernus volgen gemainem gebrauch, als ainem andern übel
 vnd zwang diser welt, Doch in Christenlicher mahnung.
 Darumb ligt vil an ainem güthen prediger. Got geb

allen stetten güt prediger. Wo aber nit offentlich gelert wirt soliche Christliche mahnung, weiß ich nit, wie ain Christen mensch müge in vil dingen beston, on ver- schuldigung in ergernus, als in Meß hören, meß lesen, gelt opffern auf den altar in der meß, vnd in ander stücken in andern hychlin von mir vnd von höhern gelerten vnd frumen menschen geschriben. Wo gebrauch ist an sollichen predigen, radte ich dir, du gangeß zu wenigst in den tempel zu meß vnd predig als du magst, so sihest vnd hörest minder goglesterung, störckst auch nit den hauffen mit deiner gegenwertigkait, Gang der münich vnd pfaffen myessig, dann so vil brüderlich lieb erfordert, vnnnd bette got deinen herren an in deinem kämerlin, biß du stercker würdest in deinem glauben, also das du auch offentlich darfst widersprechen frembden mißbreüchen mit geferlichait leyhs vnd leben, als dann ain prediger, ja alle stard Christen thon sollen. Aber wann [Bij^u] du wildest widersprechen ain mißbrauch, so biß vor durch geschriff gewiß vnd gelert, das er wider gottes wort sey, vnd wisse, wie im zethon sey, sunst wurdest du zu spott, das sage ich dir, der teuffel wayßt auch was in der Biblia geschriben ist, Er hat auch lewtt, durch die er deinen irrsal wider- sechten mag, wa du felen wurdest. Ir hapt offft gelesen vnd gesehen, wie vil freuenlich haben angefangen wider- sprechen vilen gebreüchen, als bösen vndchristlichen. Aber das haben sy gethon on geschriff, on gayst, Darumb seind sy zu spott vnd schanden kommen vor aller welt, vmb ain klaine forcht, also, das sy widerrüefft haben jr lere, vnd verdampft, auch alle andern also zethon gebetten vnd gerayht. Wölcher witzig ist, laßt im frembden fall zu nuß dienen. Darumb ist das ain trewer rat, ain mensch halt sich in vnd neme sich kaines widerspruchs an, so lang biß das er in geschriff vnd Gayst gesterckt würt, wann got laßt nit vngestraft, so man predigt den glauben on glauben, vnd die geschriff on gayst. Der Luther vnd Philippus Melanch. werden offft vnd vil von vilen vilerlay puncten halb angelauffen, da wider oder darfür jr vrtayl zu geben, Aber nyeman mag sy darzu bringen, auch an- gesochten durch scheinlich geschriff, dieweil sy nitt ganz

klar vnd gruntlich geschriffte vor in haben, thu du auch also, dir wirt nit myßlingen. Es seind vil vnder euch, die gelesen haben vil trostlicher hailßamer buechlein Doc. Lutheri, Carlstadij, Philipp Melanch. &c. Wann jr euch nit darinn mögen ergehen vnd vnderweyßen mit sampt flehßigs lesen der Biblia, darzu gethon ernstlich gebet zu gott vmb hilff vnd rat, mit ernstlicher hebung in briederlicher liebe, So wisse ich nit, was euch helffen mer möchte. Lieben brieder, frewen euch, das jr frey seind von allen gesäzen, ewer gewissen halb, vnd das durch Christum. Aber hietten euch, das jr ewer freyhait nit gebrauchen zu ergernuß ewers nechsten noch zu rom ewers flaischs, als euch Paulus warnet zu den Römern vnd Galathern. Euch sey gnüg, das jr vor got in ewerm gewissen frey seind von gesatz, sünd, tod, hell, teuffel, vnd kain creatur euch mer darein mag werffen, das jr gefangen durch sy werden, so lang jr stard an Christum glauben. Aber in eufferlichem scheinen sollen jr nit gar alle gesatz abwerffen, das nitt vnru vnd [Bij] ergernuß darauff erwachße. Aber das alles wirt euch der Gayst Christi, durch das Ewangelion gegeben, wol leren. Ich habe gehört von Doc. Martino Luther in ainer Predig ain groß war wort, das er sagt, wie man die sach ansacht, so solt vnrat darauf, Predigt man den glauben allain, als man thon soll, so vnderlaßt man alle zucht vnd ordnung, Predigt man zucht vnd ordnung, so fellt man so gang darauff, das man alle seligkait darein setzt vnd vergift des glaubens, das mittel aber were güt, das man also den glauben hebte, das er auß breche in zucht, ordnung vnd gütte sitten, vnd also hebte sich in guten sitten vnd in briederlicher liebe, das man doch seligkait allein durch den glauben gewertig were. Darumb vermane ich euch, jr wöllen nit sagen, Ey wir seind Christen, wir wöllen kain für den andern achten, wir seind all brieder, wir wöllen kain schweren gebrauch halten, wir seind aller gesatz frey. Nahn nahn, lieber brüder, Bist du ain Christ, so erbiettest allen menschen eer, vnd haltest in vor an, Ja du bist geflissen alle die ding zehalten, was dienen mag zu gemainem Friden mit Gott. Aber höre, was sant Paulus sagt zu den Christen Philippen. 4. cap. Lieben brieder, was warhastig ist, was

redlich, was gerecht, was keiſch, was lieplich, was wollamt, iſt etwa ain tugent, iſt etwa ain lobe, dem denckt nach, wölches jr auch gelernet, vnd empfangen, vnd gehört, vnd geſehen habt an mir, das thüt, ſo wirt der herr des frieds mit euch ſein.

Das iſt ain ſollicher ſpruch, wölcher vermag allen mütwillen, freuel, vnzucht zc. der loſen Chriſten umbſtoſſen vnd jm widerſechten. Lieben brieder, bitten got, das ſein wort frucht bring mer vnd mer zü vnſer zeyt, vnd das er nit wöll achten vnſer boſhait vnd leſterung, das er darumb wolte vnderziehen angebotten fraindtſchafft in verkündung des Ewangelij, wann vnſerthhalb gröſſlich verſchuldt iſt gegen got, das er billich ſein wort von vns neme, als von den vngetrewen hanlewten, man hat ſo oft angefangen das Ewangelon widerſechten in teütiſch landen, das zübeſorgen iſt, got laß nit mit jm die lenge ſchimpffen. Es iſt auch wol abzunehmen, das teütiſcher Nation nit das rain ewangelion gepredigt ſey worden anſendlich, Aber vermüſcht vnd berupfft durch die Papiſten, wann auch ſant Bonifacius vnd Kili-[Bij]^banus vnd andere von häpſten geſchickt ſeynd worden, vnd durch Mönich die ſach darnach gefürdert worden, alls noch die alten ſchotten Clöſter anzaigen in vil groſſen ſtetten teütiſcher Nation vnd vil hailigen in teütiſchen landen ſchotten münich gſein ſend.

Es were dann, das Augſpurg ain klar lycht gehört hette zü den zeytten ſant Affra, vnnd auch Straßburg zü zeyten der junger ſant Petri, als wol zü glauben iſt, vnd got gebe, das ſoliche lycht, ain mal bey euch geprediget, wider angenommen werde, durch den Luther zü vnſer zeyt in Sachſen erſtlich vnd getrewlichgeleret vnd in alle land in ſeinen geſchriſſten auß getragen. Ich halt, Luther ſey von got geſandt, Zü ſeübern die Biblia von der Ierer außlegung vnd zwang, die gewiſſen zü erlöſen von banden der menſchen gebot oder bapſt geſchzen, vnd den gaiſtlichen abzuehen den tyttel Chriſti vnd ſeiner kirchen, das ſüro hin nit mer ſollich groß bheberer gehebt, geſchirmet vnd ſtraffloß ſey vnder dem hayligen namen gottes. Ich ſprich nit, das darumb die gaiſtlichen werden außhören böß ſein,

aber das man soll wissen, das sy jr boßhait nit mügen mit gottes namen schirmen, wöllen sy böß sein, myessen sy offentlich on hailigen tittel sein der sy seynd. Auch ist Luther gefandt, das er lere das creitß vnd glauben, Welliche schier durch alle doctores verblendt oder vergessen seind. Darzü ist Luther berieft von got, vnd got gibt jm weyßhait, kunst, vernunft, stercke, vnd hercz darzü, das er vnuerdrßlich volßiert seinen lauff, got geb jm bestendigkeit, So dann er sein lauff geendet hat, wirt got lassen sterben in gestalt, zeit, stat, wie es jm gfallt, Da von wir nit wissen söllen, auch der Luther nit begert zu wissen. Es ist auch zubesorgen, das die loßen Christen zeletzt werden auch den namen Christi vnd sein lere ab in werffen, vnd werden füro hin ain offne gotlosigkeit on alle tittel der gotseligkeit, Darzü die gaislichen ain grosse hilff thon werden, So sy sehen werden, das das Euangelion jnen ann allen ortten am weg lygt, vnnnd man hez genaygt ist, auff menschlich vernunft vnd aygen gesuch, darwider gotes wort sichtet on vnderlaß, wir sollen got biten vmb das liecht seines worts, wie der .113. Psal. vns bitten leret. Das hab ich kurzlich zu euch geschriben, wann ich gar wider hin vilen geschribten außserhalb der Biblia, vnd ich wolt, ich hett mein pre-[B₄]digen mit mund allain auß gericht vnd nit mit federn, Es wil klayne oder kain nuß in biecher schreyben sein, in sachen hailig schrift betreffende, Got hat es lassen in die Biblia schreyben, darauff soll man es lernen vnd leren. Brieder, hieten euch bey gottes huld, thond kain kind in Clöster zu vnsern zeyten, wann es gar mißlich ist, leyden euch sunst mit jnen was jr mügt, wann grosse gotlosigkeit regiert in klöstern, vnd got, fürcht ich, Sein fluch über das Clöster völd, schül völd, vnd tempel völd gegeben hat. Wie aber die hez in klöster seindt, sich halten sollen, ist anderst wo anzagt.

Seindt frölich in gott vnserm herren. Lassen euch kain layd noch leyden betryeben, werfft all ewer sorg auf got, vnd bitten jn, das er alle sachen außricht. Vnd wie es euch fürkumpt, also nemendt es an in gottes namen, so habt jr fryd, vnd gottes fryd sey mit euch, lassen euch

nit betrießen, so bundel schrifftē euch verzierē oder fra
darauf jr nit mügt kommen, Aber befehlen es got v
begeren es nitt wissen, So lang biß euch got das za
Die zwyschen stond in gelassenhait, das leeret euch
wollen brechen dann aller Closter hebung, Bitten got
mich 2c.

J. C.
M. B.

Ein büchlin dar in auff

drey fragen geantwurt wirt.

i warumb das Euan-
gelion so ein kleinen fürgang hab.

ij warub so vil vnruw
vnd leyden durch das Euangelion
erweckt wirt.

iiij Ob man warten sol:
solcher neüwer leren (als man sie nen-
net) anzunemen, biß das sie be-
wert werden, durch ein Con-
cilium oder durch ein
Reychstag.

Durch Johan Eberlin
von Gündzburg.

[Uj^b] Wider kleinmüthigkeit deren, so
 sich ergern ab dem, das Christliche leere
 so kleinen fůrgang hat.
 Im jar M D xxiij.

Christus hatt allen Christen verkündet Johannis
 am .vj. Der gehst sey, der lebendig mache, das
 fleisch nuge nichts. Diß wort sol sonderlich be-
 herziget werden zů vnsern zeiten, in welchen
 Gott vns laßt sehen ein strom Euangelischs lichts, das in
 die synsternuß leuchtet, vnd die synsternuß begreiffet es nit,
 Joan. j. Auch spricht Christus Joan. iij. Das auß fleisch
 geboren wirt, ist fleisch, vnd was auß geist geboren wirt,
 ist geist. Auch spricht Christus Jo. vj. Meine wort sein
 geist vnd leben. Merck da ein Christen, das alles, was
 der mensch hat, vermag vnd ist (On vnd außser götlichs
 liechts, oder wider geboren auß Got durch das Euangelion)
 ist fleisch vnd synsternuß, allein was auß got geboren
 wirt, ist licht vnd götlich, oder geist. Auß heß gemelten
 worten wirt genůgsame vrsach dar gethon, warumb heß
 das Euangelion so kleinen fůrgang hat, So man doch so
 begirig ansehnlich dar vff gefallen ist, vnd hat ein schein,
 als ob die ganz welt ein verlangen hab nach gottes wort,
 Der schein ist also, aber der synn oder wesen ist anderst.
 Im menschen ist ein fundere nehgung zů erneüwerung vnd
 zů vrbreuz des gewonlichen, So dann solche bewegung in
 ein gemein kumpt, truckt man sie hindurch on alles vrteyl,
 es sey warlich oder scheinlich gůt. Ob auch vil ver-
 stendiger leüth das widersprechen, vnd anzeigen verstandigen
 schaden. Also ist es mit der Pfaffen Ge ergangen, alweg
 sein leüth höher andacht vund kunst darwider gesein, als
 historien anzeigen mügen, also ist es ergangen mit der
 heiligen vnnötige vereerung, [Uij] dawider Vigilancius vnd
 andere vns ernstlich gewarnet haben, Also ist es ergangen
 mit der Tempel vnműssig gebawen, dawider Jeronymus
 ernstlich schreibt, welche reine Christen haben sich nit be-
 sorgt der Műnch stand halb, sonderlich der bettel műnch,
 dawider geschriben haben so vil groß geachtet lerer biß
 in nűchst vergangen hundert jaren, darynn vil groffe erger-

nüß vnd yrsal gewaltigklich regiert haben. Mit Wäffen vnd tag zeyten ist auch also ergangen, vnd mit vil Tempel dienst, dawider man lang geschriben vnd geschryen hat, Wiß zü letst solch ding für Christliche ordenung vnd gehorsam geacht sein worden, dawider bey Päpstlichem bann vnd ewigem fluch nyemant reden dorffte, ist der güt schein deren ding gewaltigklicher gesein, dann auch besyndlicher schad darauff erwachsen vnd erfaren, gleicher weiß geschicht es in dingen, so wesentlich güt sein, Dar vff man gewaltigklich fallet, sie seind wesentlich güt, aber man fallet nit wesentlich druff. Euangelische leer ist güt, aber man fallet nit wesentlich daruff, Aber man fallet mererteil scheinlich daruff, was nit von herzen grundt kummet, ist schein vnd nit wesen, Also was auß fleisch geboren wirt, ist fleisch. Aber alles fleisch ist graß, vnd alle breiß des fleischs ist als die blüm vff dem veld. Esa. xl. Das soltu also verston, Euangelische leer ist güt, vnd scheint güt. Zeiget auch vil künlichkeit vnd sünliche übung, darab menschliche vernunft ein gefallen hat, auch die sünlichkeit, Sunderlich zü solchen zeyten, da man vast verworren vnd vneinß in leren ist, beschwert mit gesehen vnd lang in ein wohn[?] gesein ist, on erneüwerung. Vnd fallet also der mensch daruff on herzen grundt, on besyndung im geist, vnd hat hie stat die Euangelische Parabel. Matth. xii. Von der vnderschiedlichen empfahung des samen. Vil vnderstond sich auch zü predigen das Euangelion in vilen vnd mancherlei meinungen, als auch Paulus [2ij^b] sagt Philip. i. Von welchen allen Christus sagt Matt. am. xv. Alle pflanzungen, die mein hymmlischer vatter nit gepflanzt hat, wirt auß gereüttet, im flaisch sacht man solchs an, vnd im flaisch endet es sich, nach dem sprichwort, was bösen anfang hat, erfolgt selten güttes ende. das Euangelion ist ein gemein geschrei von der miltigkeit vnd barmherzigkeit gottes, vns angeboten in vnd durch Christum, solche barmherzigkeit stat in reinigung von sünden, in rechtuertigung des lebens, in frhd der gewissen, in gewisser hoffnung vnd wartung götlicher erbischafft, in fremden, in trübsal, Rom. v. In einer erneüwerung des menschlichen herzen durch Gottes wort, das dir hegt widerwertig

seind sünde, vnd dich gelustet das gütte, vnnnd das ein liebliche freintliche bewegung besyndest in dir gegen Got vnd gegen allen menschen, solcher barmherzigkeit pfandschafft ist Christus, solche herzigung schafft der geyst Christi in der frummen menschen hertzen durch den glauben, vff solche verkündigung oder Euangelion fallen die menschen, so sie es hören, vnd machen inen selbs ein gedand, won, meinung, sie wöllen auch glauben, das sie deren verheissen gütter mögen theilhaftig werden, thünd als jene, welche sagt, kramen mir, so will ich eüch auch hold sein, ist freylich ja ein schwache lieb, die gekaufft wirt vnd mit kramen erhalten, auch so man sieht, das es den frummen wol ergat, so volgt man hinach, aber diser glaub ist falsch, vnd fleischlich won, vnd mag nit beston, als die ansechtung bewert, wann es nit fürгат nach anschlag des fleischs, so felt das fleisch ab, als die blüm vff dem veld. Ein andrer sieht, wie die welt übel geregirt wirt, so er hört, das Euangelion verheisse ein güt, freündtlich, wol geordnet regiment, da got selbs regiert, felt er vff die lere, lobt sie, So aber das regiment nit für fareт so glabt vnd hübsch, wie [Mii] das fleisch gemeint hat, so salt er auch ab. Der drit will frumm werden, sein hertz ist vnruwig vnd vn sicher, versücht vil ding, So nicht hilfft, höret er das Euangelion, wie allein der glaub frumm mache, er gedenckt, ich wil glauben, so würd ich in mir selb ruwig vnd frölich vnd sicher, er höret gottes wort, er liest götliche bücher, er wandelt also für ein kleine weil, in seiner fantasey, vnd frewt sich, frumm sein durch den glauben, aber es ist fleisch, Wann die verwirrungen bleyben nit lang auß, das hertz ist nit wider geboren durch den lebendigen glauben, darumb beleybt es auch wie vor, voller gewaltiger neigung zu allem bösen, also das ein solcher vnderstat sich (Als war vnd gewiß) zübeweren, glauben an Christum mache nit frumm, vnd tritt theffer in den yrsal, als ob die werd frumm machen, der narr meinet, Christlicher glaub, dar durch man frumm wirt vnd frydlich, sey ein thorlicher won, wie er für nympt, welcher allein ein kleine zeyt die fantasey fasset, vnd das hertz gar nicht verendert, Ja mer verhartet vnd versynstert. Der vierd nympt an Euangelische leer als

ein güt burgerlich leben, vnd fallet darauff, will solchs alles vff eüßerlichen schein ziehen. Vnd so es aber im geyst muß geübt werden, daruon er nit weißt, vnnnd im geyst bringt es seine fröliche frucht, Aber im leyb bringt es nichts dann Creutz, wie gesagt ist vom dritten. So diser vierd über fallen mit widerwertigen menschlichen argumenten wirt, welcher das fleisch voll ist, Fahet er an zü schwanden, vnd bald kumpt greüliche ansechtung vnd trübsal, dar zü schlahet die argument tyeffer in das herz, da mag dann das fleisch nit beston, fallet dahin, schiltet das es glaubt hat, veruolgt das es gefürdert hat. Kurz aller solcher glaub ist auß dem fleisch geboren, vnd ist fleisch, vnstet, vmbfellig, hinflüßig. Der glaub ist ein götliche gabe, vnd du magst nit glauben wann du wilt, es [Aiiij^b] stat nit in deinem gewalt. Got schafft in dir den glauben allmechtiglich, wie er auch almchtiglich Christum vff erweckt hat vom tod, in den wir glauben. Ephe. j. Vnd fasset der glaub das glaubig herz so starck, das es nit mag widersprechen den articeln des glaubens, ja es besyndet in jm selb solcher barmherzigkeit gottes, als es der süßigkeit im honig besyndt. Vnnnd neigt das herz zü werden gute Christenliche, das ist, brüderliche werck, das herz kan auch nit mißhellig sein der leer des glauben. So man von disen dingen sagt einem menschen, das nit außervelt ist, oder zü zeyten, die seiner berüffung nit für geordnet ist, ob er schon außervelt ist, so ist es eben, als so ein liecht scheinet in die synsternüß, welche das liecht nit fahet, ist als ein Herr, welcher nit empfangen wirt von seinen eignen leütthen, die jn nit erkennen. Johan. j. Die wort des heiligen Euangelij seind geyst vnd leben. Der mensch on gnad ist fleisch vnd todt, wie mächt dann auß menschlichen kresten solch loblich vnd geistlich wort verstanden vnd angenommen werden, so auch die vernunft leret, was angenommen wirt, wirt angenommen nach der art des, darinn es empfangen wirt, volget, das ein übernatürlich gab dar zü muß helfen, sol das Euangelion herzlich angenommen werden jm geist vnd in der warheit, aber der eruelten seind wenig, als auch Christus sagt, seind auch die eruelten allein got bekant, vnd mügen übel von den menschen erkent werden, ob auch

sie schon güt seind, als in Helha zeigt wirt .iij. Reg. xix. Also wa nit glaubt wirt, es sey ein voldt, ein gemein vff erdtruch, welche Christenlichen glauben haben vnd behalten, so möcht man solche gemein nit eüßerlich erkennen. Darumb ein artidel des glauben ist, ich glaub, das da sey ein heilige gemeine versamlung, ein gemeinschafft der heiligen Christen. Folgt, das ein fleischliche red ist, so man sagt, das Euangelion wil kein [U.] fürgang haben, es will kein ganze Stat daran zc. Sag mir, wer hat dir gesagt, das das Euangelion kein fürgang hab, wie darffestu Got ein lugener schelten, Der da sagt Esaie .lv. Mein wort, das da von meinem mund wirt außgon, wirt nit zu mir lár kummen, aber wirt thon alles, was ich gewölt hab, vnd wirt ein glücklichen fürgang haben in denen, darzu ichs geschickt hab. Jez wirt das Euangelion, das Gottes wort ist, geprediget geschrifflich vnd mündlich, So müß es nuß bringen, als Got selb sagt. Das aber diser vnd ihener auch nit annemen will, wie du dann meinst, ligt nit dar an, Vileicht ist der selbig, vff welchen du merdest, nit von gott außerwelt. Darumb auch Gott sein wort nit von seinet wegen geschickt hat, Ober vileicht ist die zeyt seiner berüffung nit hie, ob er schon außerwelt ist, Auß ewigem gottes fürsehen. Darumb aber ein mal, Gottes wort nit gefant ist vff dise zeyt. Nymme des ein gleychnuß. Vil waren vßerwelt, welche nit annamen die predig Christi, jr zeyt was noch nit. Aber vff den Pfyngstag vnd darnach wurden sie bekert durch die predig Petri, Pauli zc. Als auch Paulus selbs was außerwelet, Vnd halff doch die Predig Christi vnd seiner junger nicht an jm, ward böser darvon, Sein zeytt was noch nit, welche jm Got verordnet het zu glauben. Du solt glauben, wann gottes wort geleret werd, so bringe es frucht vnd nuß, aber du solt nit alweg wissen, an wellichem es nuß bringe, du meinst so vil, vnd dise solten den glauben an nemen. Gott sagt, Esaie .lv. ca. Meine gedenc seind eüvern gedanden nit gleych, so verr darvon, als der hymmel von der erden ist, allein Christus ist, der da sagen mag, ich weiß, welche ich außerwelt hab. Johan. xiiij. Christus erwelt, Christus berüfft, Christus behüt, Christus waidet alle, so von got ver-

met sein von ewigkeit zu dem heil, vnd kein außermelter
g [24^b] Christo entlich abfallen, daruon ließ Jo. vi.
d. x. ca. vnd du solt dein fürnemen got heim geben, das
beruff durch sein wort, wann, wa vnd welche er wöll,
magst got für ein menschen bitten vnd dem menschen
halten gottes wort, in hoffnung es helff an jm, doch
oeg sprechen. Herr, dein will geschehe, hilfft es, so helffs,
fft es nicht, so laß Got sein vrteyl, thüst du also, so
tu alweg frölich, vnd ye minder das Euangelion fürгат
deinem herzen oder bedunden, so mer du dich selber
ibst in gottes ordnung, vnd straff dich selb sprechende.
herr, wie böß ist mein won. Dein wort wirt geprediget,
du sprichst durch Esaia, on frucht ergang es nit,
x so ich nit mag werden nach meinem blinden vrteil,
welchen vnd wie vil es helffe, So straff ich dich, vnd
ehle, es sey vnnütz, Vnd so es nicht nuht, so vil als
meint, so greyff ich aber in dein vrteyl, so ich mich
laß benügen an der zal vnd gradt, daran dich benügt.
doch das wort nit mein, sunder dein ist, vnd das
mmelreich nit von mir geschaffen ist, aber von dir. O
r, wie böß ist mein herz, das himmer wil in dein vrteyl
ffen. Herr, ich bitt dich, gib mir gnad, daran zu
ghen, das ich hange an deinem wort, vnd glaub, es
en auch andere vff erdtreich, die daran glauben vnd
igen, ob ich auch die personen vnd zal nit erkenne, als
auch nicht sol wissen. Gibst du mir aber etliche deiner
ind zu erkennen, sol ich dir darumb größlich danken,
s auch der Prophet thut. Psalm. cxviiij. Zu mir sollen
oendt werden die, die dich fürchten, vnd welche dein
gnüß erkennen. Wiß auch, das Euangelische lere alweg
et vff die, deren wir minder achten, das an jnen dise
fahen solt. Als auch Paulus sagt .i. Thorin. i. Vnd
s die welt hin würfft, nimpt Gott an, was die welt vff
t, würfft gott nider. Du meinst, Scribe vnd [B]
arisei der Juden, auch die Philosophi vnder den Heiden
en fürderlich Christus leer angenommen haben, auch
hohen schüler vnd Klosterleuth zu vnsern zeiten, vnd
mant solt mynder geacht haben seiner leer, dann Solner,
ren, Sünder. Wie ist es aber ergangen? Christus antvurt.

Die Solner vnd Huren werden eich vorgeen im reich der hymmel. Matt. xxi. Vnd Matthei. viij. Vil werden kummen von orient vnd occident, werden rüwen mit Abraham, Isaac vnd Jacob im hymmelreich, Aber die kynder des reichs werden geworffen in eüsserliche synsternüß. Merckst du hye ein erschrocklich vrtheil, das den frummen heiligen gleyßnern sollen die öffentlichen Huren vorgon im hymmel, vnd die kynder des reichs werden außgeworffen, Aber die frembbling werden vff genummen. Ich vnderstand mich nicht zü antwurtten den vnglaubigen, Aber den glaubigen in disem artidel, darumb weise ich dich vff deinen glauben. Du glaubst, es sey ein Christliche gemein vff erden, was du glaubst, das syhest nit. Soltu auch nit vrtheilen nach dem sehen, aber nach dem glauben. Allen vnglaubigen geben wir dise antwurt, so sie vnser spotten, als gang vnser glaub vnd leere nicht für, vnser sein wenig, wir sehen verachtlich zc. Wir antwurtten. Vnser Gott berüfft, welche er will. Im gefelt, das im also sey. Dar an benügt vns wol, Auch ist sein will, das verachtlich leüth berüfft werden, vnnnd vff erden mer veracht werden. Er macht es, wie er will. Seyn will ist güt, im sey lob vnd breyß. Den glaubigen sagen wir, Das got nicht laßt, er gibt zü erkennen ein glaubigen den andern, zü trost vnd nutz, so vil im güt ist, Welche du nicht erkennest, besylhe es got, beleyb im glauben, zweyfel nit, der glaubigen seyen vil. Vnd der Got, welcher dir gibt zü glauben an Christum, gibt auch dir zü glauben, es sey ein Christliche gemein, vnd [Bi^b] gibt dir frewd im glauben. Solchen trost süch im Paulo .ix. x. xj. Capittel. mer dauon zü reden gib ich heim dem geyst Christi. Welcher wöll fryd reden in dein herz in diser vnd ander sache, dein glauben ansechtende. Wiß auch, das ein anzeigen ist eines kleinen glauben, so ein mensch sich also kümmert in sachen, welche allein got züstond außzurichten, welche wir nichts sollen wissen. Aber allein got vertrauen, zü im vns üben, vnd bestendiglich bleyben. Wie es werd ergeen mit Euangelischer leere, zeigt Christus an Matthei .xiiij. Da er Euangelische lere vergleicht einem samen, der außgeworffen wirt, an dem erst der vierd theil frucht bringt, vnd so er

frucht bringt, Bringt er vngleich frucht, etlich dreßsigfältig, etlich sechßigfältig, etlich hundertfältig. Nymm diß parabel für dich, lob vnd wunder dich ab gottes vrtheil, der geyst Christi wirt dich auch nit vntroßlich erschrecken mit der vnseiligen fürsehung gottes, so du sie bedenckest, aber er wirt dir behstendig vnd trostlich sein.

ij. warumb Christenliche leer solch groß verfolgung leide, auch wider die klaghafftigen Christen in leidens zeyt.

¶ Ein vnglaubigen ist bald geantwurt, so er fragt, warumb Christenliche lere so groß vffrür mach, wann Christenliche lere ist wider alles, das die menschen güt, schön, frumm, weiß, hoch achten, so muß von nott volgen ein grosse widersprechung, verfolgung, vnd die größte von den höchsten, es sey dann, das got in das menschlich herz geb das licht des glaubens, das klärlich zu erkennen geb, das Christenliche lere gerecht sey, Vnd alle menschliche widerstendige lere sey falsch. Wa das licht nit kumpt, ist vnmüglich, das menschliche herzen loben vnd fürgeen lassen die Christenliche leer. Weytern bescheid sol [Bij]len wir nit geben, wann die vnglaubigen mügens nit begreiffen, Verspotten vns meer darumb. Ja sie verachten es als die Sew. Matth. vij. Bey den vnglaubigen schafft das Euangelion zorn vnd verachtung, vnd keinen glauben, Wann das Euangelion zeigt an gottes zorn über alle menschen, jr bösen herzen vnd werck halb. Rom. j. ij. Cap. Vnd die bösen hassen das licht. Johan. iij. Die vnglaubigen sein böß, Volget, das das Euangelion, welches ein licht der welt ist (Johan. j. Vnd .xij.) laßt kein übelß verborgen ligen. So man zeygt den bösen jr bößheit, zürnen sie, so aber vnser lere so vnachtlich vor der welt ist, verachten sie die. Also seind sie zorns halb hund, vnd verachtung halb sew. Matth. vij. Vor denen die heiltumb vnd margariten zu verbergen seind. Darumb ich auch so kurze antwurt gib den vnglaubigen. Aber den glaubigen sag ich also, wie möcht diß lere on vffrür sein in der welt,

so es in dir selb on vffrür nit gewesen ist, es hat all dein krefft leybs vnd seelen bewegt, betrübt, getödt, als du wol befunden hast, Ja es krieg in dir angefangen zwischen dem geyst vnd fleisch, Welcher vor der stund deines tods kein end nympt. Kein vffrür, kein streyt vff erden, kein marter ist gleych solchem leiden, der angeet in einem menschen, welchen Got will frumm machen, vnd dem streyt, der da weret zwischen fleisch vnd geyst biß in den todt, glaub mir nit, aber S. Paulo, der sich so fast darab klagt. Rom. vij. Ist dir so we in dir selbs gesein, so Christenlich leer anfahet in dir zü wircken, so doch gottes hand in dir ist, vnd dir hilfft tragen, bieweil du außerwelt bist, wie ein grosse vffrür vnd widersechten, meinstu, bringe in der vnglaubigen herzen, die kein götliche außserwelung erkennen noch besynden in diser ansechtung, ja nichts anders erkennen, dann tod vnd hell, wo Christenliche leer ein fürgang hat, wann Christenliche lere tödtet vor an. Das er [Bij^b] kennen die bösen, so sie hören, das alle vernunfft, tugent. 2c. Sey grosse sünd, vnd auß vns müg kein heil kummen, auch wie wir all verdampft seyen auß vns selb. So vil mercken die vnglaubigen, vnd nit meer, darwider sechten sie mit leyb, eer, güt, seel. 2c. Wann sie nit mügen fassen, wie das Euangelion auch wider außferweckt vom todt der sünden zü dem leben der gerechtigkeit, zü trost vnd ewigem leben, So Christus sünd, todt, hell, teüfel krafftloß gemacht hat gegen allen glaubigen, bist du ein warer Christen, so würstu diser antwort theffer nach gedenden. Zü dem andern, gib ich dir meer antwort, vnd sag. Du glaubest, ee ein Büchstab abfallen solt von Christus wortten, müße hymmel vnd erde vergeen, Hat aber Christus vor an gesagt, grosse leyden werden fallen vff seinen glauben, solt du dich nit verwundern, wann solch leyden angeet, er hat vns vor hin gewarnet, das wir daran gedenden sollen, so sie kummen. Christus sagt vom leyden Matth. x. Ein brüder wirt den andern in todt geben, der vatter seinen sün. 2c. Vnd Johan. xvj. Es kumpt ein stund, das alle, welche eüch erwürgen, vermeinen Got ein dienst daran züthün, Aber das hab ich eüch gesagt, vor dem vnd es geschehe, das jr daran gedenden, so die stund kumpt, das ich eüch das gesagt hab. Vnd Matthei x. Ich schick

euch als die schaff in mittel der wölff. Vnd ob nyemand vns anfechte, so muß ein Christen jm selv ein krieg vffrichten, da er die gehorsam gottes worts fürsetzen muß aller freundschaft, wie nahe sie ist, Als er sagt Matt. x. Welcher vatter oder mütter lieber hat dann mich, ist mein nit wirdig, Vnd welcher sün oder töchter lieber hat dann mich, ist mein nit wirdig. Ja noch meer, Welcher nit vff sich nympt sein Creutz vnd volgt mir nach, ist mein nit wirdig, Vnd welchem sein seel oder leben lieber ist dann ich, der wirt sich selv verder[C*]ben, vnd Paulus sagt Actuum .xiiiij. Durch vil trübsal müssen wir gon in das hymmelrych, auch .ij. Thim. iij. Welche wollen götlich leben in Christo Jesu, werden leiden veruolgung, aber was ist not, das ich sundere sprüch auß lise vnd fürhalte in diesem stuch, so doch allein das exempel Jesu Christi vns genüg ist anzeigen das thörllich gedenden deren, welche sich wundern, das widerred vnd leiden so söllig vff güte leer fallet vnd vff frumme menschen, was ist all sein leben gesein anderst dann ein leyden. Bischoff vnd Pfaffen, gelert vnd gewaltig, verstendig vnd tholl, vätter vnd frembde seynd widerwertig gesein seiner lere vnd leben. Auch sagt er, der junger ist nit über sein meister, noch der knecht über sein herren, es ist dem junger genüg, wann er ist als sein meister, vnd dem knecht, wann er ist als sein herr. Habent sie den haußuatter Beelzebub genant, Wie vil meer werden sie es seinem haußgesind also thün. Matt. x. vnd Johan. xv. Gedendt an mein rede, da ich euch gesagt hab, der knecht ist nit über sein herren, Haben sie mich veruolgt, sie werden euch auch veruolgen, Haben sie mein lere behalten, sie werden auch einwere behalten. Ist ein grosse thörlheit, das ein Christen, der im leben vnd lere Christi syndet leyden vnd todt, anderst verhofft im geschehen werden. Aber da her kumpt aller yrsal, das wir nit herzlich Christen seind, wir haben nit ein gemeinen glauben, aber ein gemeinen won, gond also für vnd für in gewonlichem gebrauch, wir achten nit vil vnserß glaubens, gedenden auch nit nach eim andern glauben, volgt kündtlich, das wir kein glauben

*) Bogen B hat im ersten Druck nur 2 Blatt.

haben. Es seind zweierley güt wirkende menschen, Etlich haben besondre gottes gnad, darauff sie getryben werden zü güter gotgefelliger übung, Etlich thün güts auß gewonheit, vnd so sie auch andere vmb sie sehen güts thün, aber das creuß vnd leyden schey [Ci^b]det sie geleych zweyerley hunden, da etlich vff dem geiäg gebahset seind, andere, die nit also seind, lauffen sie alle, aber auß vngleycher bewegung, die ersten rücken das gewild, dem geruch lauffen sie nach durch stauden vnd doren, die andern lauffen darumb, das sie sehen andre lauffen, so sie aber an ein dornheck kummen, bleyben sie ston, lauffen nit mer, ein kleine hindernuß haben sie, so achten sie auch nit des gewilds, haben kein innerlich treyben. Wie wol aber Christus seinen Christen grosse trübsal verkündet, So halt er doch inen grossen trost für, welcher alles leyden übertrifft. Matthei am zehenden. Ir sollen nit fürchten die, welche den leyb tödten, vnd die seel nicht mögen tödten, Aber viel meer fürchten den, der vermag leyb vnd seel in die ewige hell werffen. Ist es nicht also, das man zwen spazien kaufft vmb ein pfenning? vnd deren keiner fallet vff die erden on eüweren vatter. Nun aber seynd auch eüwere har vff dem haupt alle gezelet. Darumb sollent ir eüch nicht fürchten, Ir seind besser dann vil speghlin. Matt. am .v. Selig seind, die leyden veruolgung vmb der gerechtigkeit willen, wann ir ist das hymmelreich. Johannis am .xvj. Ir werden betrübt werden, aber eüwer traurigkeit wirt bekeret in fremd. Yetz habt ir traurigkeit, Aber ich wird eüch wider sehen, vnd eüwer hertz wirt sich frewen, vnd eüwer fremd wirt nyemandt von eüch nemmen. In der welt wert ir zwang leyden, Aber habt ein güt züuersicht, ich hab die welt überwunden. Matthei am lezten. Ich bynn bey eüch biß an das end der welt. Was ist das ganze Euangelion, dann ein anzeihen grosses vnglücks vnd leydens über die auß-erweltten. Item ein Christ ist vnder den vnglaubigen, wie ein roß zwyschen dornen, Als ein mann mittel vnder seinen feynnden, Welcher von allen, vff alle ort angerendt wirt, Aber beleibt alweg [Cij] ihghafftig. Als da spricht der Prophet am neun vnd hundertsten Psalm. Du solt herschen in mittel deiner feynd. Ob ir einer sagte, Ist es also

gethon vmb ein Christen, das er sollich groß leyden muß vmb tragen, vnnnd das leyden gewiß vnnnd empfindlich ist, aber der trost vn sichtbar vnnnd villeycht vngewiß, So will ich also anhyngon, vnd mich des glaubens nit vil annemen. Ich will schlecht glauben, Wie die Christlich kyrch glaubt. Antwort. Einem Christenlichen menschen ist göttlicher trost als gewiß, als gewiß im das leyden ist. Darzü ligt es nicht in deinem willen oder gewalt, das du glaubest oder nicht, Wenig oder viel glaub ist ein gottes gab on allen verdienst, Schicken vnd fürsehen dar zü, Vnd wirt gegeben allein den geordneten vnnnd außerselten, In grad oder maß, von Gott geordnet. Vnd mag vnser will nicht dahyn reychen durch sich selbst. Das du sagst, Ich will in gemeinem glauben beleyhen. 2c. Ist so vil gesagt, Ich will bey dem gemeinen hauffen beleyhen, so geschicht mir nichts. Ich wil mir lassen den glauben sein, als ein andere Stat ordnung, deren nyemands mag mitt fryd widerston. Neyn neyn, lieber freündt. Das ist nicht Christenlicher glaub, es ist ein gemeiner won, nitt gemeiner glaub. Christlicher glaub ist einem yeglichen Christen so eygen vnnnd nach angelegen, das (ob auch sunst nyemandt glaubte an Christum) dannocht wolt er nit abweichen, Er achtet nit, ob fryd oder vn fryd darauß erwachse, er spricht, Man muß got mer gehorsam sein dann den menschen, Vnd welcher nit auch sein selbst verleügnen, mag nicht Christi junger sein, Darumb bist du in sollichem deinem won nicht ein Christen, aber ein vnglaubiger. Lieben freünd, Wir seind noch verr von warem glauben. Der glaub ist gar ein liecht, krefftig vnnnd wirklich ding, Laßt das hertz [Cij^b] nicht synster, faul, krafftloß, Laßt das hertz sich nicht bekümmern mit solchem thorlichen reden, fragen. 2c. Er saht nicht so schwächlich das hertz, das es von hetlichem wind werd bewegt, sunder ein glaubig hertz ist wie ein hauß vff einen felsen gebawen, Dem weder güß, schlägregen noch sturmwind schaden mögen. Matt. vij. Ein warer glaub ist ein selzam gabe, Vnd auch ein glaubiger mensch ist ein selzam mensch, deren doch nicht vil funden werden. Aber wie wenig jr seynd, ist jr doch vil genüg, die weil sich got an deren zal benügen laßt. Das aber so vil verdampt werden, vnd wenig selig,

solt nit wöllen erfragen, wilt nit yrren, greyff got nit in sein vrteyl.

iiij. Von denen, welliche jren beschlußlichen glauben wöllen vff halten, biß das ein gemein Concilium oder Reichstag werde. 2c.

¶ Ich gebend offt an das wort des Hochgelehrten vnd würdigen herren Philips Melanthon, da man von diesem Titel redet, antwurt er, Solch leüth vermeinen, es sey vmb den glauben zu thün, als vmb ein ader oder matten, oder vmb ein andern zeytlichen handel, darinn man gewißlich thüt, so man volgt dem vertrag, der durch gemein oder oberkeit beschicht. Aber vmb den glauben istß nit also gethon, der geschriffte muß man anhangen, ob auch ober oder vnderthon all da wider sechten wölten. Es ist warlich ein blind ding vmb vns menschen, das wir vom glauben wöllen reden, leren, schreyben vnd vrteylen, vnnnd wissen nit was glaub ist, Wer glaubt in ein menschen, solch glaub vnd Opinion fallen selb ab, wöllen wir mit vnserem vnglauben den glauben handeln, wer kein wunder, das wir auß heimlichem vrteyl gottes gar verherttet würden vnd vnwiderbringlich verderbt, [Ciiij] der glaub verweist also das glaubig mensch, das er gewisser ist des glaubens dann keins leyphlichen dings, wartet nit, biß das Concilium oder Reichstag darüber vrteylt. Ja durch seinen glauben vrteylt er Concilia, Doctores, Papst, Keyser vnnnd Reichstag, als auch Christus gewalt vnd gebot allen Christen daruon gegeben hat. Matthei .v. Das kumpt alles daher, das man den glauben achtet für ein menschliches fürnemen, das nach weiser leüth rhat soll geführt werden. Aber du hast gehört, das warer glaub ein ander ding ist, ein götlich vnseelig licht, das alle welt vrteylt, als Paulus sagt .i. Corin. ij. Spiritus omnia dijudicat, Das man aber meinet, man solt eines Concilium erwarten, kumpt auß dem yrsal, das man hat genommen den gewalt dem gottes wort in der Bibel geschriben, das allein über vnsern glauben herschen soll, vnd hat man den gewalt gezogen vff menschlichen rhat, Doch in gutem schein, als ob man da durch wölle

für kummen vilen yrsalen der groben menschen, Welche heilig geschriff mit verstanden, hat wol ein schein in menschlicher policey, da vngelerete sollen den weisen vnd gelerten volgen. Aber in Christlichem glauben ist's nit also, allein ware Christen seind Christen, vnd alle ware Christen seind gelert vnd hochgeleret von got. Johan. vj. Vnder den Christen ist keiner vngeleret, vnweiß. 2c. Auch ist die geschriff [nit] als synster, das nit ein Christen durch das liecht seines glaubens verston müge, was offentlicher spruch darinn seind, hat auch ein Christen genüg zu schaffen mit solchen klaren texten, bedarff nit vff hngewidlet verborgen text sich geben, laß sie ston den anderen, welchen hoher verstand geben wirt von got. Darumb ist es on not, das du warten wilt vff ein Concilium, du hast die Bibel, darinn all nöttige articel des glaubens klärlich fürgehalten, dar bey bleib vnd vrteyl [Cij^b] dardurch alle Concilia vnd lere. Wenn du also geschaffen bist, so bist du über sie, vnd sie nit über dich .j. Corin. iij. Hastu das Euangelion recht gehört, so hast du geschriff genüg, lere genüg, hastu ein rechten glauben von got empfangen, so hast du liecht's genüg, dein glaub laßt dich nit durch menschen regieren, noch durch andere lere meer, dann durch gots wort, dar auß er geboren ist, wilt du warten, biß ein Concilium versamlet wirt, müßt noch lang warten, ob dann ein Concilium versamlet wirt, bist du noch vngewiß, ob alle (Deren rhat geuolget wirt) reden gottes wort, Vnd also müstu ye zu vor gots wort in der Bibel begreyffen, gelert vnd gewiß sein, vnd nach der Bibel die Concilia richten, wann die Concilia sich in keinen andern schein fürgeben, dann das sie wollen gots wort fürtragen, in der Bibel gelert. Folge du der Bibel, das Concilium kumm, wann es müge. Du sprichst, die Concilia erklären vns die synstere geschriff. Antwort, nichts ist in den synstern geschrifften, das nit auch in klaren geschrifften gezaigt sey, Auch ist kein erklärang der geschrifften gewiß, dann welche durch andere klare geschriff geschicht, Vnd solche gewisse zusamen haltung der geschrifften leret allein der heylt Christi. Ich fürcht, du müßest lang warten, soll ein solch Concilium versamlet werden, als du für nympt, hettest du ein waren glauben,

er ließ dich nit ein halbe stund im zweifel ston, fürnemmer artidel halb vnserß glaubens, ich geschweyg, das er dich ließ warten vff ein solch Concilium, deren villeycht keins versamlet wirt biß an Jüngsten tag, ich waiß, das ein Papt für keherey geurtheilt hat, das ein ander nachkommender für Christlich auß geschriben hat, vnd widerumb, auch ein Concilium als böß verworffen ein ding, das ein anders Concilium für güt beschloffen hat, aber das wort gots vnd Christlicher glaub lassen sich nit also hin [C.] vnd her biegen, brechen vnd machen wie man wil, auch waiß ich kein fürnemen artidel vnserß glaubens, darüber nott sey ein erklerung des Concilij, wir haben klare text der geschriff genugsam, dauon hinzu oder dauon zuthun kein Concilium gewalt hat, vnd lassen allein Apostel vnnnd Euangelisten darinn, Ja alle Engel mit jnen. Gala. i. Aber was ist nott vil dauon zü reden. Got hat von ewigkeit außervelt etlich menschen zü der seligkeit, welche er in zeyt durch das Euangelion beruffen wirt zü dem glauben, die wirt er auch durch sein wort leren, festigen, schützen vnd schirmen, on vnser blappern. Es ligt auch weder am Luther, Karolstat oder Melanthon, das sie ein tading lassen machen in den articeln des glaubens, sie müssen als wol bey warem glauben bleyben, seind sie recht Christen, als ander Christen, glaub ist über Luther vnd Papt. Du meinst villeycht, ein ganze stat oder landt solt das reyn Euangelion einhelligklich annemen, vnd darnach sich fleyssen zü leben. Daraus wirt nichts, es ist nye geschehen, der merer theil wirt alweg heyden oder vnglaubig bleyben, also das der glaubigen zal ein kleine schaff herde bleyb, wenig roßen vnder vil dornen, wenig Christen vnder vil vnglaubigen, man hat angenommen den Christen nammen in vil künigreychen, aber nit das Christenlich wesen, als man sieht, wie vnchristlich gelebt wirt vnder Christlichem nammen, vnd villeycht ist nit die kleinst ansechtung vnnnd verfürung, so man heydnisch leben vnder Christlichem nammen füret, vnd also vil (on hyndernyß) geergert, so man keiner ergernyß förcht, so lang biß grosse fleischliche laster vnfallen, welche auch der Heyden gesetz straffen, das einfeltig völd meinet, so lang Christlicher

namm nit vff höre, sehen andere ding sicher, also das auch mynder verfürlich were bey den Heyden wonen (Deren leben auch allein des namens [C^v] halb geflohen wirt) dann vnder den bösen Christen. Vnd ist die büberey so ferr gewachsen vnder Christenlichem namen, das man auch mercklich kazerey vnd laster beschirmet mit dem heiligen nammen Christi, Christenlicher gemein, Euangelij. 2c. Als leyder hez am tag ligt. Darumb, lieben brüder, thünd eüch solcher wartung ab, das jr nicht vergebens warten auff ein solche vereintigung, Wie die Juden vff jren Messiam. Datum Wittenberg.

Durch Johann Eberlin
von Günzburg.

¶ Im jar. M D xxij.

Ain kurker gschriftlicher bericht et-
licher puncten halb Christlichs glauben, zugeschickt der
hailgn samlug auferwekten Cristen zu Vlm in schwa-
ben dadurch sy gemanedt werden nit abston vom
Euangelj, etlicher entpörung halb vnd eyntråg
so in vergangen Summer der teüfel zugericht
hat, dauon auß vrsach nitt deüßlich hne
gesagt wird.

Durch Johan Eberlin von Gnnzburg
M D XXXij.

JE
M W

Si morum¹⁾ fecerit expecta eum
Quia veniens veniet et non tardabit.

Titel der materien diß büchlin.

Was Christlich kirch sey.	Von gnad vnd verdienst
Welchs jr haupt sey.	Von der ansechtug göttlicher
Von iren gsazen	predestinacion halb.
Etlicher fragen antwurt	Vö glaube vnd gnten werckn
Ob man vrtailen mag cō	Vom freyen willen.
cilia bāpst vnd vätter.	Von der messß
Wer vrtailen mag	Von bechñtten.
Von vnußen fragen.	Von Fasten.
Etlich treuw warnung	Vom Feuren.
Vö Doct. Lut. ler vñ lebē	Vom Klosterstand.

¹⁾ Statt Si morum fecerit ist moram zu lesen.

[aij] Allen frommen vnd außerselten
 Christen zu Wm in schwaben wünscht Johann
 Eberlin von Günzburg Gnad vnd frid von got
 vnserm vatter, vnd von vnserm herren
 Jesu Cristo.

In got lieben brüder, jr wißt wol, das ich in ver-
 lossner zeit bin vngnügſam eür prediger geſyn, vnd
 also eur ſelen hail zeſüchen pflichtig gweſen, hab ich
 ſollich ampt getragen etwenn lang mit fleiß, wie euch
 wiſſent, vnd wie wol etlich meiner mißgünſtigen durch radt
 vnd trübe ſachung mich veriagt haben, achte ich mich nit
 minder eurn Appoſtel ſeyn, ob ich yedoch abweſenndt bin.
 Wann da ain weyßer Erberer radt gemercket hat, das
 yene (Bür ſelben zeit meine gwaltige oberſait.) mich wolten
 verſagen, haben ſy ainhelliglich mein wider begert, münt-
 lich gegenwertig, vnd gſchrifflich abweſent, aber der gewalt
 der finſternus hat ain klain wil an mir geübt ſein mü-
 wil, dadurch ich hinſür ſein lang ſpotten möcht. Es ſoll
 jm nit gelingen. Ob ich abweſende bin, hab ich doch nit
 auffgehört ſchreiben zu euch, vnd will noch nit auffhören
 meiner berüffung genüg zethon, ich hoſſe auch, meyn wortt
 ſoll war werden, das ich auff das veſt Petri vnd Pauli
 in der predig ſagt, ich traue got, ich ſol Gerlicher wider-
 kommen, dann ich abgeſchaiden bin, ob es dem teüfel laid
 werde, hez komme ich wider, nit leipblich, aber jm gaist,
 mit offenlichen waren geſchrifften. Wyſſent auch lieben
 brüder, das mir got groſſen troſt bewyſen hat vmb die
 kurz veruolung erlidten bey meinen lieben freunden vnd
 brüdern, Daruon jr wol mügen gedencken. 2c. Wann got
 mich von dem gwalt Babilonis erlöſt hat, da ich ſouyl
 jar gedient hab, vnd da ſelbſt mein ſeele offt begert hat
 ſich freuwen inn Gott jrem hail, Vnd vor vyle der
 wolckenn Teüffeliſcher leere mochte ich es nit erlangen, das
 ſchwäre vrttail Gottes müß ich außſleydenn. Aber hez
 hatt [aij^b] er mich laſſen ſehen ſein hail, vil ſölliger dann
 die lieplichen augen Simeonis, Got hat mich erlöſt von
 meiner köpſch hüren babilon, deren ich zugefallen vmb mit-
 nacht auffgeſtanden bin zeſingen, jr geſaßtet, jr zeli-
 eben mich

Luce ij.

Appo. xvij.

psal. cxxij.
 Ruce. ij.
 gegaißlet, vnd mich lassen sechßfeltig nerren, darab der teuffel grossen gefallen het. Die gesandnus ist auß, ich bin erlößt als der spar. Got hab lob, der mich auch gefürdt hat zu den flüssen hailamer wasser des Euangelij, genn Witenberg, da zehören gotes wort, vnd antwurte zehaben gegenwertig auff züfellig frage, loben got vnd frewen euch mit mir, wann er hat mir grosse ding gethon, vnnnd sein nam ist hailig. Ich solt nit vergessen diser grossen gabe gottes, aber andern auch fraintlich helffen vnd radten, Wye mir geschehen ist. Deßhalb ich eur sonderlich ingedend byn vnd sorgtrage für euch, das nit eur güter anfang in annemung des Euangelij gefälscht werde durch etlicher vnrayne leere, damit sy euch auff vertrauen eur güthat zuehen von Christo, oder durch ire klainmütigen vnnstätigkeit (So sy spötllich abschweren als vnrecht, das sy vorhin ernstlich gelert haben) Ir auch abslüchtlich werden. Darumb ich euch hie züschreib ain kurze vermanung vnd leere trostlich, als ich hoff, eurn gewissen, was mñch geursacht habe auff dyße zeit, wil ich nit offentlich außschreiben, aber edtlichen haymlich kundt thon, mir ist gnüg, ob ich mag schaden fürkommen, ich wiß wol, das vor mir in vilen büchern gnügsam vnd klerlich solich nachfolgenbt artidel außgeschryben seind, durch welche auch ich in die Bibel gesyerdt bin worden, were edtlichen nit not, das ich auch daruon schreibe, aber brüderlich liebe vnd sorg sol mich an disem ort entschuldigen, sonderlich auch so ich erkendt, in welchen puncten euch leren nodt sy, vnd jr meiner weiß zeleeren gtwon seinnd, welches groß nützt den zühörern. Nempt dise gschrifft fraintlich an, als ichs maine, vnd biten got für mich. Die guad vnseres herren Jesu Cristi sy mit euch allen. Amen. Datum Witen. in sachsen auf Rath. M. D. xxij.

Von der Christlichen kirchen.

[aiij] Der artidel von Christlichen kirchen, von irem haupt, irem gewalt, iren gsahen ist der thürangel, darinn gar by alle andern widerspennigen puncten (yeß fürgetragen in der welt) getriben vnd begriffen werden, darumb euch

fürderlich not ist, dauon ayn wol gegrünten verstand ze-
haben, was die kirch sy, merckt also. Durch die sünd Adam
ist er selbs vnd alle seine nachkommen verfallen dem ewigen
tod, aber auß grosser barmherzigkait hat got fürgenommen
etlich wellen erhaltten, das jnen sünd, tod, teüfel, hell, nit
müg schaden. Sollich barmherzigkait well er bewyßen
durch ain somen ainer frauwen, welcher som zerrknütschen
wurde der schlangen haupt. Gen. iij. Ca. Diser som ist
Jesús von Nazareth vnser seligmacher, von disen somen
got auch Abrahe verheissung gethon, Gen. an vil orten,
auch dem künig Dauid. Psal. 131. vnd an andern orten,
von der verhaissung diß gebenedyten somen hat got in
seiner hailigen gschrift durch die propheten für vnd für
klärer anzaigung gethon. Rom. 1. C. Dadurch zetrosten
alle gepeynigte, trostbegirige gwissen, vnd alle menschen, so
diser verkündung götlicher barmherzigkeit glaubt haben,
auch vor dem vnd Christus ist geporen worden, vnd alle
so nach, biß an jungsten tag glauben werden, werden ge-
nannt ain glaubiger hauff, ain außermelt hailig völd, ain
Cristliche kirch, diß wörtlin kirch deütet ain sammlung
oder hauffen, vnd Christlich kirch ist ain sammlung der
Christen, von disem hauffen sagt Pau. Gal. iij. Ca. Co. iij.
ca. 1. Cor. 12. ca. Das der glaub an Cristum, an den ver-
haissen gebenedyten somen vergleiche alle glaubigen vnder
ainander, das kain ansehen ist der person, der art, des
gschlechts, des glücks, sonder alle gleich seyen kinder gots,
mitbrüder, miterben Cristy vnd alle ains in Christo. Auß
dem lerne, das weder stet, zeyt, noch person oder anders,
vnderscheidet vnder den Cristen, wa ain mensch ist, das
glaubt, Cristus warer gotes vnd menschen sun hab im
verdienet bey got erlösung von sünd, tod, teüfel, hell, der
gehört zu dem Cristlichen hauffen, er sey in der hayden
oder türcken oder tattern land, er sy vnder des bapst [aiij^b]
oder künig Sophi gwalt vnd gehorsam, er sy arm oder
reich, knecht oder frey, frau oder man, Mönnych oder lay,
er trag grhen oder grau klaidt, kurz oder lang, er sy vor
dem glauben fromm oder sündler gsin, er hab gelebt vor oder
nach Crysti gepurt, lerne auch, das man nit sol sagen,
allein in disem oder yenem land seind Christen, allein zu

biser ober andern zeit seind Christen, allain in disem oder
 yemem stand seynd Christen, wann kain leipblich oder zeit-
 liche ort, land, Stannnd zaigt Christen. Christus hat zu
 allen zeiten, in allen landen, vnd standen etlich außersweltete
 schafflin, die er außersweltet hat, berufft vnd selig macht,
 welche aber an stat, stand, zeyt binden ain Christlich wesen,
 werden anzaigt durch chrystum Mat. 24. Etlich werden
 sagen, hie oder dort ist chrystus vnd nit anderswa, aber
 jr sollen es nit glauben, es seynd falsch Propheten, vnd
 Duce. 17. ca. Das reich gots ist nit an ain solchen oder
 solchen stand gepunden, aber das reich gotes ist in eüch,
 chrystus hat ingesezt sondre zeichen, dabey bewerlich erkent
 mügen werden Christen für andre menschen, ain eusserlich
 zeichen, wa man leret vnd gern höret das Euangelion.
 Jo. 8. ca. Das ander zeichen ist der tausf. Math. vlt.
 Das drit brüderliche frainschafft. Jo. 13. ca. In dem
 werden alle menschen erkennen, das jr mein junger seind,
 so jr liebe haben zusamen. Das viert ist, Nüssen Sacra-
 ment des leibs vnd blüts Christi, das hailig brot 1. Cor. 10.
 v[un]d 11. ca. Nesz gemelte zaichen seind eingesezt von Christo,
 dabey Christen sollen erkant werden, Wa dise zaichen funden
 werden bey leüten, auch in der haydenn land, so halt sy
 für Christen, wa man sy nit findt vnd wer es Kom selbs
 vnd ain Kartuß, so halt nit, das Christen da seyen, wiltu
 nit irren. Auß dysem magst wol mercken, das allayn die
 glaubigen an chrystum (gottes vnd Marie sun, als an ain
 mittler vnd ain verhaissen haylanndt) gehören zu dem
 Christlichen hauffen vnd kirchen.

¶ Vom haupt christlicher kirchen.

¶ Ain warer Christen fheret ängstlich frage vom haupt
 der [a₄] Christenhait, ain warer Christ ist gwyß, das Christus
 der verhaissen vnd gebenedyhet sey (an dem alle Christen
 mit glauben hangen vnd halten, von dem sy jr beruffung,
 benennung, segen vnd seligkait haben) aller Christen haupt
 sy, vnd yetlicher Christen ain glib Christi sy, alle Christen
 zesamen ain leib Christi, welche empfangen verainigung, kraft,
 merung, würckung nach besolhnem ampt, alles von jrem
 haupt Christo. Eph. 1 vnd 4. ca. Ist augenscheinlich,

Eph. 1.
 Colo. 1. c. ij.

daß kein ander creatur sol genant werden ain haupt der christen, so kein creatur solche gaben der christenheit geben mag, welcher ain ander haupt nennet, der irret, welcher wil ain haupt genant syn, ist der entchrist. Es sol auch kein creatur genant werden ain Vicari oder statthalter Christi, wann ain vicari ist ains abwesenden. Chrystus aber ist allen seinen glaubigen gegenwertig auff erden, als er sagt Mat. vlt. ich bin bey euch biß an das end der welt. Matth. vlt
 Christus hat geordnet apostel, propheten, Euangelisten, hirtten, lehrer, als Paulus sagt Ephe. 4. ca. vnd 1. Cor. 12. cap. Sollen aber nit für heupter oder vicari gehalten werden, noch also genant, sollen genant werden diener Christi vnd der kirchen, vnd schaffner der haimlich ding gotes, Ephe. 4. vnd 1. Cor. 4. Deren kainer verricht die hauptwerck in der chrystennheit, das seinnd erwölen, be- Ephe. iijf.
1. Cor. xij
 ruffen, erleuchten, rathen von sündten, regheren vnd bestätigen im weg chryst, Schirmen vor Teüfel vnd helle, ewigklich beseligen, Christus allain thütt dyße werck, er ist allain das haupt. Die werck, so er befehlt seynen dienern obgemelt, als das Euangeli den menschen eufferliche inn gschriffte oder worten fürtragen, leyhlich tauffen, vnd hailig brot raychen. 2c. Seynd nit hauptwerck, aber allain vorlauff, auß seynem haimlichen vrtail also geordnet, doch werendt sy nit haysam, wa er nit selbs inn der Seele würckte, was außserhalb dadurch allain deütet wirt, von sollicher eufferlicher werck wegen mag noch sol kainer haupt oder vicari gemant werden über die Christen, meer aber ain diener vnd knecht Christi vnd der kirchen.

[a.] volgt auß disem, das weder bapst, Bischoff, noch Cardinal, weder patriarch, noch primat, haupter oder vicarij seind über die Christenheit, vnd sollen dise namen, als haupt der Chrystenheit, Vicari Christi, kagnem engel noch menschen zugelegt werden, bey seelen hail, welcher dafür wil gehalten sein, ist der antenchrist.

¶ Merck.

¶ Ain vnchristliche red ist, so man sagt, Christus verricht gaisliche ding durch sich selbs, aber leipliches

regiment über Christenheit befelch er ainem menschen als seinem statthalter, sollich wort redt kein Christen, aber er glaubt dem wort Christi Joh. 19. Mein reich ist nit weltlich, vnd Luc. 22. Vnder den Christen sol kein leibliches regiment seyn in herschung vnd gwalt aines über die andern in Christlichen sachen, ain sollich regiment ist heidnisch.

¶ Der glaub an Christum macht Christen, durch den glauben gibt Christus seinen hailigen gaist, welcher leeret, regiert vnd tröstet alle Christen, zeucht sy vom bösen zu gutem, on eusserlich gwaltig regiment, bedürffen kains eusserlichen gesatz. eusserliche regiment, gesatz vnd gwalt oder zwang gibt er über die heiden. 1. Thi. 1. vnd Christus wil nit, das solch heidnisch regiment raiche zu der regierung der gweisen seiner Christen, welcher eusserlich gesatz vnd gwalt braucht über die gweisen, ist der endtechrist, er sy Bischoff oder bader.

Christus gibt seine Christen in gwalt des heidnischen regiments jr leib, leben, güthhalb, vnd was lieplich vnd zeitlich ist. Ro. 13. c. aber ire gweisen behalt er jm selbst zeregieren, darinn nit gepauen noch abprochen sol werden, nit verboten, gepoten, erlaubt, Dann was er allain thut mit seinem götlichen wort in der biblia fürgetragen, alle Christen sollen sich bey selen hail hütten, das sy sich kainem andern vnderwerffen dann Christo, wie gesagt ist, welcher aber wil regiern über gweisen, oder sein gewissen andern regiment vnderwürfft, sündt wider got vnd seinen Christum, so dye päpst, bischof gwalt brauchen über ander leib, güt, leben, tünd sy als heiden, so sy mit iren gsehen die gweisen binden, sind sy en[b]Christen, obgemelte gschrift bewerendt das.

¶ Von ordnung vnd gesatz der kirchen.

¶ Ain Christ wirt geporn vnd regiert durch das wort gotes, was gots wort nit ist, mag nit hilfflich sein in chrystlichenn sachen, vnd alle wort gottes, vns hailfam vnd not, seind in der Biblia beschriben, volgt das alles chrystlich regiment auß der Biblia genommen werden, vnd

bey dem fluch ewyger verdamnus sol nicht von oder zügethon werden. Allayn das wort gottes bindet, löst, tröstet, leeret. 2c. Die gewissen, kain anders, sol auch kain anders für solchs angnommen werden.

¶ So auch ain christ müß handeln in burgerlicher beywonung deren ding halb, leib, eer, güt vnd leben betreffent, sol er sich darein gleichförmig machen den gmainen gßzen weltlicher oberkait, vnder deren er lebt, souil sy nit wider gotes wort sechten. Rom. 13. ca. Vnd sol gemaine ordnung souil fleißig halten, wie vil er gotes ordnung darinn erkent, wann auch weltlicher gwalt von got ist. Also sol man leren, spricht Paulus. 1. Tim. 6. Welcher anderst leret, ist hoffertig vnd waißt nicht. Ob auch ain gepot vnd ordnung vnbillich aufgelegt wirt, sol es geduldet werden, souil sy nit gots wortt widerig ist.

¶ Den christen ist auch erlaubt vnder ain ander ordinieren eusserliche sachen, liepliche oder vnliepliche, damit ainhelligkeit vnd gleiche gehalten werd. 1. Co. 6. vnd an andern ortenn, aber dise ordnung eusserlicher ding sol die gewissen nit antasten. Das sicherst ist, das man christliche ordnung allain auß der Biblia lerne, auß kainem andern büch, daselbst findt man sy rain vnd lauter, ob schon etlich sprüch der bibel in päpstlichem rechten oder in der vätter gschriften gezeigt werden, ist vnicher darinn lernen vmb vil vrsach willen, deren ain tayl erfahrung leeret. Ain hailßam ding were, das yetlicher christ ain biblia im hauß hielte, wer lesen wißt, teglich ain zeit lang oder kurz darinn lese, sein hertz dadurch zü got richtet, seyne sytten gegen dem nechsten, vnd andrer bücher müßig stünde, so vil möglich were. Got geb, das wir den selben tag erlebenn.

[bi^b]

Etlicher fragen antwurt.

¶ Auß dem volgt, das beschwerde päpstlicher vnd kaiserlicher, ja lantlicher gepot mügen vnd sollen erliten werden, souil sy nit wider gots gepot farent, als fasten nach gmainem gebrauch, feirtag halten in zimlicher zal, (Dann zü vil feirtag ist wider gots ordnung vom meiden

des mießhggangs), greptnus zierd vnd cerimonien, vnd deren gleichen mügen erliten werden. Folgt, das auff den altar vnder der meß nicht geopffert sol werden, so lang der irsal von der meß bleibtt, das dye meß ain gut werd vnd opfer sey, durch den priester den lebendigen vnd todten zugeordnet hilfflich sey, vnd sollichs wercks vnd opfer wil man durch gelt opfer tailhafftig werden, welcher da opffert auff den altar, wirt stráßlich als die, von welchen Paulus rehet. 1. Cor. 8. vnd ca. 10. Du magst ain priester hilfflich sein von dem altar, ausserhalb der meß.

¶ Es zimpt nit beichten on anmüt vnd begird zú der absolucion, darumb sol ainer nit wollen in disem wilfaren andern, es ligt mer daran, dann am fasten, so on begird götlicher huld kain absoluz fendlich ist. Niemand sol sich lassen treiben zúvil auf gesagten fürgeschribner worten jm gepet, als in tagzeyten vnd beicht bússen, wann solichs ist wider das gepot christi. Mat. 6. So jr beten, sollen jr nit vil wort sprechen. 2c. vnd Exo. 20. Non assumes nomen domini dei tui in vanum. So man von dir fodert hilff vnd steir zú gepaw der altarien, tempel vnd jren zierden, magstu zimlich hilff dazú thon, besser were aber, du legtest solchs an arm leut, lebendig tempel gots.

¶ Mit laß dich zwingen seelmeß für die todten bestellen, dye weil da bleibt die opinion vom opfer der meß, vigilien vnd ander gepet für sy magstu anrichten. Der hailgen fürbit magstu begeren, aber solt nit dauon vil sechten, eere sy mit dem, das du sy für kinder gots haltest, ist gnüg damit. So man dir nit wil sacrament raichen, du gebest dann gelt, so gib gelt.

Wil man dir nit zúlassen grad der ee, die auch jm gsatz gots erlaubt seind, du gebst dann gelbt, so gib gelt. Wil man dich nit der kutteln erlassen on gelt, gib gelt.

[bij] ¶ Zú vnsern zeiten ist der kloster stand ain pfiz aller vngöttsamfait, darumb sol sich kainer darein geben, vnd welcher darauff mag kommen, thú es, welcher nit fliehen mag, leide sich als in ainem thurn vnd begere hilf von got, deren gleichen fragen vil magstu auflösen, so du in deinem glauben wol vnderrichtet byst.

¶ Ob man müg vrtailen concilia, bapst vnd vater.

¶ Alle concilia, bapst vnd vätter tragen für, sy wellen dye Christen leren gotes wort, volgt das sy so durch anzaigen, gotes wort sey über sy, vnd wa sy nit gnügiam fürtragen gotes wort, sol juen nit glaubt werden, als yenen die nit gnüg tün jrem fürtrag, volgt auch das yenen vnsynnig seind, welche sagen. Concilia, bapst, vater sollen gehört werden on alles vrtail, geben meer gwaldt den concilijs, bapst vnnnd vatern, dann sy selbs begeren noch erkennen, sy sprechent, der hahlyg gaist regiere die concilia, bapst vnd vater, vnd widersprechent dem hailgen geist, der durch concilia vnd vater leret, gotes wort sol über alle seyn, nach welchem alle ding geurtailt werden sollen.

¶ Welche vrtailen mügen vnd sollen.

¶ Christus sagt Mat. 7. zü allen Christen, hüten euch vor falschen propheten, vnd die appostel leeren vns, wir sollenn vrtailen die leren vnd gaist, ob sy biblischer lere gemess seyen. So mügen vnd sollen alle christen vrtailen lere der concilien, bapsts vnd der vater, vnd gilt nicht die einrede, hetlicher narr wurd richter über die predigen, ain christ ist nit hetlicher mensch, aber ain selzam sonder mensch, deren gleichen nit vil ist, auch Christus nent sy ain klaine herde. Luce. 11. capi. Vynn christ ist auch kain narr, er hat ain klar licht des glauben übertreffent alle naturlich erkantnus, vnd christus hat gelert, alle hailge gschrift sey verfaßt in zwah stücken, der liebe gotes, das ist glaub, vnd liebe des nechsten. Deren zwaier stück herzlich erkantnus macht ain christen, darumb mag vnd weist ain crysten vrtailen nach biblischer ler alle ander leren, ob ain christ nit lesen kan, hört er doch die wort seines glaubens als schalen von andern menschen, vnd got lert inwendig den kerer recht verstands, welch [bij^b] eufferliche leere vnnutz seind, got leeret jm herzen alle chrysten Jo. 6. ca. On seine lere ist kain licht, kain bstand jm herzen Mat. 7. vnd .13. Naturlich vernunft on bucher zaigt, das drey vngerad ist. also der glaub, ain über

naturlich liecht geschöpfft auß hören des wort got's, zaigt on bücher leeßen alles notigs zů dem hail, das vnchristliche herzen solchs nit begreiffen mügen, hindert vns nit, ainß vnberichten handtels mag kainer richter syn. Darumb auch aller vnfrid in leren entspringt, das vnchristlich gmut sich lassen auff aygnen dunkel, als were es liecht des glaubens, fallen drucklich damit in die gschriff, darinn sy verplendt werden vnd andre mit sich versüren.

¶ Von gnad vnd verdienst.

¶ Ich wiß wol, das ainseittig christen gemeinlich bekennen, jr verdienst sy nicht, sy gewartent allain der huld vnd barmherzigkait got's, vnd sy faren recht in jrer bekennung. Da wider reden vnd schreiben etlich gelert vnd vernünfftig menschen, sy jrrent, vnd wellen ander leüt jr machen, mich verdrüßet jnen antwort geben, so sy also tolle argument der vernunft vnd menschen lere sýeren in sachen des glaubens vnd hailiger gschriff, solchen widersachern ist nit zeantworten meer, man laß sy in jrer verdammnuß, Tit. ultimo. Sy seind oft geleert Vnd gestrafft worden, Durch vñler geleertter christlicher leerer gschriften, aber zůstercken der ainseittigen wider ander giffstig leere, wil ich etlich sprüch setzen der Appostel, daruon Sant Paulus .8. ca. [Rom.] Redet von den christen vnd zaigt, das sy auß ewigem anschlag got's darzů erwelbt seynd. Spricht, nach dem fürsatz got's seind sy berufft haysgen, wann die er vor fürsehen vnd for verordnet hat, dye hat er berufft, vnd die er berufft hat, hat er gerechtfertigt, Welche er gerechtfertigt hat, hat er auch groß gemacht.

¶ Ephe. 1. Got vnser vatter hat vns inn jm erwelt, Ge er die welt hat beschaffen, das wir weren hailig vñnd vnbescläct inn seynem anngesicht inn lieb, welicher vnns fürgeordnet hat, das wir zů gewünschte kind weren durch Jesum Chry- [bii] stum in jnen nach dem fürsatz seines willen zů lob der glory seiner eeren, darinn er vns angemem gemacht hat in seynem lieben Sun.

¶ Item das er vns kundtlich machte die haimligkait seynes willen, nach seinem wolgefallen, das er fürgesagt

hat, in jm, zü verordneter zeit wellen ersehen alle ding in Christo im himel vnd auf erd. 2c.

¶ Colo. 1. Got der vatter hat vns wirdig gemacht der erbschafft der hailigen im liecht.

¶ S. Petrus sagt . 1. Pe. 1. Die Christen sehen erwölt zü dem glauben, nach der fürsehung got des vaters. Item auß seiner grossen barmherzigkait hat er vns wider geporenn zü christlichem wesen. S. Johan. 1. Jo. iij. Wir haben nit lieb gehabt got, aber er hat vns vorhin lieb gehabt, vnd sehnen Sun gesant ain begnader für vnser sünd. auff dise vnd andere sprüch der biblia gründe dein glauben, der dir anzaigt, das vnser seligkait gnad ist, kain verdienst, ee du bist geporen, hat dich got fürsehen, Ge du güts oder böß würdest, bistu im blüt Ihesu christi getaufft, noch ain vnredent kynd (liße darauff das .9. ca. Pau. ad Ro.) Warumb merckst du dann nit, das dein hail on dein verdienst ist, allain auß gnaden gots. Gnad gots ist sein huld, vnuerdyent von vns.

¶ Von der götlichen predestinacion.

¶ Ich weiß wol, was menschliche herzen hindert disen arthtel zeglauben, durch in würt der ganz mensch getödt, alles liecht der vernunft, alle erwölung, anschlag, gütdunkel, vnd alles gfallen in aignem thon vnd lon wurd erwürgt dadurch vnd müß angon das reich gots im menschen, vnd auffhören das reich gots der vernunft oder des teüfels. Solich absterben fleucht der mensch, vnd sücht behelff aigner werck vnd fürnemenn vor got, das er nit so ganz bloß stande vor so erschrocklicher maifestat, aber er hindert sich mit aignem fürdern, vnd macht sich noch häßlicher vor got, als der prophet sagt, als vnser gerechtigkeit sey vor got als ain tüch der frauen, das sy braucht zü zeiten jrer frandhait. Darumb, lieber brüder, ergibe dich dar [biij^b] ein, laß dich die wort gotes würden, vnd tödten ganz in dir selbst auß, vnd laß got eingon, er wirt dich ganz widergeben vnd auferwecken, laß andre härin hembt tragenn, jren leib köstigen, in kloster lauffen. 2c. Dir sey gnüg, das du dich gebst gefangen got durch den glauben

als Paulus sagt Rom. 14. ca. Was on solchen glauben geschicht ist sünd.

¶ Vom Freyen willen.

¶ Die erfahrung gibt zeügknuß, das vnser will nit frey ist, das aigen werck des willen ist wellen, aber der will ist seines aygen wercks nit gwaltig, du müßt oft anders wellen, dann du gern thüßt, den verdruß oder gefallens magst nit außtreyben wann du wilt, du haffest oft, so du lieber liebtest vnd widerumb, dein hertz leret dich das, das aber die volstrecklich kraft ains tails vnderworffen ist dem willen, als gon, ston, sizen, Zaigt nit an ganzen freyen willen, der will ist gleich ayner frawen, auß deren gepot vil mågt müssen vmblauffen hyn vnd wider, vnd sy ist ain betriß, mag niendert hinkommen, ist irer aygen fuß noch hend nit gwaltig. Also der wyll ist seines aigens wercks nit gwaltig vnd seind jm doch frembde krafft gehorsam, was ist das für ain freyhait, über das zaigt Paul. Ephe. 1. Das alle ding für oder hinder sich gond nht nach vnserm anschlag vnd willen, sonder nach der fürsehung gottes, die zü oder von, alle creatur nicht thon mügen, aber got geprauchet alle creatur zü werd zeüg als ainn scherer sein messer, das on den scherer nicht schneiden mag, allain der glaub in Christo der sünd abgelegt, der macht den willen wyder frey. Jo. 8. cap.

¶ Von der meßß.

¶ Vnser vorsehendt haben ire versammlung vnd zeit gmaynen handlung genant meßß, missam, da sy christliche sachen verricht haben in gmain, vnnnd nemlich Fünff sachen da außgericht, verkündung des Euangelij. 1. Cor. 14. Gmain ge[c]bet für alle menschen. 1. Thim. 2. Consecrierung vnd nießung des leibs vnd blüts Christi. 1. Co. 11. Außtailung gmaines almußen. 1. Cor. 16. Straff der offen sünden vnder den christen. 1. Co. 5. Vnd sollich meßß zeit vnd versammlung mocht der teüfel nit leiden, hat es gar vmbgeleert auß haimlichem vrtail gots.

Für die verkündung des Euangelij liest man heß haymlich ain stück von der biblia als Eppistel oder Euangelij, oder liest öffentlich, aber in latein, das es niemant verstet, oder saget es zeteütsch on erklärung der wort, wider die ordnung Pauli. 1. Co. 14.

¶ Für gemain gepet ist das gschray der Rorhynger vnd das bomblen der orglen.

¶ Für empfangung des sacraments gibt man das pacem zeküssen.

¶ Für gmain almüßen opffert man dem hailgen in stoc vnd dem reichen pfaffen auff den altar, das man tailhaffttyg werdt seines opfers vnd güten wercks des meßhalten.

¶ Für die straff der offnen sündler ist des statfnechts geschray vor oder in der kirchen, auch die bann brief vmb haller schuld, vmb faßnacht hönner vnd Martins ganß.

¶ Auch wirt bey der meß zu vnsern zeiten nicht verstanden dann Consecrieren vnd empfangen des Sacraments vom pfaffen vnnnd das eingeweychten klaydern vnnnd stetten zu außgelesener zeit mit Sonndern geperden, da von glaubtt der ainfeltig christ, es geschehe von pfaffen ain kostlich güet werck vnd got ain groß opffer, so angemem, als das opffer Christi am creuz, dann ehlet yederman taylhafftig zewerden diß opffers für tod vnnnd lebendig. Darumb gibt man gelt vnnnd güet, vnd ist alls falsch. probatur, Diß Sacramennts krafft streckt sich nit weytter, dann es Christus geordnet hat. So nun christus nit auch mit ain wort zeigt auff sollych pfaffen thant, sol man nicht dauon halten.

[ci^b] ¶ Diß hailig brot ist gleich ainer gmainer spend, die man fürtregt armen leuten zegeben, so sy jr bedürffen vnd begeren, die armen leut mit danckparkait einnemen vnd bekennen, sy haben güts vom haußuater empfangen, vnd damit jm nit gegeben, also auch christus hat eingesetzt diß sacrament zu zeugtnus götlicher huld zu vns, vnd zu sterckung vnser geistes in diser zeit, das ist allen not, aber nit all seind sein begirig, vnd sol aber kainer diß empfangen, er beger dann trost vnd sterck in seiner gewissen, glaubt er vnd begert diß sacraments, so erlangt er was er glaubt hat, vnd er sol got danck darumb sagen vnd erkennen

empfangen gab, aber welche mahnent, das sy damit got ain opffer thond, sünden schwerlich, dann sy danken got nit, es wer not, das got inen danck sagte. Got wyll auch nit, das ainer für den andern empfahe diß speiß, er will, das hettlicher für sich selv es thü, darumb bitten got jetlichem diß brot vnd tranck sonder dar. Es ist auch den lebendigen geben vnd nit den todten. Darbey magstu mercken die grosse blintheit, ja mißbrauch, die souil hundert jar geübt send worden mit disem hochwirdigen sacrament. Darumb wir send in souil schand, laster vnd yrzal gfallen, als von vnserß gleychen gschriben stat. Rom. 1. O got biß vns gnedig.

¶ Vom beichten.

¶ Beichten zaigt ain anslag sein selbs, vnd ain absolution von ain andern menschen gesprochen. Nun wißtt, das beichten ain hailßam ding ist, so du betrübt bist in deiner gewissen, vnd wißtt nit, wie du mit gott daran bist, kompt zu ainem andern güten christen vnd klagst im den qual deynes herzen mit wenig oder vil, mit gmainen oder sondern worten, so hastu gebeicht. Dann sol dir ain Christen güthen trost geben auff gotß barmherzigkait durch christum, das ist die absolution, glaubstu solchem trost auff gotß huld, so gschicht dir wie du glaubst, trawest, ein Psaff mag dir baß radten vnd trösten auß götlicher gschriff, so beger die absolutionn [cij] vom psaffen, trauwest ainem andern Christen baß, so beichte ainem annern. Sollich angstlich erzelen der sündt bey quintlin, lot, minuten. 2c. Ist nit von nöten, ist auch nichtt sicher. Da bey laß bleiben der haillichen beicht halb, so byßheer im brauch ist gsein, wenn du nit begirig bist der absolution, so laß dich zu kainer beicht treyben, leyde Ge den Tod, so bist ain martrex vor got. Es muß geliten sein, in vnserm leiden erscheinet gottes eer. Du bittest got all tag, sein nam sol gehailigt vnd geert werden, so er wil durch leiden vmb der gerechtigkeit in dir geert werden, so fleuchst dauon, ist nit das got gespotet.

¶ Vom fasten.

¶ Ain abbruch leibplicher speiß vnd trand, so vill dem leyb nuß ist vnd not in Christlichen weßen, das heit fasten, den christen in der gschrift gepoten, von vnserm gmainen fasten wit die gschrift nicht, doch radte ich, man dulde sy als ain andre leibpliche bschwerung, bi es besser wirt, wann du es magst erleyden. Damit wirt dir ayr, flaisch, milch, kß nit verpoten, so dir not ist, der Papst redt auch also dauon an etlichen orten seiner gsatz.

¶ Feirtag.

¶ Bil feyrtag schadet leyb, gtt vnnnd seel, als kntlich ist, wann mhyg gon ist ain vrhab der laster vnd ain verderptnus des gtts, wann du aber ye souill mt feyren, radte ich dir, du wrdest etwas klaines in deinem hau, fr b gedand oder berig m. Der Sontag vnd etlich wenig andere feirtag sol gehalten werden, z versamlung der christen, me wie oben gesagt zehalten, vnd (als Moses sagt. Exo. 23.) das vihe vnd dienst daran ruven, auch du selbs, das nit gre der arbeit zeuil bschwerde bringng dem leyb. Darbey merck, wie gro sorg dein got fr dein leyb habe.

¶ Vom kloster standt.

¶ Ich hab euch oft gesagt gegenwertig . Klosterstand gefallen mir bel, Sonnderlych da so vyl groer gelbt ist. Vrsach meynner rede habtt yr Darnach inn anderen [cij^b] gschriftten viler hochgelerter gelesen, vnd ich sag noch bey deiner vnd seiner seelen hail, th kain knd auch inn reformiert kloster, dieweil es also geschaffen ist mit kloster stand wie z vnsern zeiten, vnd wa du mit radt vnd hlff magst ain person auß dem kloster stand erlsen, th es z lob dem theren blt Jesu Christi, wann ain groer flch gots ist ber das kloster volck, got helff jnen, ich sag nit meer auff di mal, so lang bi mich mein gaist treybt weitter zeschreiben.

¶ Von vil vnnutzen fragen.

¶ Wa rechter Christenglaub ist, laßt er den menschen nht so müßig vnd thün, das er sich bemüe mit sonil thörllicher fragen, daruor Paulus warnet alle Christen in Thimotheo vnd Tito, als von bilden der hailigen, von anrheffen die hailgen, von seegfeir, von hilff den todten. 2c. Daruon nicht geschriben stat in der biblia, ain rechter Cristen durch sein glauben erkent, was er got vnd seinem nechsten thün sol, damit er sonil zeschaffen hat, vnd im so nach zu herken gadt, das er sich nit mit außländigen sachen bekümmert, Vnd fürchtet sich vor got, solt er wellen wissen dinng, nht durch Biblia gezaigt, er ergibt sich selbs göttlicher ordnung vnd all lebendige vnd tod bepflecht er got, trauwet im, er verricht alle ding nach dem allerbesten, wann man dir solch frag fürbringt, so segen dich dauor, vnd sprich zu dir oder andern, weyt sy von mir, das ich gots hämlichkeit erfrage, ich sol es nit wissen, ich wils auch nit wissen, es ist ain zahchen der verdammus, so ain mensch also fragt dinngen nach außserhalb der bibel, so er doch gnügsame warhait in der Biblia hat, vnd got hengt dardurch grossen irsal, wie diser tag zaigt. 2. Thessa. 2.

¶ Etlich treuwe warnung.

¶ Meine liebe brüder, hangen ernstlich ann dem klaren tex [ciij]ten der biblia, dauon lassent euch weder hailgen noch engel treiben. Gal. 1. cap. Weder new noch alt prophetenn. Ich wiß auch wol, das jr übel versorgt sind mit lerer, des antechristen regiment hat eur stat besessen durch bettel Münch, das nit wol on wunderparliche würdung gots euch dauon zehelffen ist. Darumb ist mein radt, wa ir merdt, das ahn prediger nit predigt raine leere christi, vnuermengt mit menschen leeren, das jr nit sein predig hören, beleiben dahaym, stercken nit den irsal des predigers mit eurem zühören. Ir erbarmen mich, das euch wenig güt prediger zütail werden, vnd ob euch ainer wirt, so verhayt man in vonn euch, kommt zesamen inn ain hauß vnd lesen oder hörend lesen das hailig gots wort, vnd

leere hetlichs das ander, sonil got offenbart, biß es besser wirt.

¶ Der teüfel hat auch durch seyn lycht verhinndert bequeme stund zupredigen, das man vor sonil manichen messen nht mag vor mitag ein stund haben zu vlm, gotes wort zepredygen, ob man schon güt prediger hetten. wann die herren von Vlm den betel münchen das predigen niderlegten, vnd behülten ain frommen geleerten man zepredigen auff niechtere stund, jm geben ain noturfftige narung, das were ain güt hailßam ding. Got gebe jnen weißen radt vnd hilff.

¶ Von Doctor Martin Luther.

¶ Das etlich bey euch Doctor Martin Luthers lere vnd leben schelten mit mund vnd gschrift, lassen euch nit hindern. in fürnemen artickel vnserß glauben schreibt Martinus Luther wol vnd recht, welcher anderst redt, der schilt vnd lesteret, nit Martinum (dann die leer ist sein nit), aber got vnd seynen christum. in andern puncten, den glauben nit berürenden, schreibt Doctor Martinus so wol, das noch kainer seynr widersacher besser gschriben hat, wirt ainer besser ding schreiben, wellen wir in loben. Etlich verscherent seine lee-[cit]^bren vnd bücher zelesen, sy seind böß Cristen, ja vnßinnig, dol leüt. Ich hab erfaren an vilen, das Luthers finden nit allain glauben gebricht, sonder auch kunst vnd vernunfft vnd ain gmaines menschlich vrtail in zufälligen sachen, mercken darauff, jr werden mir recht geben.

¶ Ich bin zu Witenberg vnd hab dem Luther, dem Melanthon vnd Carolstat selbs vnd durch ander auff gemerckt vnd nachgefragt, vnd ich fynde, das sy frumm erber leüt send, dauon auch mißßelt sollich vnordenlich weiß vnd myßßgebrauch, auch böß sytten etlicher, die vnder dem namen des Euangelij eer, nuß vnd flaischliche freihait süchen, wann man der sach nachkeme, als sy es fürgeben, das wort gotts wurd nit also gelestert inn der welt, deren halb die sich des Euangelij berümen vnd mit vneuangelischem leben, keren euch an kain menschen, der in artickel des

glaubens anders redt, dann Luther gschriben hat vorhin, ob schon Luter vnd Melanchthon vnd Carolstat, ja ain engel gots wolten abfallen, jr sollen der leere, nit dem Doctor anhangen, Ich wolt, das etlich vnder euch des Luthers wandel so vil angeschauet hetten als ich, jr wurden bald den übelredern jr maul verstopffen. Diße gschriffte also on geflyssne ordnung der puncten schick ich euch zu auß sonderer fraintschafft, wann ich auß entpfangnen brieffen vnderricht, groffe vrsach hab eben obgemelts vnd nit anders oder mer auf diß mal zeschreiben. Nemen es an mit gütwilligkeit, vnd flyssen euch auch dem christlichen namen gleich zeleben, das nit der hailig nam vnder den vnchristlichen menschen, eur bößer syten halb, gelestert werd, Darumb jr in groß schwere vrtail gots fallent, es sol sich auch kainer vnder euch selbs fürtragen, zeschirmen christlich lere, er sey dann vor wol gegründet in erkantnuß vnd gaist, das nit sein blödykeit jm streit ergernus bring den andern, hetlicher bewere sich selbs, ja er warte gotes berüffung, jr mercken wol was ich sag, ist nit not deutlicher zeschreiben. Ich grüß euch alle in got vnserm vatter. Bitten gott für mich. Got sey mit euch. Amen.

[c₁^b] ¶ Sant Paulus sagt Philipp. 3. cap. Brüder, mir ist [nit] verdrüßlich euch ain ding offft schreiben, so es euch not ist, vnd ich sag, ob von vilen erleuchten lernern solchs in disem büchlin verfaßt, klerer vnd völliger bschriben ist, hab ich doch sollen auß rat frommer leut meinen gütten frainden zu Wlm auch darvon schreiben, es wirt, hoff ich, onn nutz nit hingon, dieweil ich gots wort füre.

U M E N.





STANFORD UNIVERSITY LIBRARY
Stanford, California



PRINTED IN U.S.A.

